

Biografie

6

~~29-F~~

~~137~~



6 29-F 137

~~6-12-F-51~~



original copy of the

manuscript of the

original copy of the

original copy of the

242

Author legitimus Consobrino  
Suo R. P. Claudio Clement  
frater Simplicianus Gody  
amicitia Symbolum d. d. d.  
1642



AD DISSERTATIONEM  
NUPER EVVLGATAM  
DE DVOBVS  
DIONYSIIS,  
RESPONSIO.



*In quâ euidentiſſimè demonſtratur vnum  
& eundem eſſe Dionyſium Arcopagi-  
tam & Pariſienſem Epiſcopum.*

Authore D. GERMANO MILLET,  
Monacho Congregationis S. Benedicti,  
aliàs Cluniaceniſis & S. Mauri,  
ordinis eiufdem S. Benedicti.



PARISIIS,  
Apud DIONYSIVM BECHET, viâ  
Iacobæâ, ſub ſcuto Solari.

---

M. DC. XLII.  
*Cum Approbatione.*

Author legitimus Consobrinus  
Suo R. P. Claudio Clement  
frater Simplicianus Gody  
amicitia Symbolum D. D. D.  
1642

AD DISSERTATIONEM  
NUPER EVVLGATAM  
DE DVOBVS  
DIONYSIIS,  
RESPONSIO.



*In quâ euidentissimè demonstratur vnum  
& eundem esse Dionysium Arcopagi-  
tam & Parisiensem Episcopum.*

Authore D. GERMANO MILLET,  
Monacho Congregationis S. Benedicti,  
aliàs Cluniacensis & S. Mauri,  
ordinis eiusdem S. Benedicti.



PARISIIS,  
Apud DIONYSIVM BECHET, viâ  
Iacobæâ, sub scuto Solari.

---

M. DC. XLII.  
*Cum Approbatione.*

AT DISTRICT COURT

IN AND FOR THE COUNTY OF

THE DISTRICT OF

IN SENATE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE



SANCTISSIMO  
GALLIARVM APOSTOLO  
DIONYSIO.



**M**ETVERET *Gallia non  
immerito, DIONYSI  
MAGNE, Si non eundem  
Te, quem olim coleret ingrata, quo  
Defensore tam diu nihil metuit:  
Sed verò magis gratulabitur sibi  
Gallia, cuius tam altè sensibus in-  
fusus es, ut nec mutare Te ali-  
quando, nec mutari se unquam  
velit. Te Solem ignorent suum,  
qui palpant meridiem: Et conten-*  
a y.



tiosè disceptent, qui Patronum  
aut habent nullum, aut non suum.  
Veritatem iam olim complexos de  
Te appellent patronos fabula-  
rum: & pleno tanquam theatro  
plaudant sibi ipsi de commentis  
exsibilatis, de exspiscatâ veritate,  
de Traditione fortiter vindica-  
tâ, de Dionysio ad Graciam le-  
gitimè relegato. Nihil mouemur,  
nihil indignamur, nihil metuimus:  
accusantibus, qui studio turbant;  
& qui accusant, iudicantibus. Nam  
tempus, & ratio, et veritas oppu-  
gnari possint, expugnari non pos-  
sunt. Neque verò Galliam tuam  
propterea suspitione ingrata mentis  
perstringimus de contentione pau-  
culorū, qui Te minimè agnoscunt.

Erit tua Gallia, qua semper: immò  
tui, qui numquam: quoniam &  
illa Te, & Tu hos communi studio  
bonus amplecteris. Dignare igitur  
oculis tuis, favore tuo, caritate tuâ  
opellam hanc nostram, DIONYSI  
MAGNE: Et qui a rejs sistimur, &  
vim faciunt Nomini tuo, qui vo-  
lunt assertores illius existimari: Tu  
iâ olim Iudex iudica causam tuâ.  
Atque sic eos affice, qui præsump-  
tam in hoc suo conatu veritatem  
ostendant, ut appictam à se laruam  
eidem veritati & intelligant, &  
amoveant.



## LECTORI.

**E**TSI fateor *Aduersarij* differ-  
tantis eam esse de eruditione fa-  
mam, vt posse quaterere videatur  
quod inueterauit in opinione populorum, si  
ipse contrà contenderit; & illustrare quod  
obscurum est, si lucem ingenij sui affude-  
rit; Et eruere quod arcanum & latens, si  
vestigauerit. Tamen exturbare quod soli-  
dissime stat, & extorquere quod firmitus,  
quàm ab Hercule tenetur claua, nec ve-  
reor ne possit, nec dubito. *Dionysium*, in-  
quam, *Attico-gallicum* loco mouere &  
amandare à sedibus suis, tam non patitur  
veritas, cui nulla est secundum rixa; quàm  
aquitas, quæ suum cuique manere vult. Et  
hic *Terminus* est: nulli cedit. Quare securi



respondemus ad Dissertationem literatissimi illius viri, Deo bene iuvante, magno Galliarum Apostolo (corruget narem, qui graviter accipit) & ipsa veritate, cui reuerà studium, curamque addicimus. Neque præteribimus interea quæ ab aliis Adversariis Dissertatoris suffragatoribus non mediocris alioqui doctrinæ viris, hinc inde opposita sunt nostræ sententiæ: sed ea, prout opportunum videbitur, refellemus ac dissoluemus. Quod ut cum voluptate animi tui, Lector, & ex votis tuis explanatè procedat, difficile factu est, opinor: eo quòd cursum argumentorum per singula capita irrumpat multa illa varietas ratiuncularum, quæ obiectantur passim, & quibus, ne quicquam dissimulare videremur, respondendum esse putauimus. Huic porro aliquantulæ confusionis incommodo remedium allaturum est postremum caput, siue Epilogus istius opusculi, quò te mittimus: illic plusculum prolixitatis apud prudentem

a iiii

tiam tuam, si seriò veritatem amas, excu-  
santes. Etiam & breuitatem fortasse que-  
reris, si necessitatem, si momentum, si dif-  
ficultatem rei pensitaueris. Atque hic ute-  
mur moderatiore stylo, quàm Aduersarij,  
ne non veritatis, aut Dionysij nostrj, sed  
iniuriæ nostræ vindices videamur: & non  
imparem nihilominus fiduciam asseremus,  
ne causa præjudicium sit ipsa timiditas posi-  
tæ supra omnem aleam Defensionis.

**N** O S subſignati Doctores  
Facultatis Theologiæ Pari-  
ſienſis fidem facimus vidif-  
ſe, attentè legiſſe, & approbaſſe li-  
brum cui titulus eſt, *Ad Diſſertatio-  
nem nuper euulgatam de duobus Dionyſiis,  
Reſponſio. Authore Domno Germano  
Miller, Monacho Benedictino*; In  
quo plurima ſcitu digna, & omnia fi-  
dei publicæ & veritati conſona de-  
prehendimus. Quare ad vtilitatem  
publicam, & honorem Regni futu-  
rum cenſuimus, ſi prælo mandaretur.  
Datum die tertiâ menſis Ianua-  
rij, anni Domini milleſimi ſexcente-  
mi quadrageſimi ſecundi.


FR. O V R R Y.

F. C. DE LA HAYE.  
Prior Monafterij noui.



RATER Gregorius Tarrisse, humilis Superior Generalis Congregationis Sancti Benedicti, aliàs Cluniacensis & S. Mauri, Ordinis eiusdem S. Benedicti, librum, cui titulus est, *Ad Dissertationem nuper euulgatam de duobus Dionysiis, Responsio. Authore Domno Germano Millet, Monacho eiusdem Ordinis & Congregationis, à nonnullis dictæ Congregationis nostræ Theologis nostro iussu examinatum & laudatum, typis mandari, præmissa Doctorum Approbatione, permittimus. Datum Parisiis, sub nostro manuali signo, die primâ Decembris anni millesimi sexcentessimi quadagesimi primi.*

GREGORIUS TARRISSE.



# INDEX.



GOARDVS & Aglibertus  
Martyres in Gallia sub  
Nerone, paginâ 177.

Arelatensis Ecclesiæ antiquitas, &  
priuilegia, 43.

Apostolicorum virorum peregrina-  
tiones, 125.

Britannia maior Euangelii prædica-  
tionem audit à legatis Apostolo-  
rum, 169. 170.

Caraunus Martyr in Galliâ sub Do-  
mitiano, 176.

Clemens Metensis à Petro missus,  
22. 175.

Crescens Viennensis à Paulo 17. &  
sequent. 172.

Cypriani authoritas contra Grego-

# I N D E X.

- rium Turon. 46. & seq.
- Dionysius Parisiensis esse non potuit  
socius Piatonis, Quintini & alio-  
rum, 53. & sequent.
- Dionysius mitti potuit à Clemente,  
licet sub Domitiano cæsus dicatur,  
61. 62.
- Dionysius à Clemente missus proba-  
tur, 56. 60. 61. 74. 91. & seq.  
98. & seq. 196.
- Dionysius sub Adriano cæsus proba-  
tur, 148. & sequent.
- Dionysius Athenis cædi non potuit,  
153.
- Dionysius Apostolus Galliæ dicen-  
dus, 155. & sequent.
- Dionysij scripta probata, 150.
- Dionisij duo Parisiorum primi Epif-  
copi vanè & sine autoritate di-  
cuntur, 159. & seq.

Episcoporum translationes frequen-

# INDEX.

- tes. III. & seq.  
 Eucharius Treuiros à Petro missus,  
 176.  
 Eutropius à Clemente missus, & mar-  
 tyr, 174.  
 Fides Apostolorum tempore per vni-  
 uersum Orbem prædicatur, 166.  
 & sequent.  
 Fronto à Petro missus, 176.  
 Gallia fidem recipit maturè 23. 24. 28.  
 & passim.  
 Gregorij Turonensis authoritas re-  
 futatur, 31. & seq. 184. & seq.  
 Hilduinus etiam si minimè scripsisset  
 Arcopagitica, Dionysius tamen  
 pluribus aliis testimoniis Galliæ  
 assertus maneret. 98. & seq. 198. 199.  
 Hincmarus laudatur, 90.  
 Hispania fidem recipit ab Apostolis,  
 171.

# INDEX.

Interpontificia frequentia ,	65.
Ionas Martyr,	180.
Irenæus de prædicatione fidei per totum Orbem,	186.
Iulianus Cœnomanensis,	178.
Lucas prædicavit in Galliâ ,	174.
Macrobij Ecclesiæ,	141.
Martialis à Petro missus,	38. 39.
Martinus Viennensis,	172.
Martyrologia vnum Dionysium memorant,	70. & sequen.
Massilia,	12.
Memmius à Petro missus,	176.
Methodius ante Hilduinum scripsit pro nostrâ sententiâ ;	102. & seq.
Methodius laudatur,	106. 107.
Nazarius prædicavit in Galliâ tempore Neronis,	180.
Nicasius Dionysij socius,	180.



# INDEX.

Orosij authoritas de persecutionibus  
primis Ecclesiæ, 26. 192. 193.

Parisijs laudantur, 119.

Paulus Narbonensis à Paulo institu-  
tus, 39. 40. 174.

Philippus Apostolus prædicavit in  
Galliis, 169.

Potentianus à Petro missus, & martyr  
sub Nerone, 177.

Sabinianus à Petro missus in Galliam  
& martyr sub Nerone. 177.

Saturninus à discipulis Apostolorum  
missus in Galliam, & martyr, 36.

Sulpitius explicatur, 6. 7. 15.

Sixtus Rhemensis à Petro missus, &  
martyr, 178.

Synaxarium Græcorum explicatur,  
144. 145.

Tabulæ Ecclesiarum, quæ traditio-

# INDEX.

- nem prædicatæ fidei tempore Apostolorum probant, 181. & seq.
- Taurinus à Clemente missus, 179.
- Tertulliani authoritas de maturâ prædicatione, 189. & seq.
- Trophimus ab Apostolis in Gallias legatus, 43. & seq. 171.
- Verus Viennensis martyr, 173.
- Viennensis Ecclesiæ antiquitas, 17. & seq.
- Vrsinus Biturig. à Clemente missus, 175.
- Vsuardus explicatur, 81. & seq. 120. 121.
- Zacharias Viennensis martyr sub Trajano. 172.

## ERRATA.

- Paginâ 153. lineâ 8. lege *Martyrologium*.
- Pag. 166. lin. 3. lege *Anrelio*.
- Pag. 174. lin. ult. adde, *instante persecutione, ex eodem Gregorio, quod notandum.*
- Pag. 181. lin. 14. lege *Crescens à Paulo*.
- Pag. 184. lin. 5. lege *persuadere*.
- Pag. 191. lin. 16. lege *ordinari præcepit*.



A D



PRAEFATIONEM  
DISSERTATIONIS  
RESPONSIO.



Q UOD primùm ait aduersarius futuros esse, qui Galliæ parum illum fauere dicant, addendum fuerat, Ecclesiæ, & veritati. Galliæ quidem, quam Apostolo suo tanto vellet esse orbatam; Ecclesiæ verò, cuius receptissimam doctrinam in hac parte, auctoritatem, traditionem oppugnat; veritati denique, quam cum statuere videri vult, quibus potest machinis & artibus arictat, euertit. Itaque cum

A

2 *Ad Praefationem Dissertationis*,  
inquit mereri nos malè de Ecclesiâ &  
Galliâ, quoniam Dionysium Athe-  
niensem cum Parisiensi confundi-  
mus: perorat ab exordio. Sanè mul-  
tò peiùs merentur, qui duos faciunt  
ex vno Dionysios; tum enim necesse  
est deferri honorem alterutri, qui  
nunquam fuit. Nam vnum præter-  
mittere, parum gratæ memoriæ vide-  
ri posset: sed vnum, qui nunquam  
fuerit, commentari & inducere, su-  
perstitiosum esse nemo est qui neget.  
Quod hic de Parisijs dixit, nescimus  
quò pertineat. Deinde vaticinatur, &  
promittit sibi multorum à veritate, vt  
putat, errantium reuersionem: ac tum  
bonus auceps benè allicit, exemplo  
videlicet adducto cuiusdam innomi-  
nati, quanquam laudati hominis, qui  
duos ex vno Dionysios tandem sit  
confessus: quis inuideat, si veritatem  
inuenit? quis non indoleat, si decep-

tus est? Scio quosdam, nec miror, vel audito tantum nomine dissertantis, ad opinionem hanc recenter excitatam deflexisse; & ex titulo dissertationis eius continuo de nobis pronunciasse, non expensis, non intellectis, imò nunquam lectis rationibus nostris. Quid enim? Doctorum sententia est, inquiunt. Itane veritas iudicio vnius oppignerata, & sciolorum natio de vnius voce, tanquam de Tripode & oraculo erudita catenus est, ut ad illiteratorum gregem atque vulgum descendere habeat, quisquis non ad eorum sectam transierit? Certè dubitatum est aliquando de nostro Dionysio; fueritne Arcopagita, an minimè, & à quibusdam etiam verè doctis viris, fateor; Discussa res est iam olim à gravissimis sanctissimisque scriptoribus; & veritas, refutatis ijs quæ opponebantur, cum appro-

4 *Ad Praefationem Dissertationis,*  
batione totius Orbis octo sæcula in-  
tegra stetit, nemine contrà mutiente;  
quia nulla ratio, vel authoritas emer-  
gebat, quæ aliquid auderet. Hęc ætas  
denuò pugnat tamen, & litigat: per-  
inde quasi cuique reuera litigando  
iura crescant. Verùm ut nostra sen-  
tentia nunquam exploratiorem cer-  
titudinem habuit, quæ tanta est,  
quanta quæmaxima: ita ab aduersa-  
rijs, seu verè sint docti, ut quidam  
sunt, credo, seu blandiantur sibi de  
vsurpato nomine doctorum, nun-  
quam infirmius contra nos pugna-  
tum fuit, nunquam fraudulentius.  
Produnt infirmitatem conuitia & ca-  
lumniæ, quibus vtuntur defectu ar-  
gumentorum: fraudem aperiunt dis-  
simulatæ nostræ authoritates multæ,  
quibus respondere nunquam potue-  
runt. Vnde nonnullos reperias, qui  
dicant, haberi longè validiora his,

quæ sparsa sunt negligenter in hac  
dissertatione, cui respondemus; vo-  
luisse dissertantem quasi rotarios  
mittere, qui prouocarent ad legiti-  
mam dimicationem: stare apud il-  
lum totas rationum copias, quas cum  
opus erit, effundet. Nos verò stato  
gradu opperiemur. Interim disserta-  
tionis istius vires, quàm sint reuera  
imbecillæ, quàm nihil ipsa contineat  
aut non refutatum multoties, aut  
certè refutatione minimè dignum,  
videamus.



A D

CAPVT I. DISSERTATIONIS  
CVIVS EST INSCRIPTIO,

*Dionysium Parisiensem, Diony-  
sio Areopagitâ posteriorem fuisse  
probatum ex Sulpitio Severo: cu-  
ius verba dum eludere conantur  
aduersarij, secum ipsi pugnant,  
& cum sacrâ scripturâ,*

RESPONSIO.

§. I.

**I**NGENIOSVM fanè disser-  
tationis exordium. Erat nem-  
pè Severus imprimis extol-  
lendus, è cuius eruditione & fide præ-  
cipua victoriæ pars pendere videba-  
tur. Quamobrem vt illi adderetur au-



thoritatis pondus, *Rerum nostrarum autorem peritissimum*, iam in primâ disputationis fronte video appellari. Scripsit omnino Seuerus Martiniana quædam gesta, Epistolas, Dialogos de Monachis exteris, & historiæ breuiarium quoddam Ecclesiasticæ, vbi vix quicquam reperias nostrarum, seu Gallicarum rerum. Hæc autem qui fecerit vtrumque, an eum rerum nostrarum autorem peritissimum dices, nisi fragilitati argumentorum tuorum hoc primo artificio consultum esse voluisses?

§. II.

**S**Ed verò sit peritissimorum vertex vt vt cautè legendus ex animaduersionibus Bellarmini Sulpitius : nunquam profectò falsi à nobis accusatum legisti (vt asseris) quem

A iij

nullo incommodo explicauimus. Quòd si explicatio non placet ( placuit autem vel alijs aduersarijs nostræ sententiæ ) refutatum diximus auctoritatibus non paucis, quibus adiecimus Innocentij primi verba, dicentis, esse *Manifestum in omnem Italiam, Gallias, Hispaniam & Siciliam, insulasque interiacentes nullum hominum instituisse Ecclesias, nisi eos, quos venerabilis Apostolus Petrus, aut eius successores constituerunt sacerdotes.* Quibus ex verbis concludimus, Legatos à Pontificibus Romanis in Galliam anteriores esse debuisse Polycarpi discipulis Lugdunum demandatis, qui quidem primam fidei lucem non eò loci deuererint, sed iam acceptam à Trophimo, Crescente, Paulo, Martiale, Memmio, aliisque viris Apostolicis, per Lugdunensem Galliam dilatauerint. Enimuero si Photinus

& Irenæus Celtarum Ecclesias primi fundârunt, & Thyrsus, Andochius, Benignus & Andeolus Polycarpi discipuli non parum Christianam fidem latè illic promouerunt, quî verum erit Petrum & successores eius omnium Ecclesiarum Galliæ per se, aut per suos Legatos fuisse fundatores, vt asserit Sanctus ille Pontifex? Adde Petrum ex allatis Innocentij verbis, aliquos delegasse, qui Christianam fidem prædicauerint: alioqui reuera nominasset Petrum in suis literis otiosè: Quônâ igitur, amabo, demandauit? dices, in Siciliam. Cur verò non in Galliam? Seuerus, inquires, reclamationat: At contra Seuerum affirmat Eusebius Seuero antiquior, Clemens, & alij, vt mox dicemus.

## §. III.

**P**ostea obtrudere nos ait aduersarius eiusmodi testes, de quibus non minor sit, quàm de Dionysio controuersia. Nempè hoc dicendum erat illi, vt eluderet: sed probandum, vt euinceret. *Sed de his postea viderimus*, inquit. Hoc est decernere poterit, ni fallor. Quo verbo si libellum aliquem nouum continuò cudendum intelligit, nescio: scio interim nihil in eius dissertatione de illis memoratum. Quæ Tullianæ sunt technæ iam obsoletæ. Promittebat euerfurum se postea, quod inexpugnabile sentiens, prætermittebat.

## §. IV.

**I**am autem quid sibi vult illa tanquam facile vincentis insultatio?

*Nunc hominum acumen (inquit) & cautionem desidero, qui non sentiant, dum Severum temerè insectantur, in seipsos imprudenter incurrere. Quid enim agis, vindex gloria Gallicana, an scopulum in quem impingis, non vides? Heu inopinatum naufragium! Serióne obiicis tanquam immanem scopulum Apostoli Galliarum nomen, quod nos ex superiorum ætatum consensione atque usu attribuimus Dionysio? Non est reuera, non est importuosus hic, ut credidisti, locus. Vnde neque acumen erat aut cautio valdè desideranda, ut vitaretur. Videbis, si lubet, ad responsionem capitis noni quàm propriè, & ex meritis nomen Apostoli magno Dionysio debeat.*

§. V.

**D**Enique posteaquàm ad Apostoli nomen, tanquam ad sco-

pulum impacti visi sumus, monemur esse in salebris omni scopulo peioribus: vbi videlicet Massilienses diximus sub annum Christi trigesimum quintum fidei lumen accepisse. Verum defendere possumus traditionem illam non magno negotio, & saluâ scripturâ expedire nos ab illis salebris, quas placuit aduersario comminisci. Nam quis ignorat Iudæos toto Orbe dispersos etiam & Massiliæ, quæ tunc erat florentissima Græcorum colonia, & quam Tacitus *Sedem ac Magistram studiorum* vocat, inueniri potuisse à Lazaro & Maximino? His autem per biennium verbum Dei annunciatum fuerit. Tunc anno trigesimo septimo, quo fundata est Ecclesia Antiochena, & apertum gentibus ad fidem ostium, prædicti viri totâ Prouinciâ verbum salutis disseminarint. Quid salebrarum in

istis? quid quod subuertat literas sacras? Sed fac Iudæos Massiliæ fuisse nullos, quod non est verisimile, quid prohibet quominus credam Euangelium esse annunciatum iis populis priuatâ prædicatione? Certè Christus disertè præceperat Euangelium annunciari omni creaturæ, & doceri omnes gentes. Et publicè quidem non fiebat, dum repellentibus obstinatè verbum Dei Iudæis, ostium gentibus sine offensione fidelium Hebræorum patefieret. Recipiebantur tamen ex Græcis, seu Gentibus, qui se offerebant, vt multis argumentis probat Cornelius vester, ideo præ cæteris à me citatus, quia vester. Hunc autem sacrarum literarum subuersorem vestrū nemo, opinor, hætenus appellauit.

## §. VI.

**C**oncludit aduersarius ; & nominatis multis Martyribus Marci Aurelij principatu posterioribus, nullum superiorem infert reperiri. Probat. Seuerus dixit. Ita nimirum hunc delectat eandem tundere incudem, & strepitu terrere vel-  
le, quos ferire non potest. Hoc igitur capite, vt inscriptioni eius satisfaceret, tria cum primis præstanda erant, anteaquàm de præsumptâ nostri conuictione aduersarius exultaret.

## §. VII.

**P**rimum, erat explicatio sententiæ Sulpitij, quam vel ipsi quidam ex aduersarijs afferunt, refutanda. Alioqui frustra citatur aduersum



nos. Licet illa antiquitas luce clarior mihi non appareat (inquit illorum vnus, lib. i. historiarum, numero 36.) tamen martyrio Lugdunensium Christi fidem in Gallijs priorem fuisse, ferè pro comperto habeo: neque ideo Seueri auctoritatem eleuatam existimo. Ille breuiori scribendi modo minùs dixit, quàm sensit, & serò susceptam religionem, ac tum primùm visa martyria scribens, non ideo tamen fidem priùs predicatam fuisse negauit. Illustria, & in omnium oculis martyria intellexit, quæ demum sub Aurelio Galliarum conspectui exhiberi cæperunt, susceptâ iam Christi religione. Nam antea & rara, & quasi propter commune impietatis crimen illata Christianis supplicia, nondum à populis religione susceptâ. Verùm vbi prædicatâ latè per Gallias fide, Christi nomen notius esse cæpit, Christianorum multitudine ad martyrium accurrente; tum primùm eorum damnatio Gal-

16      *Ad Caput I. Dissertationis,*  
*lūs spectaculo esse, & cuilibet illorū marty-*  
*ria cognita. Hanc Seueri fuisse mentē quis*  
*negabit, si Photini longam ætatem, Iusti*  
*& Veri Viennensium tempora repetat;*  
*si Eutropium Sanctonum Episcopum à*  
*Clemente missum fuisse, Tolosam Satur-*  
*ninum, Biturigas Vrsinum à discipulis*  
*Apostolorum accepisse apud Gregorium*  
*Turonensem legat? Hæc ille seuerissi-*  
*mus longè censor historiarum pro*  
*Seuero, pro nostrâ sententiâ, pro ve-*  
*ritate.*

§. VIII.

**S**ECUNDUM, positâ refutatione  
Seiusexplicationis, quam ex cru-  
dito viro dedimus, stabilienda vali-  
diùs erat illa Seueri sententia, vt sta-  
ret. Vnius enim scriptoris, & quem  
sola penè vetustas commendat, pa-  
rum valet authoritas aduersus tradi-  
tionem

tionem vel vnius Ecclesiæ particularis : quantò igitur minùs contra vniuersum totius Ecclesiæ sensum, & innumeras omnium ætatum auctoritates? Horum autem nihil præstitum est ab aduersario, quia nihil esse præsens potuit, quod iuaret.

§. IX.

**T**ertium, conuellere, si fieri potuisset, debebat, quæ maturiorem in Galliâ fidei lucem testantur copiosè: non autem ex testimoniis à nobis luculenter allatis prauè quædam referre, infirmiora diligere, & ne aspicere quidem fortiora. Sunt autem ea, ni fallor, tabulæ Viennensis Ecclesiæ, eiusque de Crescente traditio constantissima, quam corroborat summorum Pontificum auctoritas, Pauli primi scribentis ad Caro-

18     *Ad Caput I. Dissertationis,*  
lum Magnum, iam coronatum &  
vinctum à Stephano, etiam viuentem  
Pipino patre, ne hic litem moueat  
quisquam. In cuius rescripto, ita de  
Viennensi Ecclesiâ loquitur, apud  
Ioannem à Bosco in suâ vet. Biblioth.  
Floriat. *Conspiciat ergo sapientia vestra,*  
*quam aliè de priuilegijs prædecessorum no-*  
*strorum hac eadem Ecclesia adornata flo-*  
*ruerit: quam semper & venerabilem te-*  
*nuerunt, & de munere Apostolico vene-*  
*rabiliter extulerunt. Quæ Apostolorum*  
*Collegam Crescentem magistrum habere*  
*meruit, & de integritate fidei gloriari.*  
Item Paschalis primi, cuius hæc sunt  
verba ad Bernardum Archipræsulem  
Viennensem, Apud eundem Ioan-  
nem à Bosco. *Ipsam igitur (vsum pal-*  
*lij) tibi, Viennensique tuæ Ecclesiæ, ut-*  
*pote ab eisdem Apostolis fundata maiorum*  
*more libenter indulsumus.*

Et ne antiquiora desint, quibus ip-

ſa Seueri authoritas debeat ſine controuerſiâ cedere: Eusebium habemus ita dicentem lib. 3. Ecclef. hiſt. c. 4.

Τῶν δὲ λοιπῶν ἀκολουθῶν τῷ Παύλῳ, Κρήσκης ἑκτὸς ἐπὶ ταῖς Γαλλίαις ἐφ' ἑαυτὸς ὡς αὐτὸς μὲν τυράννηται, Id est, inter alios Pauli discipulos, Crescens ab ipso missus in Gallias dicitur.

Prout etiam Rufinus vertit eundem Eusebij locum. Memoratur, inquit, ex comitibus Pauli Crescens quidam ad Gallias esse profectus. Linus verò & Clemens in vrbe Româ Ecclesiæ præfuisse. Hęc tam in impressis, quàm manuscriptis vetustissimis Bibliothecæ Corbeianæ codicibus. Ruffinum autem certè Paulino iudice æstimamus; & illi Seuerus, si quid boni habet, acceptum, saltem ex parte, referre ex eodem Paulino, debet, vt est verisimile; ex epist. 9. eiusdem sancti Antistitis, qui Seuerō promittit daturum se operam, vt illi

20      *Ad Caput I. Dissertationis,*  
adesse velit Ruffinus in suis conscri-  
bendis historiis.

Habemus deinde Epiphanium,  
qui dicat hæresi 51. Κρήνης; Φοινί, ἐν  
τῇ Γαλλίᾳ, ὃ γὰρ ἐν τῇ Γαλατίᾳ ὡπνεύ-  
σαντες νομίζουσιν, ἀλλὰ ἐν Γαλλίᾳ,  
hoc est, *Crescens* (inquit) *in Galliâ: non*  
*enim in Galatiâ legendum est, ut male*  
*quidam existimant, sed in Galliâ.*

Habemus denique Sophronium,  
Chronicum Adonis, & Alexandri-  
num, & Roberti Antissiodorensis, &  
concordia Martyrologia, Roma-  
num, Bedæ, Vsuardi, & Adonis.  
Item traditionem, ac tabulas Mo-  
guntinensis Ecclesiæ ab eodem Cre-  
scente Pauli discipulo institutæ. In  
hac autem sede Viennensi Zacha-  
rias, qui Crescenti successit, ante tem-  
pora Antoninorum, nempe sub Tra-  
iano martyrium fecit, ut Ado in  
Chronico, & Beda, & Romanum

Martyrologium testantur. Ado quidē his verbis, *sub quo imperatore* (Trajano) *gloriosissimus senex Zacharias Viennensis Ecclesiae Episcopus martyrio coronatur. Nam primus Crescens discipulus Apostolorum Vienna aliquot annis resedit.* Beda verò 7. *Calend. Jun. Vienna, passio S. Zachariae secundi eiusdem urbis Episcopi. Romanū tandem Martyrologium 7. Calend. Iun. Vienna, S. Zachariae Episcopi & Martyris, qui sub Trajano passus est.* Num & hæc tria testimonia certè amplissima Sulpitiano iaculo configes? Vsq̃ue cōparum viderunt Ado Viennensis in propriis rebus, Ecclesia Romana in communibus, Beda denique, vt præ Seueri perfunctoriâ sententiâ nihili fiant, & errare dicantur? Sed alia me vocant.

Sunt deinde in iis, quæ excutere habebat aduersarius Sulpitium op-



22      *Ad Caput I. Dissertationis,*  
ponens, Trophimus Arclatensis, ac  
Paulus Narbonensis, de quibus ca-  
pite sequenti.

Est Clemens primus Metensium  
Episcopus à Petro missus, ex Paulo  
Diacono, grauissimo quondam scri-  
ptore, libro de ordine Episcoporum  
Metensium, vbi sic non parum susti-  
net traditiones nostras. *Eâ tempestate,*  
inquit, *cùm apud Galliam Belgicam*  
*Mediomatricum, quæ etiam Metis ap-*  
*pellatur, ciuitas in ipsâ Mosellæ amnis*  
*ripâ posita, copiosis populorum turbis a-*  
*bundaret, ad eandem B. Petrus Apo-*  
*stolus urbem, Clementem nomine, virum*  
*egregium, ac meritis probatum, sublimia-*  
*tum Pontificali dignitate direxit: cum*  
*quo pariter sicut antiqua tradit relatio, ad*  
*eas, quæ præcipuæ erant, Galliarum vrbes*  
*verbo fidei obtinendas, alij quoque religio-*  
*si Doctores ab eodem Apostolorum prin-*  
*cipe missi sunt. Audis ex antiquâ tra-*



ditione legatos ab ipso Petro fidei Doctores in Galliam?

Denique adde Clementis Romani Apostolorum discipuli multò euidentiſſimum testimonium, quo vel vno tota Seueri authoritas tanquam fulgurita euaneſcit. Ait igitur in Epistolâ ad Iacobum fratrem Domini primâ. *Vos autem per vestras diœceses Episcopos sacrate & mitte; quia nos ad alias partes, quod idem Petrus iussit, agere curabimus. Aliquos vero ad Gallias, Hispaniasque mittemus (seu mittimus, ex impressis codicibus Parisijs an. 1504.) & quosdam ad Germaniam & Italiam, atque ad reliquas gentes dirigere cupimus.* Hanc autem Epistolam citat & laudat Concilium Vafense habitum anno 442. Can. 6. his verbis, *Ex Epistolâ S. Clementis vtilia quaque, presenti tempore Ecclesijs necessaria, sunt honorificè proferenda, &*

24     *Ad Caput I. Dissertationis,*  
*cum reuerentiâ ab omnibus fidelibus, ac*  
*præcipuè Clericis, percipienda. Ex qui-*  
*bus, quod specialiter placuit, propter ve-*  
*nerandam antiquitatem statutis præsen-*  
*tibus roboramus. Citant eandem Episto-*  
*lam Leo nonus, Epistolâ 4. quæ est*  
*ad Petrum & Ioannem Episcopos, &*  
*Yuo, parte decimâ quartâ cap. 22. &*  
*multi alij tanquam legitimam, & ve-*  
*neratione dignissimam.*

Hæc, inquam, vniuersa, cum iis,  
quæ subijciemus Dissertationis Epi-  
logo, si subuertisset aduersarius, &  
melioribus antiquiorum Scriptorum  
testimoniis falsa esse demonstraui-  
set, ( quod frustra tentauerit ) nullâ  
egeret apud nos explicatione Se-  
uerus.

§. X.

**I**N historiâ quò superiores, cò gra-  
uiores habentur, & certiores qui  
scribunt, nisi aliundè constet de in-  
firmitate testimonij antecedentium  
authorum. Quis igitur Seueri vnus  
verbum tot antiquioribus, & certè  
multò grauioribus testimoniis ante-  
ponat? Quis acceleratam fidei præ-  
dicationem in Galliâ non videat, ac  
statim nonnullorum Martyrum ex-  
citata trophæa, si minimè iniquus est  
historiæ arbiter? Quis, inquam, non  
continuò & prædicatam, & suscep-  
tam (quod effugium quidam sibi fa-  
ciunt, duo illa subtiliter distinguen-  
do) Religionem Christi non fateatur  
ex tot Euangelij præconibus, & Ec-  
clesiarum fundatoribus; Arelatensis,  
Viennensis, Narbonensis, Merensis,

26      *Ad Caput I. Dissertationis,*  
& aliarum? Existimo sanè, nisi Seuerus  
explicetur, vti diximus, nihil esse,  
quod ad sententiam eius nos vel mi-  
nimâ inclinatione flectere debeat,  
quo ad epocham illam Martyrio-  
rum, quam ponit, & cuius causam ex  
tardâ fidei receptione assignat, cum  
habeamus authorem grauissimum,  
& æqualem illius, qui scripserit mo-  
tam esse per vniuersas imperij Ro-  
mani prouincias persecutionem à  
Nerone. Orosius est, qui de Nerone  
loquens lib. 7. historiarum. *Primus,*  
*inquit, Romæ Christianos supplicijs &*  
*mortibus affecit, ac per omnes prouincias*  
*pari persecutione excruciarî imperauit.*  
Cur enim sæuitum in quibusdam  
prouinciis Romanorum potius,  
quàm in aliis? Cur non in Galliâ, si-  
cut in Asiâ, sub Traiano, ad quem  
Plinius eius Prouinciæ Præfectus, lib.  
10. Ep. 101. de Christianis, *Visa est*

mibi res, inquit, digna consultatione, maxime propter periclitantium numerum. Multi enim omnis ætatis, omnis ordinis, viriusque sexus etiam vocantur in periculum, & vocabuntur. Neque enim ciuitates tantum, sed vicos etiam atque agros superstitionis istius contagio peruagata est, &c. Ad quem Traianus, ut est in Epistolâ 102. Conquirendi non sunt (Christiani) si deferantur & arguantur, puniendi sunt, &c. Positis igitur Christianis in Galliâ, ut ex Clemente primo, Eusebio, & Epiphanio manifestum est; & positâ iussione Neronis nimirum in eos sæuendi, ut Orosius docuit, quis dubitet & in Galliâ persecutionem excitaram? aut sanè cur excepta Gallia? aut si excepta, cur Orosius minimè excepit, cum & Gallia de præcipuis esset prouinciis, & penè altera Italia, & exactus omnino scriptor de nonnullis dicere, quod de

28     *Ad Caput I. Dissertationis,*  
omnibus memorauit, veriùs potuisset, ac debuisset?

Hæc autem vniuersa aduersarij nostri furtim prætereuntes, si quid è diuerticulo, vel haud tantæ certitudinis inter certissima forte coniectum est, cò se totos conuertunt, & facilè triumphant: sed inani certè iactatione & fastu, vt iam ex hac primâ responsione non obscurum est. Seuerum autem hic dimittimus cum grauissimâ docti Pithæi animaduersione, in præfatione ad Saluiantum, *Quid est, quaeso, quod Gallia ceteris Orbis regionibus inuideant?* (inquit) *Scriptis utique Sulpitius trans Alpes Dei religionem seriùs visam: Ecclesiarum tamen in Cælis apud Irenæum mentio, atque ille ipse iam noster factus Irenæus, & Vetij Epagathi, Martyrumque Lugdunensium celebratissima etiam apud Græcos memoria; quos iam tum progressus sacro-*

*sancta fides apud nos fecisset, satis ostendunt. Suffragatur nobis & hic vir sine controuersia minimè vulgaris, cui detrudere nemo audeat variæ eruditionis*

*Hærentem capiti multiâ cum laude coronam.*



A D

CAPVT II. DISSERTATIONIS  
CVIVS EST INSCRIPTIO,

*Gregorij Turonensis de Dionysio  
sententia, quòd Decio demum  
Cesare in Galliam venerit, as-  
seritur & confirmatur.*

RESPONSIO.

§. I.



REGORII Turonen-  
sis sententia de aduentu  
Dionysij & sociorum  
eius, tam copiosè à no-  
bis, atque à tam multis est refutata,  
vt mirum sit eam iterum atque ite-  
rum ingeri; quanquam minimè asse-  
ueranter, vti placuit aduersario, id



rei dixerit sanctus quidem ille, sed  
facilioris fidei scriptor, quod à narra-  
tione innominati authoris trepidè  
potius memoravit. Vnde nec illum  
falsi arguimus, sed authorem anony-  
mum, quem citat. Et ne aut iniuriam  
facere videamur sancto illi viro, aut  
ne tanquam ad communem locum  
effugere, dum eius facilitatem, aut  
hallucinationem satis frequètem ob-  
ijcimus, certè Baronium scriptorem  
modestiae amantissimum, ac Sancto-  
rum virorum reuerentissimum secu-  
ti sumus, qui de dicto Gregorio in  
suis Annalibus, anno Christi 109. ita  
loquitur. *Obstare videbatur Gregorius,*  
*dum ait missum Parisios Dionysium tem-*  
*pore Decij Imp. quod quidem tam verum*  
*est, quàm quod ibi asserit eiusdem Decij*  
*tempore Trophimum Arelate, Paulum*  
*Narbonam, & Martialem item in Gal-*  
*lias amandatos, quos constat fuisse Apo-*

32 *Ad Caput II. Dissertationis,*  
*stolorum discipulos, & Apostolorum tem-*  
*poribus ad predicandum Euangelium in*  
*Gallias esse missos. Sed hac, sicut alia*  
*plura, auctoris simplicitati multa tam fa-*  
*cile admittenti donanda sunt. Verum*  
*alia omnino, & minimè leuia, si vera*  
*forent, hic nobis opponuntur, quæ*  
*singula expendimus, & refellimus.*

§. II.

**P**rimum, *Non fuit (inquit) in hac*  
*hæresi Gregorius, ut Episcopus in*  
*Galliâ his septem antiquiores, nullos fuis-*  
*se existimaret, quod de illo perperam su-*  
*spicaris, frustra que ut oppugnes, desudas.*  
Tum ad marginem notat paginam,  
in qua ne apicem quidem inueniet,  
ut nusquam alibi toto libro, quo si-  
gnificemus nostram hanc mentem  
fuisse, & nostri sudoris occasionem.  
Sciebamus enimverò Gregorium  
scripsisse

scripsisse in suâ Francorum historiâ lib. 1. cap. 29. quæ sequuntur; *Beatum Irenæum* diuersis in suâ carnifex præsentia pœnis affectum Christo Domino per martyrium dedicauit. Post hunc & quadraginta octo Martyres passi sunt, ex quibus primum fuisse legimus *Vetium Epagatum*. Sciebamur, inquam, ea fuisse à Gregorio scripta: Et quidem *Ἐπαγαθὸς*; Irenæus enim, quæ passum memorat, antea, quàm Athanasius martyres, palmam emeruit sub Seuero Imperatore; alij verò multis antè annis, sub Marco Aurelio.

Itaque maturiorem in Galliâ Christianæ fidei sementem, quàm dicat præfatus Gregorius, probauimus; & illi Irenæum ipsum, aliosque plures opposuimus hoc argumento, quòd Seueri autoritate (nisi liberiùs explicaretur) posthabitâ, verisimile non esset. Fidem in remotioribus Romani

34 *Ad Caput II. Dissertationis,*  
orbis prouinciis diuulgatam esse, non  
autem in Galliâ; Et quod vero pro-  
pius nihil videretur, inuectâ Religio-  
ne in Galliam, quàm Arclatem, Nar-  
bonam, & similes primarias Gallia-  
rum vrbes minimè fuisse prætermis-  
sas: quod apertissimis testimoniis an-  
tea confirmaueramus, contra Grego-  
rium, ac deinceps magis & magis eua-  
lesceret.

§. III.

**S**ecundum quod videtur obstare  
Sex aduersario, ipsa est sententiæ  
Gregorianæ artificiosa explicatio,  
quæ si ex arbitrio impugnantis valet;  
frustra laboramus, cedimus foro. Et  
quidem à Gatiano Dissertator inci-  
piens, & Austremonio, rem definit  
tanquam summo iure; & veram epo-  
cham designari & statui vult consen-  
su Ecclesiæ Turonum, & Aruernorum.

rum. Quæ tamen de suis protoepiscopis quod esset verissimum statuerent, nihil tamen incommodarent nostræ de Dionysio sententiæ. Verum quod multò potentius est, damus propemodum omnes, non totius Galliæ modò, sed Ecclesiæ vniuersæ de Dionysio tabulas atque sententias: & non accedit aduersarius, neque recipit: quid iniquius? Si nefas est nobis de Gatiani & Austremonij tempore dubitare, quia Turonensis & Aruernensis Ecclesia ita statuit ac definiuit: quo iure fas esse credit, longè plurium Ecclesiarum nostram in sententiam conuenientium auctoritatem eleuare, fidem discutere?

§. IV.

**D**E Saturnino verò asserit veritatem ex eius passionis historia:

36 *Ad Caput II. Dissertationis,*  
sed quam vitiis & erroribus refertam  
vel ex eo apparet, quod ipse Grego-  
rius lib. de miraculis I. cap. 48. epo-  
cham Saturnini ad proxima tempora  
Apostolorum transfert, cum ab eo-  
rum discipulis ordinatum, ac deman-  
datum in urbem Tolosanam memo-  
rat, his verbis. *Saturninus Martyr ab*  
*Apostolorum discipulis ordinatus, in vr-*  
*bem Tolosanum est directus.* Idem Ra-  
bani Martyrologio confirmatur 3.  
Cal. Decemb. Ex quo saltem vacilla-  
re omnino necesse sit totam de ipso-  
met Saturnino historiam, quam Gre-  
gorius allegat. Nam cum rei cuiusque  
nisi vna veritas esse non possit, cui  
credam? Gregorione vnum ex se di-  
cerem, an oppositum ex aliis eidem  
memoranti? Adde quæ in epilogo di-  
cemus de acceleratâ Fidei promulga-  
tione, aduersus historiam illam Sa-  
turnini, vbi contrarium legitur.

**S**Ed iam quam arte Trophimi, Pauli & Martialis antiquam missionem dissimulat aduersarius, ne non fauere ex omni parte videatur mendosæ reuerà narrationis. De illis ut ostendi, inquit, vincere non potes, quin causâ cadas; caue impostero verba facias: nam si Pauli auditor fuit Trophimus, si de eius fonte, ut videri vis, omnes Gallia fidei riuulos acceperunt, omnium ille Apostolus fuit, dicique debet, non Dionysius. Haccine verò inopiâ laboras argumentorum, & silentium nobis impositum satisfuturum putas, ut tibi sine cuiusquam authoritate aut ratione differenti credatur? Esto, Dionysium non appellemus Apostolum; quid obtinueris, te quæso; an reuulseris à suâ sede Trophimum, Paulum;

38. *Ad Caput II. Dissertationis,*  
Martialem? Neutrum reuera futurum  
est: neque isti de suâ antiquitate de-  
ducentur, neque illum honos sui  
Apostolatus deficiet.

§. V. I.

**N**Am vthic de Martiali, & Pau-  
lo aliquid inseramus. Martia-  
lem discipulum Domini dicunt acta  
illius manuscripta in codice Cor-  
beienfi, & in multis aliis Bibliothecæ  
Thuanae, quos vidimus. Idem Inno-  
centius tertius, Synodus Lemouicen-  
sis, & Bituricensis, & Ioannes Papa vi-  
gesimus dicunt, apud Baronium tom.  
9. Idem Petrus Blesensis, sermone  
tertio de S. Nicolao; idem Robertus  
Antissiodorensis, in Chronico; idem  
Ordericus Vitalis, lib. 2. Ecclesiasticæ  
historiæ. Idem vetus Martyrologium  
S. Sauini de Leuitaniâ nostri Ordinis,



in agro Tarbellorum , his verbis, *Ju-  
nij die 30. in Galliâ, ciuitate Lemonicâ, de-  
positio Martialis Episcopi & Confesso-  
ris, qui à Beato Petro Apostolo ordina-  
tus est, & ab ipso etiam missus predicare  
verbum Dei, euersisque simulachris mi-  
grauit à seculo.* Ita citat Antonius Do-  
minici I. C. eruditissimus vir, in pro-  
legomenis ad librum de S. Capitis  
Christi sudario.

§ .VII.

**P**Aulum verò Narbonensem me-  
morât Martyrologia Vsuardi, &  
Romanum, tam commune, quàm  
Rosuueydi, cuius hæc sunt verba.  
*Vndecimo Calendas Aprilis, Narbonæ,  
S. Pauli Episcopi, discipuli Apostolorum.  
Vsuardi verò, Pridie Idus Decembris,  
apud Narbonam, natalis S. Pauli Epif-  
copi & Confessoris, quem Beatus Paulus*

40 *Ad Caput II. Dissertationis,*  
*Apostolus ordinatum eidem vrbi destina-*  
*uit Antistitem, &c.* Idem Beda, & Ado  
in suis Martyrologiis referunt. Item  
Ado ipse in libello de festiuitatibus  
Apostolorum idem memorat. Idem  
Ordericus Vitalis lib. 2. hist. Eccles.  
confirmat, vbi de Paulo Apostolo  
loquens, *Paulum discipulum suum, ait,*  
*Pontificem ordinauit, & eidem vrbi*  
*(Narbonæ) destinauit; qui multum in*  
*bonis operibus laborans, beato fine vitam*  
*consummauit.*

#### §. VIII.

**P**OSTEA verò quàm mirâ libertate  
secundò ludificant lectorem,  
quando videlicet fingunt fuisse Zo-  
zimo Papæ preces oblatas, & sugge-  
stum illi quicquam de antiquitate  
Trophimi, quam ille, non suo sensu,  
non suo lumine & scientiâ confirma-

uerit, sed Arelatensis Ecclesiæ expositione: quæ tamen haud ita parum valuisset, aut reiicienda fuisset; nisi liberum est reiicere quæcumque certiora, sanctioraque haberi debent: vnde enim cuiusque Ecclesiæ res, nisi è tabulis illius imprimis cognoscendæ sunt? Verùm in hoc negotio preces & suggestiones ab Arelatensium Antistite & Clero nullæ factæ sunt summo Pontifici: integrum fuit, & è certâ scientiâ, & cognitâ legitimè causâ profectum Zosimi iudicium. Sed age, quo pacto contendunt labefactare literarum à Summis Pontificibus causâ discussâ, & certo iudicio scriptarum authoritatem? Si iudicant commentitias esse, quas Zacharias, & Leo dederunt, quorsum illarum meminerunt? An supposititium & vanum pariter Zosimi rescriptum intelligi volunt? Suo tamen id olim

42 *Ad Caput II. Dissertationis,*  
iudicio probarunt, cùm dederunt in  
publicum. *Seu vera, seu ficta sint,* in-  
quiunt, *Pontificum Epistolæ, rerum,*  
*quas narrant, fidem certam non faciunt.*  
Sanè, nec illi, opinor, neque alij qui-  
uis non affecti iudicij præsumunt im-  
petratos se fidem certiore, quàm  
dicta, scriptaue summorum Pontifi-  
cum. Cedendum saltem authoritati,  
antiquitati, sanctitati. Si vel vnus  
rescripti eiusmodi apice totæ illorū  
dissertatiunculæ niterentur, eo spiri-  
tu, credo, eā despicientiâ rationum  
nostrarum triumpharent, quā nemo  
vnquam confidentiùs, gloriōsiùs.  
Conueniant conscientiam suam; &  
patiantur, vt nos eorum libertati sal-  
tem non timidè, occurramus, magnæ  
alioqui doctrinæ, atque ætatis reue-  
rentes.

His itaque monumentis Trophi-  
um probamus discipulum fuisse

Apostolorum. Primum ex Epistolâ primâ S. Zozimi Papæ ad Episcopos Galliæ datâ , anno Domini 417. in qua dicitur, *Sane quoniam Metropolitana Arelatensium vrbi vetus priuilegium minimè derogandum est , ad quam primum ex hac sede Trophimus summus Antistes , ex cuius fonte tota Gallia fidei riuulos acceperunt , directus est , &c.* Erant autem hæc priuilegia eius Ecclesiæ, vt qui Romam irent è Galliâ, formatas acciperent à Metropolitanò Arelatensi. Deinde, vt Metropolitanus Arelatensis Episcopus ordinaret per prouinciam Viennensem, & per vtramque Narbonensem. Denique iubebat summus Pontifex, vt Ecclesiæ Arelatensi suæ parochiæ restituerentur. In eâ porrò Epistolâ tria maximè notanda sunt, Primum, vetus appellari priuilegium ; ne quis continuò nouitatem obijciat. Secun-

44 | *Ad Caput II. Dissertationis,*  
dum , contemplatione Apostolatus  
Beati Trophimi, concessa fuisse pri-  
uilegia. Tertium , per omnem Gal-  
liam fidei Christianæ riuos; ab eius-  
dem viri Apostolici fontibus fuisse  
ductos. Non igitur à Photino, vel  
Irenæo. Non igitur post annum 252.  
vt historia Saturnini denarrat. Ne-  
que verò solitariam hanc Epistolam  
Zozimi habemus, quæ Trophimum  
primo sæculo statuat venisse in Gal-  
liam: quâ tamen pessum iret neces-  
sariò & Seueri & Gregorij Turon-  
sis authoritas, & nostra de Dionysio  
sententia nihil inde moueretur. Est  
præterea libellus Episcoporum Pro-  
uinciæ S. Leoni Papæ oblatus, an-  
no 450. vbi dicitur, *Omnibus Gallica-*  
*nis regionibus notum est, sed nec sacro-*  
*sancta Ecclesia Romana habetur incogni-*  
*tum, quod prima intra Gallias Arela-*  
*tensis ciuitas missum à Beatissimo Petro*

*Apostolo S. Trophimum habere meruit sacerdotem, & exinde alijs paulatim regionibus Galliarum bonum fidei & religionis infusum, &c. Quibus Leo respondens, allegationem antiquitatis confirmat his verbis, Consequens fuit, ut ad conseruandam intra Viennensem & Arelatensem prouincias, pacem, adhiberetur iustitia moderatio, qua nec antiquitatis vsum, nec desideria vestra negligeret. Ac de Leonis epistolâ etiam Symmachus ad Episcopos Galliæ scribens mentionem facit. Quæ iam versantur omnia in omnium manibus, & ante aliquot annos inter Concilia antiqua Galliæ tomo 1. publicata sunt.*

*Ad hæc Martyrologia omnia, Bedæ, Vsuardi, Adonis & Romanum habemus idem testantia. Vnius Vsuardi textum proferam, Quarto Calend. Ianuarij, apud Arelatem, Natale*

46 *Ad Caput II. Dissertationis ,  
sancti Trophimi , cuius meminit Paulus  
scribens ad Timotheum , qui ab eodem  
Episcopus ordinatus , præfata vrbi pri-  
mus , ob Christi Euangelium prædican-  
dum , directus est. Hoc ipsum memorat  
Ado , in libello de festiuitatibus Apo-  
stolorum ; & seu idem Ado , seu alius  
in Chronico. Denique Cypriani Epi-  
stola 13. aut ex Pamelij recensione 67.  
ad Stephanum Papam , ita exturbat  
opinionem Gregorij Tur. vt mirum  
sit reuera nondum errorem illius satis  
quibusdam apparere. Scripta est Epi-  
stola Cypriani anno 258. quo Mar-  
cianus Arelatensi Ecclesiæ præside-  
bat, ait autem : *Faustinus collega noster,  
Lugduni consistens ( frater charissime )  
semel , atque iterum mihi scripsit signifi-  
cans ea , quæ etiam vobis scio vtique nun-  
ciata , tam ab eo , quàm à cæteris Coëpisco-  
pis nostris in eâdem provinciâ constitutis ,  
quòd Marcianus Arelate consistens No-**



*Novatiano se coniunxerit, ( deinde infra )  
 Quapropter facere te oportet, plenissimas  
 literas ad Coëpiscopos nostros in Gallijs  
 constitutos; ne ultra Marcianum perui-  
 cacem & superbum, & diuinæ pietatis, ac  
 fraternæ salutis inimicum Collegio nostro  
 insultare patiantur, quòd necdum videa-  
 tur à nobis abstentus, qui iam pridem ia-  
 ctat, & prædicat, quòd Novatiano stu-  
 dens, & eius peruiaciam sequens, à com-  
 munionem se nostrâ segregauerit. Quis igitur  
 Trophimum credat missum esse  
 anno 252. Quis non videat apertissi-  
 mē iam olim fundatam Arelatensem  
 Ecclesiam cum multis aliis eius pro-  
 uinciæ; non autem à sex annis tan-  
 tum? Marcianus sextus, aut quod  
 probabilius est, ex recensione Petri  
 Saxij in suo Arelatensi Pontificio,  
 duodecim numeratur; qui iam pri-  
 dem peruiacax, & Novatiani partes  
 amplexus, ab communione aliorum*

48 *Ad Caput II. Dissertationis,*  
Episcoporum discesserat : Ad æquio-  
rem mentem aduersarij nostri reuer-  
tantur, & iudicent, vtrùm hæc vni-  
uersa, Episcoporum videlicet quin-  
que sibi succedentium ætates; S. Tro-  
phimi, Reguli, Felicissimi, Crescen-  
tini; & Iratij: ex Galliâ Christianâ  
Roberti: seu ex Petro Saxio, S. Tro-  
phimi, Dionysij, Reguli, Felicissimi,  
Gratij, Ambrosij, Martini, Ingenui,  
Augustini, Hieronymi & Sauitij :  
Marciani deinde tam diuersa vitæ &  
morum conditio; eius admonitio,  
incorrecta pertinacia, literę vltro ci-  
troque ex diuersis mundi partibus da-  
tæ; hæc, inquam, vtrum sex annorum  
spatio comprehendi possint, videant.

Iam verò anteaquàm Trophimum  
relinquamus, quem Paulo Narbo-  
nensi, & Crescenti Episcopo Vien-  
nensium præposuimus, licet ij dicantur  
Pauli discipuli, atque ab eo dati  
Viennen-

Viennensibus & Narbonensibus: explanemus, quantum fieri potest, hanc minimam talebram. Trophimum prius institutum, quam Crescentem, aut Paulum, docemur ex epistolâ secundâ ad Timotheum c. 4. ubi Trophimus, & Crescens locum habent: Et quidem Crescens dicitur in Gallias profectus, Trophimus verò Mileti, ob affectam valetudinem, relictus ab Apostolo; qui tum Romæ agebat in ultimis vinculis. Neque usquam alibi reperimus Crescentem ante id tempus venisse in Galliam. Trophimum verò Romæ ordinatum legitimus ab Apostolis longè antè, & Arelatem delegatum. Ita enim Ado scribit in libello de festiuitatibus Apostolorum, ad 4. Calend. Ian. Natalis S. Trophimi, de quo scribit Apostolus ad Timotheum, Trophimum autem reliqui infirmum Mileti. hic ab Aposto-

D

uio-  
uer-  
vni-  
quin-  
Tro-  
scen-  
tiana  
Tro-  
ssimi,  
genui,  
autij:  
vitæ &  
nitio,  
tro ci-  
bus da-  
norum  
ideant.  
himum  
Narbo-  
Vien-  
dicant-  
eo dan-  
iennet

50    *Ad Caput II. Dissertationis,*  
*lis Romæ ordinatus Episcopus, primus ad*  
*Arelatem urbem Gallia, ob Euangelium*  
*Christi prædicandum directus est; ex cuius*  
*fonte, ut beatus Papa Zozimus scribit,*  
*totæ Gallia fidei riuulos acceperunt: qui*  
*apud eandem urbem in pace quieuit. Vbi*  
*vides Romæ ab Apostolis simul illic*  
*commorantibus ordinatum esse Tro-*  
*phimum: at illic simul visi non sunt,*  
*nisi cum iis martyrij certamen immi-*  
*neret; quo tempore Mileti Trophi-*  
*mus, ut supra diximus, relictus erat, &*  
*iterum cum Paulus primum ad Cæ-*  
*sarem appellatum adductus fuit. Ita-*  
*que hac primâ morâ Trophimum*  
*Romæ ordinatum esse relinquitur: ac*  
*deinde aliquot post annis, à Paulo in*  
*Hispaniam proficiscente datus est*  
*Viennensibus Crescens, & Paulus*  
*Narbonensibus.*

§. IX.

**T**ertium quod obijcit Aduersarius, sunt Dionysij socij, quos Episcopi Gallix duodecim fuisse dixerunt, in Epistolâ ad Eugenium 2. è conuentu Parisiensi datâ, & nominantur in actis Fusciani & Victorici, vt existimat. Cui respondemus, neque epistolam illam Parisiensis Conuentus quemquam nominare sociorum Dionysij; neque in actis Fusciani & Victorici, quæ in vetustissimis membranis habemus, Dionysij nomen repertum esse vnquam. Ex quò quàm sincerâ fide agat, manifestissimum sit. Habuerit autem Dionysius duodecim socios, quid inde? potuit plures, potuit pauciores, ac diuersos habere, diuersis temporibus; cum minimè nominentur, quâ parte faueri

52 *Ad Caput II. Dissertationis,*  
opinionem suam putat, aut incommodari nostram? Quid, quod ex eâ epistolâ Episcoporum, nemo possit ullâ ratione colligere; Dionysium fuisse socium Fusciani, Victorici, & aliorum, nisi qui de absurdissimâ contradictione eandem epistolam reprehendat; quæ Dionysium apertè missum esse testatur à Clemente ducentis penè annis antequàm Fuscianus, & alij proficiscerentur ex Italiâ? Eius autem textum epistolæ suo loco mox afferemus.

§. X.

**S**ed quia nouus quidam Aduersarius rem acu tetigisse, & iudicium tulisse; vnde prouocari non possit, existimat, cum nobis obtrudit Piatonis acta, in quibus Dionysij nomen inuenit; Paulò accuratiùs rem explanemus; & Dionysium primum Pari-

siorum Antistitem socium esse non potuisse Piatonis, Fusciani, Victorici, Quintini, & aliorum, luce meridianâ clariùs ostendamus. Primò contenditis ex Gregorio Turonensi, Dionysium esse delegatum sub Decio, anno videlicet ducentesimo quinquagesimo secundo; ex historiâ verò Piatonis, & sociorum eius quam producit, prædicti viri sub Maximiano missi sunt. Quo tempore, inquit, Maximianus Augustus per arua Gallie præsidebat, sancti viri Fuscianus & Victoricus, cum duodenario numero sociorum per ordinem glomerati vnà cum venerabili Dionysio præsule comitibus cæteris Piatone, Ruffino, Crispino, Crispiniano, Valerio, Luciano, Marcello, Quintino, & Regulo, ab vrbe Româ cursu intrepido progredientes, intra fines Gallie peruenerunt. Hæc iuxta Aduersarium illum, vnde sumpsimus: quanquam, vt iam dictum

54     *Ad Caput II. Dissertationis,*  
 est à nobis, Dionysij nomen in ve-  
 rustissimis Manuscriptis minimè re-  
 periatum insertum. Ita enim habent  
 Acta SS. Fusciani, Victorici & Gen-  
 tiani, in codice veteri bibliothecæ  
 Corbeianæ, & S. Germani Pratenfis,  
*Successit Diocletianus, qui Maximia-*  
*num Herculeum ex Casare fecit Augu-*  
*stum, ut contra bella tunc instantia Reip.*  
*pugnando ferret auxilium. Præcauens*  
*etiam ne deorum cultura, se principante*  
*deficeret, præfecturam Gallie Rictiovaro*  
*tradidit, eique in Christianos grauiter sæ-*  
*uire præcepit. Qui eius monitis parere*  
*deliberans facibus furorum accensis, cul-*  
*tores Christi variis affecit suppliciis, &*  
*cateruatim piaculis indidit mortis. Eo*  
*tempore Sancti viri Fuscianus & Vi-*  
*ctoricus, aliis simili sanctitate præditis ag-*  
*gregati, videlicet S. Quintino & Lucia-*  
*no, Crispino & Crispiniano, Piatoni at-*  
*que Regulo, Marcello & Eugenio, Ruffi-*



no & Valerio ab vrbe Româ progredientes, veloci cursu, feruentique animo pro victoriâ Christi dimicare parati, ad urbem Parisios, intra fines Gallia suam, Christo duce, peruenerunt. Vbi aduerte prædictorum Christi militum cateruam non antè in Gallias expeditam venisse, quàm Tyranni furor inferbuisset. Qua de re, proponamus etiam acta Ruffini & Valerij à S. Paschasio ex vetustissimorum monumètorum, vt ipse testatur, fide collecta. Nonus decimus (inquiunt) agebatur annus imperij Diocletiani, mensis Martius, dies solennis Paschæ, vt Eusebij narrat historia (lib. 8. cap. 3.) cùm edicta Principis per vniuersum Orbem proponebantur, vt cuncta quæ vsquam erant Ecclesie vsque ad solum destruerentur, scripturæ sacræ igni exurerentur. Post non multum verò temporis proponuntur & alia, vt Christiani diuersis suppliciis addicti sacrificia-

56 *Ad Caput II. Dissertationis,*  
re cogantur, &c. Hac tempestate insignes  
viri & fidei constantiâ, morumque san-  
ctitate præclari, *Quintinus, Victoricus &*  
*Fuscianus, Ruffinus & Valerius, Crispi-*  
*nus & Crispinianus*, cum cæteris suorum  
sociis Romanâ vrbe oriundi, Belgica se-  
cundæ populis gentili adhuc superstitione  
detentis, verba vitæ prædicantes, eos à iugo  
dæmonum ad Christi libertatem vocabant.  
Fama est (notet hic famæ nomen, qui  
tam diligenter mendacem probat)  
hos cum beato Dionysio, qui à beato Cle-  
mente Romanæ sedis Pontifice missus fue-  
rat, ut frigida gentilium corda fidei calo-  
re animaret, Galliarum fines penetrasse:  
sed temporum series repugnat; sanctus  
namque Dionysius sub Domitiano Casa-  
re anno eius imperij secundo martyrio co-  
ronatus est: isti verò Diocleriano, &  
Maximiano Augustis immortalitatis glo-  
riam perceperunt (& post quædam) ut  
à prophanâ superstitione prouinciam san-

*Eti Martyres liberarent ab vrbe Româ  
profecti, Gallias petierunt: non persecu-  
tionis timore, quâ tunc per Orbem saue-  
bat vniuersum, sed zelo caritatis accensi,  
vt homines à mortis dominatione liberatos  
in vita restituerent dignitatem. Quid enim  
vno in loco vitarent, quod vbique detona-  
bat? Hoc verò testimonio quid ex-  
pressius ad fidem, quid à sancto illo,  
& iuxtà erudito scriptore accuratius  
ad veritatem posteris tradi potuit?  
Itaque cœpit potiri rerum Diocletia-  
nus triginta & tribus annis post De-  
cium; quibus adde vndeuginti an-  
nos imperij Diocletiani, ex Eusebij  
testimonio allato, ac tum plusquam  
quingenta annorum intercapedi-  
ne dissidere videbis missionem Dio-  
nytij, iuxta Gregorium, à missione  
eiusdem Dionysij, iuxta Piatonis &  
sociorum eius acta. Atque ex iis, aut  
valere iubeant mendosam historiam*

58 *Ad Caput II. Dissertationis,*  
Saturnini, aut de suâ erubescant absurditate Aduersarij, qui secum sanè discordes legatum volunt Dionysium sub Decio, & item sub inclinante imperio Diocletiani. Ita pluribus ad errorem viis abitur, ad veritatem vnâ.

Deinde quis non statim vel ipso aspectu societatis prænominatorum sanctorum sententiæ nostræ suffragetur, cùm in eorum numero neque Gatianum, neque Trophimum, neque Paulum, neque Saturninum, neque Austremonium, neque Martialem demum videat; quos tamen Gregorius Dionysij socios facit, neque vlla sit mentio Eutropij, Ionis, Taurini, Antonini, Sanctini, qui socij Dionysij, vt ex illorum actis probatur, fuerunt; & qui si adderentur ad eorum numerum, quos acta Fusciâni recensent, quâ fide, amabo, diceretur

duodenarium fuisse illorum numerum? Et quod seu fraudem, seu errorem aperit euidentius, memorati ultimo loco sancti, quos Dionysij socios martyrologia & acta illorum fuisse docent, non tantum actis Fusciani & sociorum eius non insunt, sed neque Rusticus & Eleutherius indiuidui sancti Dionysij comites, ex omnibus martyrologiis, & laborum & gloriæ illius participes. Ex quibus meridie clarius est, si quis Dionysius Fusciani, si quis Piatonis & cæterorum socius legitur, aut esse alium à Parisiensi primo, aut mendosè irrepsisse; ut prudenter Paschasius notauit in actis SS. Ruffini & Valerij, quæ iam allegauimus: & in Piatonis actis doctissimi quique deprehenderunt. Inter quos Molanus, qui loco Dionysij in Vluardi martyrologio, ad primum Octobris, & in Indiculo sanctorum Belgij

60 *Ad Caput II. Dissertationis,*  
reposuit Quintinum, ex aliis marty-  
rologiis vtiasserit. Sed redeo ad Dis-  
sertationem.

§. XI.

**Q**Vartum, quo nos impugnat  
Aduersarius, istud est: deesse,  
inquit ille, in vetustissimis codicibus  
actorum Dionysij, à quonam Roma-  
no Pontifice sit missus. At habere  
minimè potuit omniū cognitionem  
vir cæteroqui doctus, aut certè dissi-  
mulauit, si habuit. Nam præterquam  
quòd nullus est codex, qui doceat  
missum esse Dionysium à Fabiano,  
quod sequeretur ex Gregorio Turo-  
nensi; vel à Caio, aut Marcellino,  
quod ex Fusciani actis probaretur:  
vetustissima Bedæ, etiam & alia mar-  
tyrologia in membranis manuscri-  
pta, certæque ab antiquitate fidei,  
missum à Clemente Dionysium aper-

tè dicunt. Sed & codicem habemus  
vetustissimum, in quo vita Dionysij  
legitur, & eadem omnino cum eâ,  
quâ Bosquetus ex manuscriptis opti-  
mæ (vt inquit) notæ publicauit, nisi  
quod ille ad marginem hæc verba  
reijci voluit, *aliàs, Qui tradente beato  
Clemente Petri Apostoli successore, re-  
posuitque in textu diuersis caracte-  
ribus, Qui vt ferunt à successoribus Apo-  
stolorum.* Verùm hac de re postea fu-  
sius erit disputandum.

§. XII.

**Q**Vintum, quod obijcit, est, non  
cohærere, vt à Clemente sit mis-  
sus Dionysius, qui Domitiani anno  
secundo cæsus dicatur, tum enim non  
erat Pontifex Clemès, vt inquit. Equi-  
dem rectè, si Chronologiam eius du-  
cem sequimur. Cæterum non igno-

62 *Ad Caput II. Dissertationis,*  
rat, quàm diuersæ sunt de Lino &  
Cleto, præsertim verò de Cleto sen-  
tentia, fuerit ne alius ab Anacleto, an  
idem: sederitne ante Clementem, an  
Clemens immediatè Lino, vel etiam  
Petro successerit. Neque nescit Ter-  
tullianum scripsisse libro de præscri-  
ptionibus aduersùs hæreticos. Sicut  
*Smyrnaorum Ecclesia habens Polycar-*  
*pum ab Ioanne collocatum refert, sicut*  
*Romanorum Clementem à Petro ordina-*  
*tum.* Scit præterea Augustinum Epi-  
istolâ 145. & Optatum lib. 2. Clemen-  
tem immediatè post Linum reposuif-  
se: & Hieronymum dixisse, in Cata-  
logo Scriptorum Ecclesiasticorum,  
*Tertius Cletus, tametsi plerique Latino-*  
*rum secundum post Petrum Apostolum*  
*putent fuisse Clementem.* Et Ruffinum  
tâ impressum, quàm manuscriptum,  
ex Eusebij lib. 3. c. 4. Eccles. historiæ  
*Linus verò & Clemens in vrbe Româ*



*Ecclesia præsuisse memorantur. Denique scripsisse Bedam nouit, lib. 2. historiæ Anglorum, cap. 4. Petrus fundatâ Romæ Ecclesiâ Christi, Clementem sibi adiutorem euangelizandi simul & successorem consecrasset perhibetur. Potuit igitur Clemens Dionysium mittere, qui nihilominus sub Domitiano sit martyrio defunctus. An autem sit sententia hæc vera, postea dicemus.*

## §. XIII.

**S**extum quod opponitur incommodum est, *Veterum Parisiensium Episcoporum, inquit, qui Dionysium secuti sunt, seriem & numerum recognosce. Sextus occurret Victorinus, is qui Agrippinensi de Euphratâ Synodo interfuit (si quidem absens interesse potuit) anno æra Christiana 346. Itaque à Decij primordiis, Dionysique aduentu ad eam Sy-*

64     *Ad Caput II. Dissertationis,*  
*nodum anni fluxere quinque & nonagin-*  
*ta, quos in quinque aut sex Episcopos tri-*  
*bui nihil est incommodi. A Clemente verb*  
*ad Synodum eandem anni propè ducenti &*  
*sexaginta, quos à tam paucis Episcopis, se-*  
*de non vacante, occupatos incredibile est.*  
Commodum reuera. Cæsum Diony-  
sium Parisiensem sub Diocletiano  
velles (hic amabo, & tu, quod mo-  
nes, acumen tuum accommoda) ab  
eius autem imperij tempore fluxerunt  
anni tres & quadraginta, plus minùs,  
vsque ad illam Synodum. Iam puta  
solum esse Victorinum, quem post  
Dionysium sedisse Parisiis dicam:  
numquid senex ille satis fuerit vel so-  
lus, occupando annorum quadragin-  
ta spatio? quid igitur erit, si quinque  
numerentur Episcopi? quid si deci-  
mus sit Victorinus, vt probat erudi-  
tissimus du Saussay? In quas angu-  
stias decem illos intruderet Episco-  
pos,

pos, si vnicuique sex annorum Pontificatum attribueres? Arbitrare paulò æquior.

§. XIV.

**D**Einde miraremur sanè Aduersarios eiusmodi ratiocinationibus uti, cùm frequentissima Interpontificia in difficillimis illis temporibus accidisse non nesciant; illorum, inquam, disputandi modum miraremur, nisi sciremus offensatricem, & malam planè causam, nisi labantibus, vanisque præsidiiis defendi non posse. Videant igitur omnium propemodùm Ecclesiarum tabulas, & Episcoporum Elenchos; & suspicionem si faciunt primi & secundi sæculi tabulæ, consulant eas, quæ à tertiâ vel quartâ ætate incuntur; ac tum videbunt, quàm crebris Interpontifi-

E

66 *Ad Caput II. Dissertationis,*  
ciis Ecclesiarum catalogi dehiscant.  
In Ecclesiâ Cadurcensi post S. Genul-  
phum primum illius Episcopum, à  
B. Sixto secundo missum, ad annum  
260. longum notatur Interpontifi-  
cium; cùm Paulinus, qui obiit anno  
431. ad Florentium tertium Cadur-  
censem Episcopum scripserit. In Ec-  
clesiâ Niciensi à S. Basso, qui sub  
Decio passus est, nullus ante Aman-  
tium legitur sedisse; viuebat autem  
sub annum 380. Amantius: quem  
longo Interpontificio secutus est Ca-  
tholinus, qui Concilio Matisconen-  
si secundo interfuit, ad annum 588. In  
Ecclesiâ Tornacensi Theodoricus,  
qui viuebat anno 489. proximè secu-  
tus est Superiorem, qui Agrippinensi  
Concilio assensit, anno 346. In Ec-  
clesiâ Spirensi post Iessium, qui Con-  
cilio eidem subscripsit, sedit Athana-  
sius, qui anno 650. obiit: Vide quàm

diuturnâ vacatione, seu obliuione Pontificum, quod in eandem vim argumenti cadit. Sed festinabo ad finem. Ipse Gregorius Turonensis, historiarum lib. 10. c. 30. Inter pontificium in Ecclesiâ suâ Turonensi post Gatianum fuisse refert, tribus his verbis, *Cessauit*, inquit, *Episcopatus 37. annis*. Quare ex Elencho Episcoporum integro, argumentum quidem valere haud dubiè potest de antiquitate sedis: ex imminuto verò, & lacunis referto, nihil concludi certò posse manifestum est; tum ob Interpontificia præostensa, cùm ob iniurias temporum varias, atque hominum obliuionem, maximè verò proximorum Apostolis, cùm Ecclesia nondum vllâ tranquillitate frueretur.



A D

CAPVT III. DISSERTATIONIS  
CVIVS EST INSCRIPTIO,

*Veterem Ecclesia Gallicana traditionem duos Dionysios agnouisse veterum Martyrologiorum testimonio comprobatur.*

RESPONSIO.

§. I.



*Vorum Dionysiorum Testes damus ( inquit ) Ecclesias Gallicanas , & quotquot in ijs olim Pontificales cathedras tenuerunt : qui ore vno si loquantur, omnes de Dionysijs quid senserint, Ecclesiarum suarum Martyro-*

*logijs se testatos respondebunt. His magnificè pronuntiatis, & buccinatâ ante congressum victoriâ, vnius affertur Vsuardi textus, ferè in omnibus Ecclesijs lectitari solitus, quod Molanus in ipsâ fronte Martyrologij Vsuardi à se editi, sic testatur: Martyrologium Vsuardi, quo Romana Ecclesia, ac permultæ aliæ vtuntur. Et concludit Aduersarius omnia Martyrologia refragari nostræ sententiæ. Correctiùs, opinor, dixisset vnum Vsuardum, & solum, nec videri fauere nobis, nec aduersari. Sic enim habet: Quinto nonas Octobris, Natale sancti Dionysij Episcopi & Martyris, qui post clarissimam confessionem fidei, post grauissima tormentorum genera glorioso Martyrio coronatus est, vt testatur Aristides Atheniensis, vir fide, sapientiaque mirabilis, in eo opere, quod de Christianâ religione composuit. Et, Septimo idus*

70 *Ad Caput III. Dissertationis,*  
*Octobris apud Parisium, Natale San-*  
*ctorum Martyrum Dionysij Episcopi,*  
*Rustici Presbyteri, & Eleutherij Dia-*  
*coni. Qui beatus Episcopus à Romano*  
*Pontifice in Gallias predicandi gratiâ di-*  
*rectus, ad præfatam urbem deuenit, ubi*  
*per aliquot annos commissum sibi solerter*  
*& ardentè opus prosequens, tandem à*  
*Præfecto Fescennio, vnâ cum socijs gla-*  
*dio animaduersus Martyrium compleuit.*  
Age igitur, quid hic tam auersum à  
sententiâ nostrâ? quid tam euidenter  
& palàm conuincit, ac duos distin-  
guit Dionysios, vt hoc quisquis non  
videt, lucem meridie quærat? in pu-  
ro atque incorrupto Bedæ Martyro-  
logio, & Romano vetustissimo, quod  
se Cardinalis Baronius habuisse te-  
statur, sicut in multis etiam peranti-  
quis, quæ apud Sanctum Germa-  
num, & Corbeix habemus, vnius  
tantùm fit mentio Dionysij; Sic enim



legitur in vetustissimo omnium Corbeix, ante annum à Christo septingentesimum confecto, ut ex iis patet, qui ultimi positi sunt, Sanctis, quorum nouissimus est Eligius. 7. Idus Octobris, Parisius, Natale Sanctorum Dionysij Episcopi, Eleutherij Presbyteri, Rustici Diaconi. Et quinto nonas nihil de vlllo Dionysio. Item in alio Martyrologio eiusdem Bibliothecæ Corbeiensis, anno circiter 980. descripto, ut liquet ex die 15. Martij, vbi notatur obitus Abbatis, sub quo confectum est, ita legitur, 7. Idus Octob. Parisius, Sanctorum Dionysij, Rusticij, & Eleutherij. Et quinto nonas nihil de S. Dionysio. Item in alio ex Bibliotheca Rhemenfi, Carolo Caluo imperante scripto, & ad sacramentarium Godelgaudi adiuncto, sic habetur, 7. Idus Octobris, Dionysij cum socijs. Et quinto nonas nihil. Tandem

72     *Ad Caput III. Dissertationis,*  
in Martyrologio Eusebij Bibliothecæ Corbeianæ, magnæ omnino æstimationis, ita legitur, 7. *Idus Octob. Parisius, Natalis sanctorum Dionysij Episcopi, Rustici Presbyteri, & Eleutherij Diaconi:* Et quinto nonas, nihil. De editis verò, In Ephemeride Bedæ sic habetur, 7. *Idus Octob. Parisius, Dionysij, Rustici Presbyteri, & Eleutherij Diaconi.* Et quinto nonas nihil. In Vuandelberti Martyrologio, & Rabani similiter 7. id. mentio fit Dionysij; Quinto verò nonas, nulla. Vnde cum Cardinali Baronio diximus additum esse ad Bedæ Martyrologium, quod de illo quinto nonas Octobris legitur, quoniam vel eâ die festiuitatem agunt Græci tam sui quàm nostri, vt confessi sunt semper, Dionysij; atque ita interpretatur Martyrologium Vsuardi idem Baronius, Molanus, Lanse-

lius, Halloix, aliique scriptores, quos non facile putem ita parum perspicaces fuisse, ut lucem meridie quærent, essentque inopes tam mentis, quàm lucis, ad ponderandam & excernendam veritatem. Vel certè additio illa facta est, ex eo quod Metaphrastes Martyriū Dionysij quinto nonas Octobris assignet: Methodius verò, 7. Idus, sicut alij communiter.

## §. II.

**C**VR igitur, inquit Aduersarius, in codice Vsuardi apud sanctum Germanum vestrum quidquid de Atheniensi Dionysio legebatur, erasistis? Quod paulò attentius profectò dici potuisset; nam neque ille codex est Vsuardi: neque nos quicquam erasimus; est enim antiquissima litura,

74 *Ad Caput III. Dissertationis,*  
quam obijcit, & cuius authorem cer-  
tè imprudentem non parum repre-  
hēdimus, quod & ipse minimè igno-  
rat: nequetandem quod expunctum  
est, mentionem vllam faciebat Arco-  
pagitæ, vt patet in similibus, quæ  
sunt innumera, exemplaribus; aut si  
non creditur exemplaribus, vnde Ad-  
uersarius habet de Arcopagitâ quic-  
quam esse derafum, cū ex liturâ  
probari nihil possit? Sit verò Vsuar-  
di codex: an placet ab eo litem diri-  
mi? cedimus arbitrum: neque appel-  
labimus certè. Reponemus etiam vl-  
trò quod deletum est. Vidisti, scio,  
codicem illum peruetustum; num in  
commissionem Dionysij ab ipso Cle-  
mente nominatim legisti? Legitur  
sanè, his verbis, *Septimo idus Octobris,*  
*Parisijs, Natale Sanctorum Dionysij*  
*Episcopi, Eleutherij Presbyteri, & Ru-*  
*stici Diaconi, qui beatus Episcopus à san-*

*Et Clemente in Gallias directus, ut prædicationis operam à fide Christi populis alienis exhiberet, tandem Parisiorum civitatem deuenit, & per aliquot annos sanctum opus fideliter & ardentè executus, à Præfecto Fescennio Sinfinnio comprehensus, & cum eo sanctus Presbyter Eleutherius, & Rusticus Diaconus, gladio animaduersi Martyrium compleuerunt. Quæ sunt etiam verba ipsius Bedæ in suo Martyrologio.*

## §. III.

**Q**UOD autem interpretationem nostram, imò communè omnium repudiat, ex eo quòd utrobique apponitur vox, Natalis : aut, prout quidam alius Aduersarius arguit, ex eo quòd tertio Octobris fiat mentio solius Dionysij, non item sociorum eius, ut fit nono eiusdem

76 *Ad Caput III. Dissertationis,*  
mensis; facillima est ad vtrumque re-  
sponsio; Ad posteriorem quidem Ad-  
uersarium, dicendo vnius mentio-  
nem factam esse Dionysij eo die, quo  
apud Græcos celebris est illius me-  
moriam, quia nimirum Græcorum in-  
tererat suum Dionysium Athenien-  
sium Protoepiscopum memorari, non  
item socios Romæ illi adiun-  
ctos, ac nihil tanti de Græciâ meri-  
tos. Ad priorem verò Aduersarium,  
longior est paulò responsio; sed quæ  
sententiam nostram validissimè con-  
firmet. *Vtrobique, ut vides, inquit,*  
*Natalis, hoc est, recepti Calo Martyris*  
*diei nomen est.* Ex quo tametsi non mo-  
dicè instat, minimè tamen animum  
despondemus. Nam, rogo, si Nata-  
lis nomine dies martyrij, vel certè  
beatæ mortis, necessariò designatur,  
quod genus mortis appetijisse dicet  
cathedram sancti Petri? Ita enim

apud Augustinum legimus sermone decimo quinto de sanctis, *Recte Ecclesie Natalem sedis illius colunt, quam Apostolus pro Ecclesiarum salute suscepit.* Viden' Natalem celebrari vel cathedræ? Ac proinde certè nomine Natalis, quamvis solemnitatem, & cuiuscumque inaugurationis, aut naturalis obitus, aut martyrij, aut translationis memoriam significari? Itaque licet ipse mortis dies nisi vnus esse non possit, eius tamen memoriam diuersis diebus, non tantum apud Græcos & Latinos iunctim, verum etiam apud vtrosque diuissim, contingit celebrari. Vis exempla ex omni ordine sanctorum? In vetustissimo Martyrologio, ex membranis ante septingentos, plus, minus, annos descripto, & ante nongentos composito, vt paulò antè probauimus; & Epitome videtur esse Hieronymiani: hæc le-

78 *Ad Caput III. Dissertationis,*  
guntur, *Decimo Kal. Maij, Natalis*  
*sancti Philippi Apostoli: &, Kalendis*  
*Maij, Natalis Sanctorum Philippi &*  
*Iacobi.* Nunquid duos dixeris Philip-  
pos Apostolos, quia utrobique Nata-  
lis legitur; & vno in loco solus, in al-  
tero cum socio est; illic Apostolus di-  
citur, hic minimè? Noli igitur ini-  
quior esse Dionysio. Sed pergendum  
est. *Tertio nonas Iunij, Natale sancti*  
*Thomæ Apostoli.* Et, *quinto nonas Julij,*  
*Natale, & translatio corporis sancti*  
*Thomæ Apostoli, qui passus est in Indiâ.*  
Et, *duodecimo Kal. Ianuarias, in Me-*  
*sopotamiâ, ciuitate Edissâ, Natale, &*  
*translatio corporis sancti Thomæ Apo-*  
*sti, qui translatus est ab Indiâ, cuius pas-*  
*sio ibidem celebratur quinto nonas Iulias,*  
*Decimo tertio Kal. Iunij, Natale san-*  
*ctorum Germanorum Gervasij & Pro-*  
*thasij.* Et, *decimo tertio Kal. Iulii, in*  
*Mediolano ciuitate, Natale sanctorum*



*Nazarij, Gervasij, Prothasij & Celsi pueri. Et, quinto Kal. Augusti, Mediolano Natale sanctorum Gervasij, Prothasii, Nazarii & Celsi pueri. Tertio nonas Maii, Arelato, depositio sancti Helari Episcopi. Et, Nonis Maii, Arelato, depositio sancti Helarii Episcopi. Nonis Febru. In Sicilia, Catanas ciuitate, passio sancte Agathæ Virginis. Et, Quarto idus Iulij, in Sicilia, Natale sancte Agathæ Virginis.*

Quò simpliciora, dicunt, hoc sinceriora visa sunt Martyrologia. His ergo quid opponent, nisi fortè, si quo quomodo obstinauerint animo vincere, peruicaciam? Quod tamen de viris eiusce probitatis ac maturitatis non est metuendum; sed fortè præ cæteris amant Vsuardum testem; accipiant igitur ex eo quod nostram iuuat sententiam. *Sexto idus Decembris, apud Nicomediam, Natalis sancti*

80     *Ad Caput III. Dissertationis,*  
*Adriani Martyris, &c.* Quem tamen  
constat quarto nonas Martij fecisse  
martyrium, vt Molanus aduertit.  
*Tertio idus Aprilis, Romæ, Natalis bea-*  
*ti Leonis Papæ, cuius temporibus extitit*  
*sancta Synodus Calcedonensis.* Et, quar-  
to *Kalendas Iulii, Natalis beati Leonis*  
*Papæ & Doctoris.* Item in *Vsuaro,*  
*pridie idus Decembris apud Narbonam,*  
*Natalis sancti Pauli Episcopi & Con-*  
*fessoris, quem beatus Apostolus ordina-*  
*tum eidem vrbi destinauit Antistitem;*  
*cumque eodem Apostolo ad Hispanias*  
*predicandi causâ pergens, ibidem relictus*  
*est. Vbi prædicationis officio non segniter*  
*impleto clarus miraculis coronatus quie-*  
*uit.* Et in *Martyrologio Romano,*  
*vndecimo Kal. Aprilis, Narbonæ in*  
*Galliâ, Natalis sancti Pauli Episcopi*  
*Apostolorum discipuli, &c.* Et in *Mar-*  
*tyrologio Adonis, vndecimo Kal. Fe-*  
*bruarii, Natalis sancti Pauli, quem bea-*  

*tus*

*ius Apostolus ordinatum. vrbi Narbonæ*  
*Episcopum misit, &c.* Ex his itaque aut  
 per Natalem, noli mortis diem intel-  
 ligere, vt facis, aut prædictos sanctos  
 bis, terve mortuos interpretare.

Certè non temerè quidem diximus  
 videri Vsuardum nec fauere nobis,  
 nec aduersari. Cogitatiùs verò con-  
 sideranti textum, & morem eius an-  
 tiqui Martyrologi, apparet conti-  
 nuò totus ex nobis. Neque hic argu-  
 tia est, & inanis quædam subtilitas.  
 Vidit sine dubio Vsuardus bis eun-  
 dem reponi Dionysium, primo qui-  
 dem loco, vt Græcorum consuetudi-  
 ni, secundo, vt Latinorum accede-  
 retur. Eamque ob rem tertio nonas  
 Octobris, ne videretur voluisse dice-  
 re Athenis passum esse Dionysium,  
 quem Parisiis cæsum nouerat, locum  
 nullum assignauit contra perpetuum  
 morem, quem toto Martyrologio

82 *Ad Caput III. Dissertationis,*  
tenuit, nisi Martyrij prorsus ignora-  
uerit locum. Ac ne gratis isthæc dare  
videar, da veniam Lector, prolixius  
paulò circa Vsuardum demoranti,  
afferam Dionysios, quos ille diuersis  
locis memorauit; quorumque nemi-  
nem prætermisit, cui vel urbem, vel  
certè peculiarem prouinciam non as-  
signarit, præterquam repetito eodem  
mense Dionysio.

6. Id. Febr. apud Armeniam mino-  
rem, Natalis sanctorum Dionysij, &c.

16. Calendas Martij, apud Alexan-  
driam, sanctorum Martyrum Bassi, &c.  
item Dionysii & Ammonii decollatorum.

17. Cal. Apr. apud Aquileiam, Na-  
talis B. Hilarii, qui sub Beronio præside  
cum felice Largo & Dionysio, &c.

6. Id. Apr. apud Corinthum, B. Dio-  
nysii Ep. &c.

8. Calendas Iun. Mediolani S. Dio-  
nysii, &c.

*Pridie Cal. Aug. ciuitate Sinnada  
SS. Democriti, Secundi, & Dionysii.*

*12. Cal. Oct. in Phrygiâ, SS. Dionysii & Priuati.*

*7. Idus Oct. apud Parisium, SS. Martyrum Dionysii, &c.*

*15. Cal. Decemb. apud Alexandriam, B. Dionysii Ep. &c.*

*7. Cal. Ian. Rome viâ Appiâ, depositio S. Dionysii Papæ.*

Hęc in Vsuarido iuxta morem suum locum omnibus assignandi. Quid igitur 3. nonas Oct. facturum fuisset, si Dionysium Arcopagitam existimasset, aut legisset Athenis passum? Numquid piguisset Athenas nominare, qui tam diligens fuit in obseruandis omnium locis, vt ostendimus? Iudica, lector, num & Vsuardus, quem opponunt nobis, sit noster: quod in refutatione capitis quinti, §. 6. exploratissimè patebit ex aliâ ob-

§. IV.

**D**Emùm quî fieri potest, vt ex Græcorum synaxariis quibusdam vitiosissimis quicquam sibi fauere arbitretur Aduersarius? Neque sanè sunt vllius antiquitatis, neque vllius fidei, quæ consumptum igne Dionysium dicant, ac deinde tanquam Phœnicem suis è flammis rediuium ad Occidentem conuolasse: hem! quàm irrideremur, & meritò, si corruptissima, mendacissimaq; istiusmodi testimonia in asserendâ veritate proferremus. Neque ille vir doctus profectò iis abuteretur, si quid melius antiquiusue succurreret. Citauimus Menzæ Græcorum quæ nullam eiusmodi absurditatem præ se ferunt, & Dionysium Atheniensem

Parisiis obtruncatum docent. Quamobrem quòd nonnulla Martyrologia tertio Octobris dicant, *Athenis, Dionysii, &c.* nullo modo significant cæsum fuisse Dionysium Athenis, sed tantum eo die, eaque in vrbe triumphum eius celebrari. Sicut cum in Romano Martyrologio legitur, *Octavo Kal. Septembris, Lutetia Parisiorum, Sancti Ludouici Confessoris, Regis Francorum*: non Parisiis propterea obiisse intelligendum est: quis enim ignorat eum in Africâ Galliarum imperium cum cœlesti regno mutasse: sed solummodò festiuitatem illius beatæ mutationis, Lutetiæ Parisiorum agitari. Sic in veteri Romano Rosuueydico legitur, *Kalendis Februarii, Antiochia, Ignatii Episcopi et Martyris*: & certum nihilominus est, eum Romæ, non Antiochiæ fuisse defunctum Martyrio.

## §. V.

**T**Andem quod heri Martyrologium quoddam Rhemenſe prolatum fuit è ſuâ latebrâ, quo caneretur, Dionyſium Athenis paſſum eſſe; tam ſerò apparet, ac tot notis fidei labefactatæ, vt nullam reuera fidem mereatur. Hincmarum Archiepiſcopum Rhemenſem, qui tenaciſſimus eſt noſtræ ſententiæ, antecedere non potuit, ſed quid dico antecedere? ne ducentorum quidem annorum eſt, vt ex manu facilè probatur, (licet gratuito antiquiſſimum appellent Aduerſarij.) Certè nunquam eius authoritatis fuit id Martyrologij, vt quiſquam antea ex eo litent moueret, aut exciperet. Nullum deinde authorem habet, cùm alia omnia habeant aut Eusebium ſiue Hieronymum, aut



Bedam, aut Vfsuardum, aut Adonem, aut Romanam Ecclesiam, aut Rabanum, aut Vuandelbertum, aut Notkerum, aut alterum eiusmodi. Denique cum sit vnum, & solum, & incognitum, obscurâ, & tamen audaci manu contra cæterorum omnium fidem, & exemplaria hoc loco deprauatum, ne refutationis quidem verbum meretur; quod seipsum damnat tot argumentis.



A D

CAPVT IV. DISSERTATIONIS  
CVIVS EST INSCRIPTIO,

*Hilduini & sectatorum eius qui  
Dionysium Parisiensem cum  
Areopagita confundunt, noua  
opinio exploditur.*

RESPONSIO.

§. I.



*Actenus antiquam, ac pro-  
inde veram, de duplici Dio-  
nysio maiorum nostrorum  
traditionem exposuimus (ait  
dissertator) Vnde verò, amabo, an-  
tiquitatem illam repetiit? quem ve-*



terum authorum allegauit? quam monumentorum fidem præstitit, quã maiorum traditionem demonstra-uit? quarum Ecclesiarum tabulas, quarum bibliothecarum membranas aut cortices exprompsit? habet omnino solum Martyrologium Vsuardi, quo nihil reuera concutitur, imò statuitur nostra sententia, vt palam ostendimus ex pluribus aliis Martyrologiis: & ex eo ipso Vsuardi textu est euident, eritque magis in epilogo.

Hoc itaque vanissimo colore defendendæ traditionis, quam è suis partibus stare Aduersarij non desinunt fingere, quid aggrediuntur, quoque molimento depugnant? Hilduinum Ludouici Imperatoris Archicapellanium inuentorem vocant, & incentorem fabularum; horridum & insulsum scriptorem. Hincmarum verò & falsum & fallentem tradu-

90 *Ad Caput IV. Dissertationis,*  
cunt. Quem tamen Antistitem Rhe-  
mensē clarissimum sane apud om-  
nem hominum memoriam, & erudi-  
tione cultissimum quid vnquam, aut  
quis poterit obscurare? Hunc, in quo,  
vt Lupus Ferrariensis loquitur ep. 42.  
*Et nobilitas & sapientia conuenerunt:* &  
cuius sapientiam atque sanctimo-  
niam Nicolaus primus Pontifex ab  
omni adulatione alienissimus com-  
mendat ep. 28. Sed supersedeo; ve-  
reor enim ne iniuriam suam putent,  
quod nos iniuriæ depulsionem me-  
ritò credimus alienæ. Hilduinum  
porrò, Hincmarum, Paschasium, qui  
cum singulari doctrinâ probatam ab  
vniuersâ Ecclesiâ vitæ sanctimoniam  
adiunxit, sua merita tutantur effica-  
ciùs à calumniis quorumcumque ho-  
minum, quàm vt patrocinium vllius  
desiderent.

## §. II.

**T**Antùm hîc detegam breuiter tria quædam errata Dissertantis. Primum est, Ioannem Erygenam reclamasse contra historiam Hilduini: cuius rei contrarium vel ipse Ioannes manifestat in eâ epistolâ, quam ad Carolum Caluum scripsit, vbi sic loquitur de Dionysio Areopagitâ, cuius opera Græca in Latinam linguam conuerterat, *Hunc eundem quoque (Areopagitam) non præfati viri (Eusebius & Gregorius) sed alij moderni temporis asserunt (quantùm vita eius à fidelibus viris tradita, testatur) temporibus Papæ Clementis, successoris videlicet Petri Apostoli, Romam venisse, & ab eodem prædicandi gratiâ in partes Galliarum directum.* Omnino si fideles viri, qui scribunt, fidem merentur à le-

gentibus. Sed quamquàm ille apertè reclamasset, quid tum verò? Fuiſſet fanè illud argumento benè acceptæ & confirmatæ veritatis, quam vnus ille author, atque exterus, non approbasset, cæteri recepissent. Non habent itaque Aduersarij, vnde meritò Ioannem hunc Scorum reclamantem obiiciant, ex allato textu; qui tamen si qualis est in vetustioribus codicibus incorruptè proferatur, non tantum non reclamabit, verum etiam suffragabitur apertissimè. Sic enim legitur in antiquissimo codice Bibliothecæ Monasterij sancti Michaëlis, in periculo maris dicti. *Fertur præfatus Dionysius fuisse discipulus, atque adiutor Pauli Apostoli, à quo Atheniensium constitutus est Episcopus, cuius Lucas commemorat in Actibus Apostolorum, & Dionysius Corinthi vir antiquus: Beatus quoque Polycarpus, in Epistolâ ad Ecclesiam*

*Athenarum, Eusebius item Pamphili, in Ecclesiasticâ historiâ, necnon etiam sanctus Papa Gregorius, in Homiliâ suâ, ubi breuiter Angelorum ordines exposuit. Hunc eundem asserunt, quantum vita eius à fidelibus viris tradita testatur, temporibus Papæ Clementis, successoris videlicet Petri Apostoli, Romam venisse, & ab eo prædicandi Euangelij gratiâ in partes Galliarum directum fuisse, & Parisius Martyrij gloriâ coronatum fuisse cum beatissimis suis consortibus, Rustico scilicet atque Eleutherio. Quod si queruntur mitti in periculum maris, & fidem è vicino peti desiderant: damus penè domesticam. Bibliothecam Thuanam adeant; eadem verba legent in veteri codice, cuius appositus est numerus 310. pro notâ. Fuit autem ex Aduersariis qui diceret, Scotum ironicè locutum. Sed quale id sit, quàm vanum, quàm ridiculum, dicere su-*

§. III.

**S**ecundum est, *Æneam Parisio-*  
*rum* Episcopum etiam in frau-  
dem inductum, vt inquit: debuerat  
dicere secutum fuisse veterem tradi-  
tionem, quam & posteri omnes te-  
nuerunt; alioqui sequeretur sanè,  
aut non intellexisse quæ legerent in  
choro & canerent, aut legisse & ceci-  
nisse quæ minimè verà esse sentirent:  
quod certè opinari neino est, qui pru-  
denter possit. Verè igitur, & pro ve-  
teri sensu Ecclesiæ, titulum hunc præ-  
fixit suæ aduersus Græcos lucubra-  
tioni Episcopus Parisiensis circa an-  
num 859. *Æneas Parisiensis vrbis Epi-*  
*scopus, quo primus præsedet S. Dionysius*  
*à Paulo Apostolo Atheniensium consecra-*  
*tus Archiepiscopus, sed à Clemente 10-*



*tius Galliae constitutus Apostolus, pacem  
& gloriã catholicæ fidei cultoribus. Age  
autem, si de Missalibus, si de moni-  
mentis Ecclesiæ Parisiensis Hildui-  
nus esset mentitus, quid est cur,  
Æneas, & nobilissima illius Ecclesia  
sponte errare, veritatem consultò  
euertere, & immittere in rem sacram  
mendacia maluisset cum impostore  
Hilduino (fuiſſet enim talis) quàm  
rectè sapere, & cursum veritatis te-  
nere cum antecessoribus suis? hor-  
reat sanè figmenta eiusmodi sacrile-  
ga suspicari, quisquis non temerè  
iudicat.*

## §. IV.

**T**ertium est, successores Æneæ  
facilitatem eius non fuisse am-  
plexos, sed traditionem de duplici  
Dionysio retinuisse. Vnde verò id

96 *Ad Caput IV. Dissertationis,*  
probat Aduersarius ? Certè contra-  
rium manifestum est. Nunquam alia  
fuit, quàm ea, quæ nunc traditio est.  
Hoc omnes libri, hoc omnes autho-  
res, hoc officia Ecclesiastica Ecclesiæ  
Parisiensis, imò Galliæ vniuersæ,  
hymni, & lectiones, quæ in vigiliis  
nocturnis Dionysiani festi recitantur  
solenni ritu, ante omnem memoriam  
grauissimè testantur; & referta sunt  
iis templa, refertæ Bibliothecæ vetu-  
stissimæ. Itaque non potuit Æneas  
nouum aliquid de vnitate Dionysij  
commentari, cùm iam illa vnitas as-  
sertissima esset: neque successores il-  
lius recipere se ad pristinam de duo-  
bus Dionysijs traditionem, quæ pla-  
ne chimærica est, & hæctenus inau-  
dita.

§. V.

**H**Æc verò nostrorum Aduersariorum est fides, hoc robur, hoc firmamentum argumentorum, quæ aduersum nos intorquent, ut multa dicantur, negentur, criminentur, nihil autem comprobetur: & si quid ex opposito pugnat pro veritate, dissimuletur, eludatur, irrideatur. Nam hoc artificio sinistro & traditionem nostram de Dionysio vllam esse negant; & veritatem, quam amplectimur, opinionem nouam appellant; & historiam, quam legimus de Dionysio, vocant perpetuò fabulam; & Hilduinum scriptorem imposturæ insimulant. Quo genere pugnandi quidam præsertim aduncos suspendentes omnia naso, sibi visunt bellissimè triumphare. Sed in-

G

uenient, spero, digniorem materiam  
suis ingeniis, suis operis atque otio  
erudito. Ponant igitur ij nunquam  
Hilduinum Arcopagitica sua cogi-  
tasse, illum nunquam vel extitisse in  
humanis: nunquam grauissimos om-  
nino scriptores Hincmarum, Ana-  
stasium, Æneam; nunquam vllos  
assertores nostræ sententiæ, præno-  
minatorum suppare: an continuò  
existimant, & inter Græcos, & æquè  
inter Latinos magni Dionysij no-  
men cum suis diuinis operibus irre-  
parabili Galliæ iacturâ occasurum? &  
neminem fore, qui regiæ Parisiorum  
vrbi charissimum suum Patrem vin-  
dicet? Erit certè inter Latinos anti-  
quior Hilduino, Beda, qui missum à  
Clemente testetur. Erunt antiquissi-  
ma gesta Dionysij, quæ veritatem  
eamdem proferant. Erunt magno  
numero Martyrologia peructusta,

ipsumque Rosuueydianum, quæ sub Adriano cæsum Dionysium cum docent, palàm faciunt, cum non potuisse Athenis interfici. Erunt literæ Pipini Regis, quæ missum à Clemente dicant, his verbis, *Dionysius, & sæpè iam dictus Rusticus & Eleutherius, qui primi post Apostolos, sub ordinatione B. Clementis, Petri Apostoli successoris, in hanc Galliarum provinciam adven- runt, &c.* Erunt denique literæ illæ multorum Antistitum Galliæ, anno 824. ad Eugenium Papam datæ, & quæ apud Baronium leguntur tom. 9. quibus traditionis nostræ perpetuitatem per suarum Ecclesiarum principes his verbis stabiliat Gallia. *Nec vobis tedium fiat, si ad ostendendam rationem veritatis, veritatemque rationis se se paulò longius sermo protraxerit: dummodo linea veritatis, quæ ab antiquis Patribus nostris vsque ad nos*

100 *Ad Caput IV. Dissertationis,*  
*inflexibiliter ducta est, B. Dionysio scili-*  
*cet, qui à S. Clemente, qui B. Petri Apo-*  
*stoli in Apostolatu primus eius successor*  
*extitit, in Gallias cum duodenario nume-*  
*ro primus prædicator directus, & post ali-*  
*quod tempus, vnà cum socijs huc illucque*  
*prædicationis gratiâ dispersis, martyrio*  
*coronatus est. En verò tibi è suis Epif-*  
*copis totius Ecclesiæ Gallicanæ sen-*  
*sus; en, vt inquiunt, Linea veritatis,*  
*quæ ab antiquis Patribus nostris vsque ad*  
*nos inflexibiliter ducta est, & vera & le-*  
*gitima & à capite deriuata traditio.*  
*Et hæc omnia ante Hilduini opus.*  
*Nam iubente Ludouico pio scripsit*  
*Arcopagitica sub annum Christi*  
*837. Cum inter Concilia antiqua*  
*Galliæ reponatur Epistola eiusce Im-*  
*peratoris ad annum imperij sui 23.*  
*Christi 836. Erunt deinde inter Græ-*  
*cos, æquales quidem Hilduino, sed*  
*& longo terrarum spatio discreti, &*

traditionibus ac monumentis Græcarum Ecclesiarum instructi, qui suum Doctorem Galliæ asserant, Methodius ( scripsit autem hic ante Hilduinum, ut mox probabimus ) Sincellus, Metaphrastes. Erit denique silentium illud vniuersi Orientis de Dionysij sui commento, si quod esset, ac tacita confessio Athenarum, quæ omni tubâ clariùs assignat illum nobis, cuius neque cineres, neque certaminis arenam, neq; aliud quodpiam monimentum hætenus designat. Quæ omnia explicatiùs dicere non est opus. Tantum paulisper in Methodio sistamus gradum.

§. VI.

**L**audatissimus iste Methodius, qui teste Anastasio Bibliothecario, scripsit vitam S. Dionysij, quam

102 *Ad Caput IV. Dissertationis,*  
 & habemus; floruit quidem Ludouico Pio imperante, ita tamen ut in scribendâ dicti Martyris historiâ, multis annis præuerterit Hilduinum. Refert enim Anastasius eam à Methodio Constantinopoli Romam legato compositam fuisse, atque à se lectam cum puer esset. Eminebat autem doctrinâ politissimus iste vir circa annum 850. Methodius verò legatione fungebatur, 818. ex Glycâ, Constantino Manasse, & Cedreno, ubi dicitur, ἐν Ρώμῃ πεμφθεὶς πρὸς τὸν Γάππῳ Διάδῳ καὶ Νικηφόρῳ τῷ ἀρχιεπίτῳ πατριάρχῳ ἀνεγερθείσας ἐπαγωγὰς, &c. Quod autem olim compositam à se breuem illam de Dionysio historiam Constantinopoli attulerit, tum ex eius ipsius textu mox afferendo probatur, cum ex eo quòd nec diu, nec ociosus Romæ versatus est; eodem quippe anno vertente à Paschale Cō-



stantinopolim iam Legatus Romanus fuit remissus: denique constat ex Anastasio, cuius hæc sunt verba, in Epist. ad Carolum Caluum, quæ apud Surium legitur 9. Octob. *Passionem sancti Hieromartyris Dionysij Areopagitæ, postque Athenarum Antistitis, quam Romæ legi cum puer essem, quamque à Constantinopolitanis Legatis audieram, &c. Et in fine. Huius autem passionis textum B. Methodius, qui à sede Apostolicâ Constantinopolim Presbyter missus, eiusdem urbis tenuit Pontificium & ex tunc inter sanctos ab omnibus ob suæ confessionis & agonis certamen, veraciter veneratur & colitur, edidit pauca de multis præcedentibus scriptis excerptens. Igitur excerptit à scriptoribus antecedentibus; Romæ autem non potuit, tum enim nulli erant Latini Dionysij vitæ scriptores; vnde consequens est, ut in Græciâ confectam hi-*

104 *Ad Caput IV. Dissertationis,*  
storiā secum in Italiam attulerit :  
Nam qui attulerint alij Legati, neque  
legitur, neque alia prorsus legatio fa-  
cta reperitur Constantinopoli Ro-  
mam, sub annis puerilibus Anastasij,  
neque longo pòst tempore, nisi quā  
Monobasius & Methodius ad Pas-  
chalem Papam ante annum 818. obie-  
runt. Cū autem constet Ludoui-  
cum Imperatorem dedisse manda-  
tum Hilduino componendi vitam  
Dionysij anno 836. repòsita est enim  
epistola dicti Imperatoris inter Con-  
cilia antiqua Galliæ, ad hunc annum,  
ut iam diximus; & ex illius textu pro-  
batur, ubi restitutionem suam in Im-  
perium Dionysij suffragiis attribuit  
Pius ille Princeps; conficitur sanè id,  
quo manifestius nihil esse possit, Me-  
thodium videlicet composuisse vi-  
tā Dionysij multis antè annis; quā  
vel scribere cogitauisset Hilduinus.

Quibus si adiicimus , quæ ipse Methodius asserit , nempe historiã Dionysij , non à suâ mente , non à scriptoribus æui sui , & recentioribus , non ab incertis authoribus accepisse , sed à firmâ certâque antiquitate , & superioribus longè temporibus. *Εκ παλαιᾶς διηγήσεως ἡμῖν ἐξελύθη , καὶ ἂ ἐκ μέθης ἐκ παλίου ἀρχαίᾳ ὀλίγα κατὰ ἡδυνητῶν , καὶ ἀπὸ μακρᾶς χρόνων ἀκηκόαμεν , ἐν συγγραφῇ παρεδώκαμεν .* Hæc , inquam , si addimus ad præfixam epocham scriptionis vitæ Dionysianæ , quis non pro certissimo sentiet præuentum esse Hilduinum à Methodio , & hūc nihil accepisse ab Arcopagiticis Hilduini ; qui à certâ firmâque antiquitate sua scripta deriuauerit ? Nisi si , quod pudor , modestia & pietas prohibent , Methodius pro insigniter mendaci , & qui studio fallere , & in re seriã & sacrâ illudere posteritati

106 *Ad Caput IV. Dissertationis,*  
voluerit, traducatur. Hoc si Aduerſa-  
rij dicunt, quod abſit vt credam, con-  
tinuò tanti viri authoritas, doctrina  
& ſanctimonia toto Orbe ſpectabi-  
lis reclamabunt.

Καὶ τὸν μεθόδον ὑμῶν, καὶ πάντα κα-  
ταλέγει,

Τὴν πολυμαθεῖαν αὐτοῦ, τὸ πῶς αὐτὸν,  
πλεῖν γὰρ οἶσιν,

Καὶ τὴν οὐρανοδόμονα σκέψιν καὶ  
σοφίαν:

Hoc est, *Methodium* predicat indicatis  
dotibus, doctrinae magnitudine, scientiae  
copiam expeditam & abundantiam, prudentiam  
sapientiamque, vertice suo caelum ipsum at-  
tingente; Ita quidam purpuratus Im-  
peratoris Theophili apud Conſtan-  
tinum Manassem; qui postea cum-  
dem vocat,

Τὸν ἀγχιέριον τῶν νῶν, καὶ θεοφόρον ἄνδρα.

Hoc est, *virum* mente caelestem, & nu-  
mine diuino plenum. S. Theodorus Stu-

dita, Glycas, Cedrenus, Curopalata, vno verbo omnes qui de Methodio loquuntur, ita magnificè extollunt, vt extra teli Aduersariorum iactum positus sit. Et ne apud Græcos tantum putetur laudatus: præterquam quòd Catalogo sanctorum ascriptus est ab Ecclesiâ, pro cuius tuendâ fide cum duobus facinorosis hominibus in sepulchro diu conclusus fuit, vnde & Martyr appellari legitimè, & multorum exemplo possit, quamquam in Martyrologio Romano 14. die Iunij, quâ celebratur eius memoria, Martyr minimè vocetur: cum Nicolaus Papa in epist. ad Michaëlem Imperatorem, Magnum emphaticè nominat, *Fuerunt*, inquit, *huiusmodi hæreses in Nicæâ secundò conuocatâ Synodo, & à Magno Methodio deinde subuersæ.* Itaque, qui aduersantur nostræ opinioni, aut

108 *Ad Caput IV. Dissertationis,*  
Magnum hunc virum per maioris ali-  
cuius auctoritatem indignum osten-  
dant esse, cuius fides aliquo sit loco  
& numero, vel iurgari & cauillari de-  
finant aduersus illum.

. §. VII.

**S**Ed neque est cur quidam remit-  
tat Methodium, Syncellum &  
Metaphrasten ad Constantinopoli-  
tanos, qui post annum millesimum  
ducentesium Dionysij Arcopagitæ  
caput Niuelloni dederint. Vel enim  
fuiſſet Dionysij corpus Constantino-  
poli Patriarchatus Methodij tempo-  
re: quod ne stupidissimus quidem  
totius Græciæ homo nescire non po-  
tuiſſet: vel aduectum fuit postea id  
corpus; At neque hoc concedi potest:  
Sunt enim translationes eiusmodi  
sanctorum illustrium celebriores,

quàm ut eas obruat silentium omnium scriptorum. Et vel cognitum saltem eo tempore fuisset, vbinam reliquum Dionysij corpus reperiretur. Neque Nicephorus nostræ sententiæ assertor, qui vno post sæculo vivebat, neque omnes Græci tacuissent imò cōtrarium asseruissent. Successionibus tamen temeritati minimè verto, quæ res ab aliis non semel factitata est, titulo insignioris sancti sub eodem nomine, reliquias cuiusdam Dionysij Constantinopoli allatas; illustriores esse voluerunt.



A D

CAPVT V. DISSERTATIONIS  
CVIVS EST INSCRIPTIO,

*Dionysij Areopagita transitum ab  
Episcopatu Atheniensi ad Pari-  
siensem Græcis omnibus ignotum  
olim fuisse, certis argumentis  
ostenditur.*

RESPONSIO.

§. I.

**T**ranslationes Episcoporum,  
inquit, sediumque mutatio-  
nes, vetus Ecclesia disciplina  
in vsu non habuit, easque ne  
frequentarentur, crebrò interdixit. Ac



cur interdixit, rogo, nisi propterea quòd ita erant in usu, atque ita frequentabantur, ut non tam usus ad necessitatem, quàm ad ambitionem abusus meritò videretur? Cùm verò asseueranter hic dicit apud Latinos annis propè nongentis inuiolatam legem stetisse non mutandæ sedis, ut nihil de Crescente, nihil de Martiali, nihil de Regulo, nihil de Sixto, aliisque primi ac secundi sæculi, dicam: patet asseuerantis hallucinatio ex Aprunculo, qui à sede Lingoniensi ad Aruernensem, circa annum 486. transiuit. Patet ex Quintiano, qui è Rutenensi ad Aruernensem pariter, ad annum 510. migravit. Est evidens denique in Fronino primùm Agathensium, deinde Vincientium Episcopo, circa annum 600. Quos tametsi quædam procella de sede mouit, aliam tamen assumere non debuerunt, si

112 *Ad Caput V. Dissertationis,*  
comparatio, quam è matrimonio  
petit, bona est. Sed verò quid me  
translationes Latinorum tenent, vbi  
de Græco Antistite sermo est?

§. II.

**T**Ranslationes igitur apud Græ-  
cos, quas dixit Aduersarius ra-  
ras, longè verisimiliùs dixisset, ad-  
modum quotidianas. Catologum  
enim, quem *exquisitum & accuratum*  
haberi cupit, nos perfunctoriè scri-  
ptum probamus; & primò quidem  
ex eodem illius autore Socrate, eo-  
demque loco, nempe lib. 7. cap. 35.  
dicente, ὅτι τοῖς παλαιότεροις ἡμεῖς  
ἀλλήλοφθονοῦν ὡς ἀπὸ πόλεως εἰς πόλιν με-  
τὰ γὰρ ἐπίσκοπον, ὅσας τις χρεῖα ἐκείλη. hoc  
est. *Res erat indifferens apud veteres, quo-  
ties vsus poscebat, Episcopum ab vnâ vr-  
be ad aliam transferre.* Secundò ex Ni-  
cephoro,

cephoro, qui multò ampliorem exhibens catalogum, ait nihilominùs non omnes à se fuisse recensitos, qui ab vnâ sede ad aliam transferunt. Cur igitur, inquires, Dionysius tam memorabilis Præsul, præterminissus est à Socrate? Certè quia nonnullos tantùm referre voluit. Mox vberius dicam. Dic tu mihi, quæso, cur omisit Petrum memorabiliorem Dionysio, qui Antiochiâ Romam: cur Eustathium, qui Berceâ Antiochiam: cur Maximum, qui Diospoli Ierosolymam: cur Eudoxium, qui Germanicâ primùm Antiochiam, deinde Constantinopolim translatus est? cur vterque scriptor Methodium clarissimum Martyrem non memorauit, qui, vt Hieronymus in catalogo suo docet, primùm Olympi Lyciæ, deinde Tyri sedit Episcopus? Cur vterque omisit eos, quos cum Petro memorat

H

Antherus in decretali, Eusebium nempè, qui de parvâ quadam, ut ait, ciuitate, Apostolicâ authoritate mutatus est Alexandriam, & Fœlicem, qui translatus est Ephesum, communi consilio Episcoporum? cur vterque Publium prætermisit, qui ab Apostolo Paulo primùm Melitenus Episcopus cùm ordinatus fuisset, ut Martyrologia Adonis, & Romanum Rosuueydi testantur, deinde Athenarum rexit Ecclesiam? Eâ de causâ sanè isti omnes prætermissi sunt, quâ Dionysius: quod nimirum nonnisi paucos, & suorum temporum pro maiori parte viciniore, ad exemplum adducere historiographus vterq; statuisset. Ipse verò Nicephorus, qui non meminit Dionysij in suâ illâ enumeratione: cum tamen ad Occidentem migrasse lib. 2. cap. 20. disertissimè memorauit. Quod est argu-

mentum longè certius, non fuisse illi mentem recensere omnes, quos nosset à primâ suâ sede migrasse ad aliam.

§. III.

**S**Ed pergis, & affers cautionem Synodi Sardicensis, ubi tum eiusmodi translationes damnantur, tum ostenditur nullum hæcenus Episcopum de maiori ad minorem transisse ciuitatem. Primò respondemus, Dionysium futurum fuisse obsequentem huic decreto, si tum, vel postea vixisset, quàm factum fuit. Secundò, nunquam interdictas fuisse translationes, vt perpetuus omni æuo, receptissimusque vsus probat: sed ambitioni & abusu ne liceret quicquam, prouisum esse. Tertiò (adhibeat aures animumque tua paternitas, obsecro) Dionysium dicimus non mu-

tasse propriè sedem, sed reliquisse prorsus, ut prædicationi verbi diuini curas integras admoueret (quæ Apostolicorum virorum consuetudo fuit, ut probamus ex Eusebij grauissimo testimonio, ad finem huius capitis) Eâque mente petiisse Romam, & varias deinde Occidentis prouincias cum Euangelicâ face lustrasse. Ex quo mirum non est, si nemo illum reponat in elencho eorum Episcoporum, qui sedem mutauerunt. Quod verò postea Parisiorum fundarit Ecclesiam, id præter consilium eius accidit; Reliquit enim Athenas subrogato Publio, nihil de Parisijs, quamquam de Galliâ fortè in vniuersum, cogitans. Quo tempore nulla erat sedes Episcopalis Lutetiæ, cum quâ priorem mutare diceretur. Itaque factum est, ut apud plerosque nomen prioris Episcopatus retinuerit, ma-

ximè verò apud Græcos, cùm ob claritatem vrbis Athenarum; tum verò ex eo quòd egregia sua opera in eâ sede Græcarum literarum principe Articè lucubraffet. Præterea, quòd in eâ vrbe diutiùs multò, quàm Parisijs, sedisset: denique ob reuerentiam magni Apostoli, qui Dionysium suâ institutione Christo acquisitum, & suâ manu consecratum, Ecclesiæ Athenarum primum præfecerat.

§. IV.

**P**OSTEA demiror argutum esse Aduersarium contra se, cùm in exemplum allegat appellationē Gregorij Nanzianzeni, & habeo illi gratias, qui causam nostram testimonio iuuat, quo luculentius aliud esse vix possit. Fuerat Gregorius Episcopus primùm Sasimorum creatus: Na-

118 *Ad Caput V. Dissertationis,*  
zianzenam deinde Ecclesiam sub patre suo Gregorio administrauerat: denique in sedem Constantinopolitanam est sublimatus, ubi Clero, populo, Imperatore, & Episcoporum Concilio confirmantibus electionem, aliquandiu præfuit. An quisquam cum Constantinoplis Archiepiscopum appellat? Numquid Nanzianzi, cuius populum aluerat verbo Dei, & instituerat multorum annorum curis? Ita & tu, Lector, philosophare de Dionysio nostro, qui plures annos Athenis, quàm Parisiis versatus est.

§. V.

**E**T quia de Parisiorum vrbe Aduersario placuit argumentari. hic eâ de re nonnihil breuissimè differamus. Fatemur quidem tunc temporis, cum Dionysius in Galliam est



legatus, oppidum tantum, seu castrum non magno ambitu murorum comprehensum fuisse Lutetiam: habuisse tamen ciuitatem & populum non contemnendum, vt ex commentariis Cæsaris apertè constat. Neque porro nobilitas vrbium pendet ab amplitudine murorum ambientium, sed à liberalioribus populi moribus, & ingenio loci, quem cœli salubritas, vbertas soli, aquarum affluentia, & ad commercia vicinarum gentium opportunitas bearint, quæ quàm liberaliter indulserit natura Lutetiæ, & oculos habemus testes, testem Cæsarem, qui Parisios Concilium Galliæ transtulit, testem Iulianum Imp. qui sedem Parisiis fixit, testes & postea Francorum Reges, qui Regni caput Lutetiam constituerunt. Vnde non mirum, si Dionysius quaquaversum fidem sparsurus & conseruaturus,

118 *Ad Caput V. Dissertationis,*  
zianzenam deinde Ecclesiam sub patre suo Gregorio administrauerat: denique in sedem Constantinopolitanam est sublimatus, ubi Clero, populo, Imperatore, & Episcoporum Concilio confirmantibus electionem, aliquandiu præfuit. An quisquam eum Constantinoplis Archiepiscopum appellat? Numquid Nanzianzi, cuius populum aluerat verbo Dei, & instituerat multorum annorum curis? Ita & tu, Lector, philosophare de Dionysio nostro, qui plures annos Athenis, quàm Pariliis versatus est.

§. V.

**E**T quia de Parisiorum vrbe Aduersario placuit argumentari. hic eâ de re nonnihil breuissimè differamus. Fatemur quidem tunc temporis, cùm Dionysius in Galliam est

legatus, oppidum tantum, seu castrum non magno ambitu murorum comprehensum fuisse Lutetiam: habuisse tamen ciuitatem & populum non contemnendum, vt ex commentariis Cæsaris aperte constat. Neque porro nobilitas vrbiū pendet ab amplitudine murorum ambientium, sed à liberalioribus populi moribus, & ingenio loci, quem cœli salubritas, vbertas soli, aquarum affluentia, & ad commercia vicinarum gentium opportunitas bearint, quæ quàm liberaliter indulserit natura Lutetiæ, & oculos habemus testes, testem Cæsarem, qui Parisios Concilium Galliæ transtulit, testem Iulianum Imp. qui sedem Parisiis fixit, testes & postea Francorum Reges, qui Regni caput Lutetiam constituerunt. Vnde non mirum, si Dionysius quaquauersum fidem sparsurus & conseruaturus,

120 *Ad Caput V. Dissertationis,*  
hanc sedem tanquam arcem opportunissimam Religionis, elegerit.

§. VI.

**L**egant Aduersarij, & relegant Lacta Dionysij antiquissima, inuenient illum quidem missum fuisse à Clemente, numquam verò Parisios, sed in Galliam, vbi *verbi diuini semina gentibus eroganda suscepit*. Legant Martyrologia Bedæ, Vsuardi, Adonis & Romanum, *directum* fuisse in Gallias inuenient, nusquam Legatum Parisios, vt nusquam ordinatum à Clemente, quia nimirum iam ab Apostolo fuerat consecratus. Cuius quidem rei testimonium ab actibus illius citari posset, vbi nihil de ordinatione à Clemente dicitur, sed expressius è Martyrologiis offertur, in quibus primorum fidei Præconum

ordinatio minimè reticetur. Nam in Romano 22. Martij, Paulus Narbonensis dicitur, *Apud Narbonam relictus, & ibidem Episcopali dignitate donatus.* Quod idem Vſuardus docet 12. Decemb. Similiter Trophimus 29. Decemb. *Ab eodem Apostolo Episcopus ordinatus præfatæ vrbi, &c.* Idem apud Vſuardum eodem die. Sic de Memmio 5. Augusti, *Cathalauni in Galliâ, S. Memmij ciuis Romani, qui à S. Petro illius ciuitatis Episcopus consecratus, &c.* Sic de sancto Frontone, 25. Octob. *Qui à S. Petro Apostolo Episcopus ordinatus, &c.* Quod ipsum Vſuardus habet eodem die. Sic de Eutropio, 30. Apr. *Quem S. Clemens Pontificalis ordinis gratiâ consecratum direxit in Galliam.* Quod idem Vſuardus, eodemque die refert. Sic de Taurino 11. Augusti, *Apud Ebroicenses in Galliâ, S. Taurini Episcopi, qui à B.*

122 *Ad Caput V. Dissertationis,*  
*Clemente Papâ illius ciuitatis Episcopus*  
*ordinatus, Euangelij prædicatione fidem*  
*Christianam propagauit.* Dionysius ve-  
rò tantùm *directus* cur dicitur ab om-  
nibus Martyrologijs, nisi quia iam  
ordinatus à Paulo credebatur? Itaque  
& Apostolus Galliæ meritò prædica-  
tur, cui Gallia penè vniuersa tanquam  
ager colendus, aperta est & commen-  
data; & nihil incommodi faceffit  
opinionì nostræ, Lutetiæ paruiras,  
cùm & ea nobilior fuerit, quàm Ad-  
uersarij dicant, & non illius angustię  
Dionysij labores & gloriam compre-  
hendant: quæ per vniuersam Gal-  
liam Germaniamque se se porrexit.

§. VII.

**T**Andem si ex aliquo scriptore  
antiquissimo assertas cupis se-  
dium mutationes, & peregrinatio-

nes primo sæculo ab Apostolicis viris, qualis Dionysius nolter fuit, usu receptas, habe, & lege aliquot periodos Antheri, qui ab anno 238. summum Pontificatum sanctissimè gessit, cuius decretum citant Yuo & alij (licet quidam vir doctus recentior, illud rejiciat, sed sanè diuinando, & cum veniâ eius dicam, valdè imbecilliter ratiocinando) ac deinde 3<sup>o</sup>. caput libri 3. Ecclesiasticæ historiæ Eusebij; ut iam Lini, Crescentis, Trophimi, Dionysij, & aliorum eius temporis varia itinera, & Episcopatus mirari definas, & credas. Ex epistolâ Sancti Antheri Papæ & Martyris: *Quod licet: docent non licere, id est, Episcopos migrare de ciuitate ad ciuitatem prætaxato modo. Et quod non licet: docent licere, id est misericordiam non agere circa patientes necessitatem, hoc est eis qui Episcopum non habent, & sacro Episcopali*

124     *Ad Caput V. Dissertationis,*  
*indigent ministerio: Episcopum de aliâ ci-*  
*uitate causâ vtilitatis vel necessitatis tri-*  
*bui, & Episcopis persecutionem aut ne-*  
*cessitatem patientibus, aliam cathedram*  
*dari negant. Contradiciunt etiam sacræ*  
*scripturæ; quæ testatur, malle Deum mise-*  
*ricordiam, quàm sacrificium. Vtrisque*  
*autem, id est famem verbi Dei sustinenti-*  
*bus, & Episcopis necessitatem quandam*  
*patientibus: quando inthronizantur prop-*  
*ter communem vtilitatem in aliis ciuitati-*  
*bus, non modica exhibetur misericordia.*  
*Negantes autem hæc: licet speciem ha-*  
*beant pietatis, virtutem tamen eius abne-*  
*gant. Hæc audiant Aduersarij, & ni-*  
*hil dissimulent.*

Ex Eusebij vero historiâ; lib. 3. c. 31.  
De Euangelistis, qui eò vsque cla-  
ruerunt. Quadratus item, inter eos, qui  
gloriæ & virtutis splendore iisdem tem-  
poribus præstabant, numeratur: quem  
ferunt, simul cum Philippi filiabus, dono



prophetia illustratum. Et præter istos alij complures erant, eâdem ætate percelebres, qui quidem & Apostolis proximè successerunt: & tanquam discipuli tantorum & tam insignium virorum eximiâ & diuinâ virtute decorati, Ecclesiarum fundamentis ab Apostolis ubique locorum præclare iactis, structuram concinnam illam quidem, adiunxerunt: qui & plenius cumlatiûsque amplificauerunt prædicationem verbi diuini, & salutaria regni cælorum semina fuse lateque per vniuersum Orbem disseminarunt. Etenim plerique omnes discipuli, qui eo tempore vixerunt, ardentiore cælestis sapientiæ studio amoreque incensi, & præ quodam diuini verbi desiderio animis perculsi, præceptum seruatoris antea traditum exquisitè executi sunt: & his qui opibus indigebant, facultates suas libenter imperarunt. Deinde à domiciliis suis peregrè profecti, munus obierunt Euangelistarum, atque ijs, qui ne ad-

126 *Ad Caput V. Dissertationis,*  
*huc quidem omnino verbum fidei audiuis-*  
*sent, Christum predicare, & scripturas*  
*sanctorum Euangeliorum tradere omni*  
*curâ & cogitatione studuerunt. Qui cum*  
*in locis quibusdam peregrinis fidei dumta-*  
*xat iecissent fundamenta; Pastoresque alios*  
*constituissent, illisque curam eorum, qui ad*  
*fidem nuper erant adducti, doctrinâ Chri-*  
*sti sedulò excolendorum, commisissent: ipsi*  
*ad alias regiones, gentesque cum gratiâ &*  
*virtute diuinâ se contulerunt. Quippe vir-*  
*tutes permulta admirabiles, & miracula*  
*sacro-sancti Spiritus ope, per eos ad id us-*  
*que temporis gerebantur: ita ut frequens*  
*hominum multitudo, ipsa primâ predica-*  
*tionis auditione persuasa, propenso studio*  
*pietatem & cultum, qui Deo omnium re-*  
*rum opifici soli debetur, animis exciperet,*  
*amplectereturque.*



A D  
CAPVT VI. DISSERTATIONIS  
CVIVS EST INSCRIPTIO,

*Duos etiam Roma distinctos olim  
fuisse Dionysios, nec Areopagi-  
tam illum, qui Parisiorum fuit  
Episcopus, appellatum.*

RESPONSIO.

§. I.

**S**ENTENTIAM nostram  
Ecclesiæ Romanæ testi-  
monio cōfirmauimus sa-  
tis superque. Etenim cū  
illa soleat proponere sanctorum hi-  
storias ab omni non modò falsitate,

sed, quoad fieri potest, etiam ab omni suspitione falsitatis alienissimas & castigatissimas; maximè verò in tremendo Missæ sacrificio; quis, nisi per insignem temeritatem dicere audeat, usam illic fabulosis narratiunculis, & errori suffragatam fuisse? Certè in Martyrologio apertissimè Dionysium Arcopagitam eundem ipsum esse cum Parisiensi enunciat: narrat in precibus nocturnis disertissimè: & in ipso mysterio altaris conuersionem Dionysij Arcopagitæ publicè legit. Quid faciant hîc Aduersarij? teneri se sentiunt; quò diuertent? tam ridiculè & vanè profectò satagunt eludere certissimum ictum, ut mirum sit doctissimos, ac sapientissimos alioqui viros, aut non habuisse aliud quod responderent, aut sanè quod ipso silentio esset inanius, respondisse. Audiamus. *Si propterea quòd in Dionysij nostri*

nostri *Missa*, mentio sit *Arcopagitæ*, confundi utrumque volumus, quid vetat quominus, quia in *Deiparæ Virginis Assumptione* euangelium *Magdalena* proprium usurpatur, eandem utramque Mariam fuisse contendamus? Quod si absurdum hoc esse ducimus, intelligimusque Ecclesiam in illo Euangelio aliud nihil spectasse, quam nominum similitudinem; quis satis cautum putet eum, qui aliud in *Dionysii* lectione spectasse suspicetur? Quare desinant, si sapiunt, hoc argutiarum genere ludificari. Valde omnino premebatur, qui hoc postico fugam ceperit. Itaque ex eius verbis in festiuitate *Dionysij Parisiensis* deprompta est ea lectio, quæ *Dionysij Arcopagitæ* conuersionem docet, ob aliquam, & solam modò similitudinem nominis. Vnde hîc tantum questio superest de mente & consilio Ecclesiæ: illudne fuerit quod assignat *Aduersarius*,

I

130 *Ad Caput VI. Dissertationis,*  
an aliud? Volueritne recitari conuer-  
sionem Arcopagitæ in festiuitate al-  
terius, propterea quòd vterque Dio-  
nysius appellaretur: an quòd ipsa sen-  
tiret vnum eundemque esse Diony-  
sium. At verò de mente & consilio  
Ecclesiæ & liquidò & certò constat;  
nam & Martyrologium Romanum  
& vigiliarum huius diei lectiones, il-  
lud proferunt non ambiguè. Quid  
reponunt? Die festo S. Clementis le-  
gitur in Missâ pars Epistolæ, quæ de  
Clemente mentionem facit: die S.  
Lucæ, quæ de Lucâ: SS. Mathiæ &  
Barnabæ, similiter, quæ de iisdem;  
conueniente interim Martyrologio,  
& lectionibus nocturnis cum episto-  
lâ. Quid apertius, quid certius, quàm  
non esse aliter factum, & non aliâ  
mente, in ipsâ festiuitate Dionysij?  
Aut si pugnare pergitis, docete, obse-  
crabo vos, quamobrem die S. Petri

Chrysologi, aut Ioannis Chrysostomi, aut Pauli Eremitarum ducis, nihil de S. Petro Apostolo, nihil de Ioanne Baptistâ, aut Euangelistâ, nihil de Gentium Doctore Paulo legitur, quandoquidem inter eos similitudo nominis pariter intercedit. Comparisonem deinde quam affertis, quid est opus refellere? partem illam Evangelij, quæ de Mariâ Magdalenâ est, dicitis vsurpatam esse in festo Assumptionis beatæ Mariæ, ob similitudinem nominum. Quod rei profectò, vel quidpiam simile si proferremus, ne responsione nos aliquâ dignos, sed vel sibilo excipiendos arbitraremini. Illud enim Euangelium legitur ob intelligentiam mysticam; quoniam videlicet & castello Bethaniæ, Virginis vterus repræsentatur, & Maria & Martha, vitæ actiue atque contemplatiue perfectum exercitium desi-

132 *Ad Caput VI. Dissertationis,*  
gnant; quod in Christiparâ Virgine  
mirificè reluxit. Nam ita SS. Patres  
intellegerunt.

§. II.

**D**E Martyrologio verò Romano, ecquod erit iudicium Adversariorum, ecquæ sententia? ( cum illorum veniâ dicam ) audent quodlibet ; dum quem minimè possunt nodum exolvere , actutùm rumpunt. *Novitius error est* ( inquiunt ) & paulo pòst, *Et quod mirum est , cordatis hominibus contra veterum exemplarium fidem, & contra Ecclesiæ Romanæ historiam omnem persuasus error.* Est igitur allucinatus quisquis Martyrologium illud Romanum concinnavit: & cæci doctissimi Romanorum in historiâ Romanâ dicendi sunt: Et parum prudentes , parumque consulti summi.



Pontifices, qui aut leuibus viris ( vt quod est minimum, dicam ) aut ignorantibus, seu reuera negligentibus & supinis eam curam commissam esse voluerunt. Imò parum hîc veraces ( quod nemo facile dixerit benè Christianus ) qui suis literis ad Martyrologium Romanum appositis, testantur fuisse sibi hanc curam, vt idem Martyrologium, *Per viros eruditos ad fidem historiae, quæ rerum gestarum, personarum, locorum, temporum veritate continetur; adhibitis etiam codicibus vetustioribus atque emendationibus corrigeretur.* Hæc Gregorius XIII. Qui fieri potest, rogo, vt hæc ab homine veraci profecta sint, si non tantùm Martyrologia non emendarit, quæ corrupta erant; sed verò contrà corruerit, quæ nulla emendatione indigebant? Atque admonitum Lectorem è re natâ cupio, omnia nempe

134 *Ad Caput VI. Dissertationis,*  
iudicari ab Aduersariis ac reprehendi,  
non aliter quàm è tribunali supremo,  
sine vllâ rationis vel authoritatis al-  
legatione, quæ de rebus Ecclesiasti-  
cis apud summum Pontificem, ve-  
lint, nolint, summi ponderis est, erit-  
que semper apud æqua iudicia.

§. III.

**Q**Uod autem Romani Antisti-  
tes Dionysium Parisiensem  
non appellauerint Arcopagitam, id  
tam nihil obstat, quominus talis re-  
uera sit, quàm nihil vnquam obsti-  
tit Gregorio Magno, si Doctor, si  
Magnus, si Prætor vrbis minimè sem-  
per appellatus est. Sed numquid Gre-  
gorius XIII. Arcopagitam Diony-  
sium nostrum satis apertè, aliq; multi  
Pontifices post illum, nuncupauerunt  
in sacris ritibus ac libris, non tantum

à se probatis. verùm etiam & probari  
& recipi iussis? Quis autem omnium  
Areopagitam negauit? proferant Ad-  
uersarij, seu antiquum, seu recentem  
Pontificem, si quem habent. Si Pari-  
siensis, Areopagita iudicari non de-  
bet, quia non sic appellant illum  
omnes Pontifices: sed neque Athe-  
niensis fuit Areopagita, vt ex ipso  
Dissertatore facilè probo, affert enim  
textum Sophronij ad Honorium  
scribentis, vbi de Dionysio Athe-  
niensi dicit, Διονύσιος ὁ μαθητὴς Παύ-  
λου, καὶ τῷ Χριστῷ μάρτυς, καὶ τῷ  
Αθηναίων Ἐπίσκοπος. *Dionysius discipu-  
lus Pauli, & Christi Martyr, & Athe-  
niensium Episcopus.* Sed & Martyro-  
logus ipse Vsuardus vbi, ex Aduersa-  
rij mente, de Dionysio Areopagi-  
tâ 3. Oct. mentionem facit, cum ta-  
men minimè appellat Areopagitam,  
quod tum præ cæteris authoribus, di-

136 *Ad Caput VI. Dissertationis,*  
stinctionis gratiâ , imprimis facere  
debuisset: sed nec Atheniensem Epi-  
scopum vocat, ait enim *s. Non. Oct.*  
*Natale S. Dionysij Episcopi & Mar-*  
*tyris, qui post clarissimam confessionem,*  
*&c.* Quod eloquentissimus eruditif-  
simusque vir Samblancatus in suo  
Palladio nuper aduertit. Quamob-  
rem aut Aduersarij cōcedant Vsuar-  
dum non esse de Dionysio Arcopa-  
gilâ locutum, quoniam sic eum non  
appellauit ; aut fateantur sanè nihil  
esse opus eundem hoc nomine ab au-  
thoribus designari.

§. IV.

**D**Enique diplomate Innocen-  
tij III. oppugnari vult no-  
stram sententiam Dissertator, quo ta-  
men maximè fulciri contendimus.  
In his litteris Innocentius manifestis-

simè loquitur de duobus Dionysijs ,  
de quibus audierat subortam esse in-  
ter aliquos controuersiam , Athe-  
nienſi & Corinthio , quos egregios  
in opere & sermone dicit. ( Nam de  
Dionysio, si quis est, de quo Grego-  
rius Turonensis, nec dubitatio nec  
controuersia esse poterat. ) Confu-  
derat enim aliquando vtrumque An-  
tistitem ipse Beda , quamquam ex-  
pressè in suo Martyrologio Diony-  
sium à Clemente missum testatus est.  
Nam in id actorum cap. 17. *In quibus  
& Dionysius Areopagita*, ita obiter di-  
cere contigit , *Hic est Dionysius , qui  
post Episcopus Corinthiorum gloriose Ec-  
clesiam rexit.* Quod ex Liberato Dia-  
cono sine dubio acceperat : cuius hæc  
sunt verba, cap. 10. Breuiarij sui, *Dio-  
nysij Areopagite Corinthiorum Episco-  
pi, & Gregorij mirabilis Θεοματουργος  
cognominati.* In quorum opinionem

138     *Ad Caput VI. Dissertationis,*  
etiam lapsus Hugo Cardinalis, in  
cap. 17. Actorum sic ait, *Arcopagita*  
*iudex Arcopagi, qui postea Episcopus*  
*Corinthiorum bene rexit Ecclesiam.* ( Ita  
successivus error maximè in promptu  
est. ) Hæc itaque testimonia, ut ex  
Epistolâ Abailardi, ad Adamum Ab-  
batem S. Dionysij, constat, dubita-  
tionem aliquam mouerant, essetne  
Arcopagita Dionysius idem, qui Co-  
rinthius, an verò idem, qui Parisiësis.  
Innocentius dubium amoturus, quid  
aliud excogitare habuit, & efficere,  
quàm eius, qui Corinthi obierat, &  
vnde dubitatio quorundam subierat  
animum, dare reliquias? Nemini  
enim dubium, aut controuersia vn-  
quam fuit, Athenisne essent, an mi-  
nimè; nam si Athenis ( quod nemo,  
ne per somnium quidem cogitauit )  
repertræ fuissent, quis dubitare vel mi-  
nimùm in re tã clarâ potuisset? Misit

igitur Innocentius reliquias illius Dionysij, qui Corinthiorum Ecclesiam rexerat, ut si Arcopagita forsan is esset, ut allegati authores existimauerant, gauderet saltem eius sacratissimo deposito Gallia, cuius doctrinam ac nomen tantoperè amabat. Cum verò deterfâ penitus ambiguitate iam apud omnes pro exploratissimo habeatur, Arcopagitam alium esse à Dionysio Corinthio, ut ex ipsiusmet Corinthij & Eusebij clarissimis testimonijs euincitur: id emergit sanè ex ratiocinatione & facto Innocentij, ut utrumque habeamus omni dubitatione sublatâ; Corinthium quidem, quia dedit: Atheniensem verò, quia accepto eo, quem dabat Pontifex, nos Atheniensem habere pro certo iudicabat: ut & constat aliunde.




A D  
CAP. VII. DISSERTATIONIS  
CVIVS EST INSCRIPTIO,

*Quàm absurdis se dictis implicent, qui Dionysium Parisiensem cum Arcopagitâ confundunt.*

RESPONSIO.

§. I.

CTOGENARIVM Dionysium venisse in Galliam nec quicquam prohibet, & historiarum docent. Miraris? Octogenario maiorem esse te fama est: considera ex te ipso Dionysium, & robustio-



rem adhuc fuisse puta. Titus Creten-  
sis Episcopus, Pauli discipulus, propè  
centenarius vivere desiit. Symeon  
Cleophæ, Hierosolymorum Anti-  
stes, centum & viginti annorum se-  
nex supplicio crucisferendo fuit. Do-  
rothæus præsul Antiochenus, toti-  
dem, vno minùs, expleuit annos.  
Cyrus Episcopus triginta supra cen-  
tum emensus est. Et apud nos Remi-  
gius Remensis septuaginta annos  
sub ipso Episcopatus onere transegit.  
Renobertus denique nonaginta: &  
anno ætatis suæ vigesimo supra cen-  
tesimum, vt est in actis eius, mortem  
oppetiit. Quis adeò miratur? Quis  
Ioannem, quis Polycarpum, quis  
Photinum, quis Irenæum nonagena-  
riis maiores, laboribus, peregrinatio-  
nibus, exiliis, martyriis adhuc non  
impares sine vllâ dubitatione non le-  
git? Vt nihil Macrobios Luciani cō-

142 *Ad Caput VII. Dissertationis,*  
memorem: Et Ecclesia suos habet  
utilissimos Orbi de fide Christianâ  
testes, qui diuinâ prouidentia ad mul-  
tum, insolitumque senium sunt con-  
seruati. Quid igitur causæ est, cur  
octogenario Dionysio negent, quod  
prouectioribus concedi à se necesse  
est, nisi omnem conuellunt historiæ  
antiquæ fidem? Sed commentantur  
deinde multa de itineribus illius: in-  
terrogant, & respondent sibi, cer-  
tant, & vincunt; litigant, & decer-  
nunt; & cum inanibus umbris nomi-  
num, quæ Dionysio nec inaniter tri-  
buuntur, colluctantes, hoc vnum  
possunt euincere, vt qui Dionysius  
est, Dionysius vocetur. Esto si aliis  
placet; nam hic præsertim Dominus  
du Saussay petitur, cuius peregregiū  
opus, quo Galliæ suum Dionysium  
vindicat, si legissent ij, qui contrâ  
sentiunt, aut accessissent, opinor, ad

veritatem, quam cum illo defendimus; aut tantæ literaturæ & eruditionis virum aggredi formidassent.

§. II.

**D**E Missione autem à Clemente difficultatem fingit Aduersarius, vbi nulla est, vt iam palàm fecimus. Nulla, inquam, prorsus, Clemente viuentis Petri curas partiente, & pleraque munia, vt omnis antiquitas testatur, exercente. Quamobrem quouis tempore Dionysius mitti potuit. siue sub Nerone, siue sub Domitiano, vel Traiano, & à Clemente demandatus in Galliam nullo incommodo haberi. Vnde appareat, quàm infirmis ratiunculis, licet in speciem benè grauibus & validis, Dissertator depugnet, teneatque perpetuò lectorem, quem nisi præci-


144 *Ad Caput VII. Dissertationis,*  
puæ vigilantia sit, facile circumscri-  
bat. Atque in id incumbens, refutatâ  
( quod credit ) eâ opinione, quæ bis  
Clementem sedisse docet, & exploso  
commento de duplici missione Dio-  
nyfij ( quis autem hæc somniauerit,  
nescimus ) ita nos alloquitur, *Vobis,*  
*scholaque vestra nihil mirum sapere om-*  
*nia, quæ ad condiendam Hilduini fa-*  
*bulam facere videantur.*

§. III.

**E**QUE Epiphonemate liberè  
exclamato, ne illudendi sit fi-  
nis, Synaxarij deridiculum denuo  
pro se, & contra se allegat; pro se, si  
detruncatum accipimus; contra se  
verò, ut pote in quo & ineptum &  
pugnans reperiri nemo est, qui non  
videat fabulamentum. Vnde nihilo-  
minùs bonæ fidei testimonium de-  
promi

promi velit; imò tale ac tam graue,  
 vt eo solo totius Orientis & Occi-  
 dentis fidem labefactari posse putet.  
 Sed reuerà frustrà nritur authorita-  
 tem eiusce scriptoris, astruere, quæ  
 seipsa tam manifestè destruit. Diony-  
 sium refert author ille Synaxarij vnà  
 cum suis libris igne consumptum;  
 deinde venisse ad Occidentem, vbi  
 sit obtruncatus. Certè si quis hunc  
 audiendum existimet, æquius erit in-  
 terpretari Dionysium ignibus erep-  
 tum; & positum esse ὁλοκαυτῆται,  
 pro, sacrificatus est, hoc enim pro-  
 priè apud Nazianzenum significat;  
 id est, ignibus pro fide cruciatus est,  
 vnde virtute diuinâ euaserit. Quæ si  
 diuinitas est, non explicatio, & eius  
 narrationis author nec totus esse pro  
 nobis potest, quia contraria quæ-  
 dam inuoluit & ἀδυνάται; neque ab  
 omni parte contra nos, vt euident est;

146 *Ad Caput VIII. Dissertationis,*  
neutrorum igitur habeatur, & va-  
leat.



A D

CAP. VIII. DISSERTATIONIS  
CVIVS EST INSCRIPTIO,

*Dionysium Arcopagitam non sub  
Traiano vel Adriano, sed sub  
Domitiano Martyrium fecisse.*

RESPONSIO.

§. I.

**N**ON discedunt à suo mo-  
re, qui studio impugnant,  
dum quamlibet allucina-  
tionem suam pro argu-  
mento ipsâ veritate verius haben-

dā credunt. Vnde enim istud? *Methodius Hilduini errore abductus*, quorum, inquam, istud? facit nimirum, ut Methodio fides abrogetur. Ac certum est, ut suprà copiosè probauimus, hunc antea scripsisse, quàm Hilduinus: quo pacto igitur Methodius dicitur ab Hilduino abductus in errorem? Fortè ne ille præsenferit quid hic facturuseffet? & scripturus ipse fabulam apud Græcos, de principe illius authore apud Latinos diuinauerit? Sed venio ad grauiora, si quæ sunt fortè.

§. II.

**D**issident propè omnes, qui de Dionysij nostri martyrio scripserunt; & siue Græci, siue Latini diem mortis eius non eundem assignant. Neque verò miramur, si de illius an-

148 *Ad Caput VIII. Dissertationis,*  
nis & morte plerique illi non con-  
sentiunt, cùm neque de Christi, ne-  
que de sanctissimæ Virginis Mariæ,  
neque de Apostolorum erate & mor-  
tis die vna sit authorum sententia.  
Vehementer porrò vellem acquiesce-  
re illius opinionì, quæ mortem Dio-  
nysij ad Imperium Domitiani reuo-  
cat, nisi me duæ res, & graues illæ  
quidem, ab eâ prohiberent. Prima  
est Martyrologiorum authoritas. Ne-  
que enim tantum Bedæ & Adonis te-  
stimonio nitimur: habemus & sim-  
pliciora, quæ ainas; & si ita vis, etiam  
antiquiora. Audi Martyrologium  
Notkeri. *Tertio Octobris, Natiuitas S.*  
*Dionysij Arcopagite sub Adriano.* Audi  
Rosuueydicum. *Quinto nonas. Octo-*  
*bris, Athenis Dionysij Arcopagite, sub*  
*Adriano diuersis tormentis passi, ut Ari-*  
*stides testis est, &c.* Itaque si vetus, Ro-  
manum non est, aliquò tamen in nu-



mero est: & cum Bedâ, Adone, & Notkero consentiēs, nullo alio Martyrologio refragante, non parum nos mouet, vt in partes illius tranſeamus.

§. III.

**A**LTERA res est, ipsius Dionysij hac in re summa authoritas. Cùm enim seipse liquidò testetur superstitē S. Ignatio fuisse, qui Traiani anno vndecimo martyr occubuit; quî fieri potest, vt imperante Domitiano sit cæsus? & cùm alio in loco ad S. Ioannem in insulâ Pathmo relegatum scribens, prænunciet illi reuersionem ab exilio, ac tum miscenda inuicem colloquia; quo pacto vera hæc essent, si Domitiani tempore, quo Ioannes exulabat, Traiani tantum principatu reuocandus, Diony-

150 *Ad Caput VIII. Dissertationis,*  
fius cruentâ morte glorioſè defun-  
ctus eſt? Certè ſi quæ de Dionyſio  
feruntur ſcripta, Dionyſij ſunt, vi-  
uebat ille tempore Traiani; & cum  
ſub Adriano ceſum eſſe, aut ſub ex-  
tremum imperium Traiani, ( vt au-  
hor eſt Michaël Sincellus ) neceſſa-  
riò inferitur. Si verò ea ſcripta Diony-  
ſij non ſunt, cuius ergo, niſi τερατολό-  
γου αἰδρός, καὶ παρθένου ὀδοῦ ἐκμασῶς  
ἡρωιδεύς; vt in hanc rem ſanctus Ma-  
ximus inquebat? Probantur ſcripta  
Dionyſij Magni à ſanctiſſimis Chry-  
ſoſtomo, Anaſtaſio, Gregorio Ma-  
gno, Damasceno, Martino, Agatho-  
ne & Nicolao primo Pontificibus; à  
Synodis ſextâ & ſeptimâ: à Concilio  
Lateranenſi, à ſanctis Doctōribus,  
Maximo, Alberto, Thomâ, Bona-  
uenturâ, & innumeris alijs totius Ec-  
cleſiæ Catholicæ primarijs. Non  
ſunt igitur ſcripta vaniſſimi cuius-

dam capitis, & vaticinantis falsa, quod certè cogitare, temeritate aliquid grauius puto. Et quidquid sit tandem, si prædicti Pontifices, Concilia, Doctores parum in hac re viderunt, malim ego cœcutire cum ipsis (si dici fas est) quàm sapere *ex multis* cum Erasmo, & similibus. Quæ cum ita sint, det veniam Dissertator, si placet, quòd ab eius opinione in hac etiam parte, quamlibet securi, tamen inuiti quodammodo discedamus.

§. IV.

**H**ic verò dum è Martyrologijs nonnullis statui putat sententiam suam, quoniam de Adriano tacent. Illum iterum, vt sæpe, quæso, ex æquitate iudicet; si vult negari fidem ijs nostrarum partium testibus,

132 *Ad Caput VIII. Dissertationis,*  
qui dicunt apertè, quâ iuris æquitate  
vult mutis adhiberi? Sed corrupta ef-  
fe & interpolata obijcit Martyrolo-  
gia. Diuerticulum est: nihil facilius,  
quàm ita se se defendere: Sed iux-  
tâ infirmius nihil est, quàm autho-  
rum & grauissimorum quidem, pas-  
sim suppositam gratis obtrudere cor-  
ruptionem, numquam verò probare.  
Tandem quia laborem illi faceffit  
Aristides, seu Martyrologiorum au-  
thoritas, quâ sub Adriano interfe-  
ctum Dionysium constat: argumen-  
tum, quo tueri se fatagit, duabus pa-  
ginis explicatum, ita contraho. A-  
ristides dicere non potuit, nisi falsò,  
Dionysium sub Adriano passum esse,  
inquit; nec fieri potuit, vt diceret;  
quia nempè sciebat tum temporis,  
non Dionysium, sed Quadratum  
successorem Publij Athenarum Ec-  
clesiam regere. Optimè pro nostrâ

sententiâ, Nam in his verbis machina est nostrarum non inualidior, quâ profectò vel vnâ, quidquid Aduersarius opposuit argumentorum hæcenus, exturbari quàm facillimè potest. Viuebat adhuc sub Adriano Dionysius, vt Beda, Ado, Notkerus, & Rosuueydi Martyrologia testantur, nulloque alio Martyrologio contradicente; hoc verò tempore Quadratus Athenarum Ecclesiæ præsidebat, qui Publio successerat, Publius Narcisso, Narcissus Dionysio: vbinam gentium Dionysius versabatur interim, nisi in Galliâ, nisi Parisijs totò sui Apostolatus munere defungens? Nisi fortè dicant Athenis eum egisse priuatum, obscurum, ociosum, deposito Pontificatus onere, & Ecclesiæ laborantis curâ neglectâ.

Hic taceo Dissertatoris artificium,

154 *Ad Caput VIII. Dissertationis,*  
qui ut difficultatē refutandi se leuet,  
rationes obijcit nobis tanquam op-  
positas nostræ sententiæ, quibus ta-  
men cum primis ipse refellitur. Et se  
produnt apertius istiusmodi artes  
totâ Dissertatione Aduersarij sparsæ,  
quàm ut indigitari necesse sit.



A D

CAP. IX. DISSERTATIONIS  
CVIVS EST INSCRIPTIO,

*Dionysium Apostolum Parisio-  
rum dici posse , non Gallorum.  
Sulpitij Seueri resumpta defen-  
sio: Et authorum qui ei oppo-  
nuntur , explanatio. Epilogus  
Dissertationis.*

RESPONSIO.

§. I.

**D**IONYSIVM Apostolũ ap-  
pellari cur debeat quibus-  
dam, hoc satis miror, quòd  
& primis Ecclesię temporibus, & no-

156 *Ad Caput IX. Dissertationis* ,  
stris , Apostoli nomen præconibus  
verbi diuini longè opinor, inferiori-  
bus Dionysio , liberalissimè attribu-  
tum esse non nesciant. In Britan-  
niam penetrarat Euangelij prædicatio  
Apostolorum temporibus: Grego-  
rio tamen, Augustino, aliisque po-  
sterioribus quis Apostoli nomen in-  
uidit? Quis Xauerium non India-  
rum Apostolum appellat, quam-  
quam illò Thomas primùm, & no-  
uissimè Lusitanorum cura Christi fi-  
dem inuexerit? Vt minimùm cæcè  
Franciæ Apostoli titulum nemo Dio-  
nysio negandum sentiet, qui vim  
nominis Apostoli, & primos tanti  
Præconis labores in afferendâ regno  
Christi Franciâ intellexerit. Et quia  
Franciæ capitalis prouincia regiâ se-  
de nobilis, appellationem suam vni-  
uerso Gallorum imperio communi-  
cavit, vt id vulgò, non Gallia, sed



Francia dicatur: ipseque Dionysius in eâ Regni parte Apostolico perfunctus officio est. Si non tantum Franciæ, sed & Galliæ totius Apostolus vocetur, quis meritò succenseat? imò extra controuersiam est, & eum legatum esse ab Italiâ, ut salutem Gallorum procuraret, & ab ipso met multos pariter quaquà demandatos esse, qui spargerent Euangelij seminem. Quamobrem ita Ludouicus Pius Imperator, epist. ad Hilduinum scripta anno 836. quæ inter Concilia antiqua Galliæ locum suum habet, ita loquitur. *Quantum muneris atque presidij, non modò nobis ac predecessoribus, seu progenitoribus nostris, verum etiam totius imperij nostri populis, Domini providentia per beatissimum Dionysium sæpè numero, immò continuè, in magnis gratiarum vbertatibus contulerit, cuncta per transacta tempora Gallie na-*

158 *Ad Caput IX. Dissertationis,*  
*tiones senserunt, quæ eius insigni APO-*  
*STOLATV fidei rudimenta sumpserunt.*  
Et S. Ludouicus in diplomate quo-  
dam Abbatix Sandionysianæ dato,  
Francorum Legislatorem Diony-  
sium appellat : & Paschasius Rad-  
bertus in vitâ SS. Rufini & Valerij il-  
luxisse Dionysium Galliarum finibus  
memorat, tamquam *Luciferum matu-*  
*tinum.* Atque hæc cum ita se habeant,  
quis non videat quàm meritò Dio-  
nysius à nobis appellatur Apostolus  
Galliæ, quam suâ doctrinâ illustra-  
tam, suo quoque præsidio hæcenus  
conseruauit? Porro hæc afferre idcir-  
co volui de Dionysij Apostolatu, vt  
nihil prætermittere videar, ne illo-  
rum quidem quæ refutatione digna  
non erant.

§. II.

**I**Nter quæ numerari meritò possit  
 quæstio de duobus Dionysiis Parisi-  
 orum Episcopis, cui caducissimum  
 fulcimentum dedit malè intellecta  
 quædã vox in Chronico Fredegarij,  
 in vitâ S. Eligij, & in historiâ Grego-  
 rij Turon. & in libro 1. de miraculis;  
 quibus in locis fit mentio Sepulchri  
 S. Dionysij Parisiis, seu in Parisiensi  
 ciuitate magnâ religione & venera-  
 tione habiti. Quæ vno verbo, & iis-  
 dem authoribus, vnde nata videtur  
 quæstionis occasio, dissoluimus. V-  
 tinamque nihil inuolutius, salebro-  
 siusque moram faceret historiæ ve-  
 teri. Nomine Parisiorum, aut etiam  
 Ciuitatis Parisiorum, non ipsamet  
 vrbs, siue oppidum intelligi debet,  
 sed vniuersus populus, vniuersaque

160 *Ad Caput IX. Dissertationis,*  
regio, in quâ eadem obseruantur yi-  
uendi leges. Cuius rei probationem  
quæret nemo vel Grammaticus: si ta-  
men quis & Grammaticus & Theo-  
logus velit, dabit Cæsar lib. 1. de bel-  
lo Gallico. *Omnis ciuitas* ( inquit )  
*Heluetia in quatuor pagos diuisa est.* Sed  
vnde res pateat euidentiùs, proferen-  
dus est textus S. Audoeni lib. 1. de vi-  
tâ S. Eligij, cap. 32. *Fabricauit etiam*  
*Eligius Mausolaum S. Martyris Diony-*  
*sij in Parisiensi ciuitate: & super illud te-*  
*ctum marmoreum mirifico opere, auro &*  
*gemmais ornatum: itemque cristam & spe-*  
*cies de fronte magnificè composuit.* Et post  
pauca. *Mortuus est Rex Magnus & in-*  
*clytus Dagobertus, & sepultus est in ea-*  
*dem S. Dionysij Basilicâ, sub arcu, in la-*  
*tere dextro.* An aliquid expressius ha-  
beri posset, quàm & ciuitatem Pari-  
siorum ab eo Authore sumptam esse  
pro ipsâ regione, siue agro vniuerso  
Parisien-

Parisiensium, & S. Dionysium, qui  
Parisiis habere sepulchrum diceba-  
tur, non alium esse ab eo, in cuius Ec-  
clesiâ Dagobertus Magnus humatus  
fuit, vti nunc ab iis omnibus probari  
potest, qui oculos habent. Est enim  
ille tumulus regius sub arcu, à Suge-  
rio templi reedificatore integer con-  
servatus. Ac de antiquiore illâ Eccle-  
siâ Parisiensis suburbij cecinit Fortu-  
natus lib. 1. opusc. poematum cap. 11.  
*Lōgius hinc olim sacra cū delubra fuissent,*  
*Et plebs ob spatium saepe timeret iter.*  
Sed de hac re tantulâ sit satis.

§. III.

**I**Terum certè admiratio subit, eius  
immensæ fiduciæ, quâ videlicet  
obtento rursus vmbone Gregoriani  
& Seueriani dicti, Aduersarius pro-  
pelli putat quidquid ex opposito sta-  
tuatur. Et quidem si vel appellare fri-  
uola & inania, vt facit, quæcumque

162 *Ad Caput IX. Dissertationis,*  
proferimus testimonia, esse abundè  
credit, vt legitimè putentur confu-  
tata, facilem reuera, victoriam parat.  
Sed διχρον αὐτοῖς ἀγωνίζεσθαι τοῖς περὶ-  
μασιν. Respondet itaque quibusdam  
partim leuissimè: & fortiora, quod  
iam monuimus, interim prætermittit;  
partim diducit ac dissipat argumenta  
nostra; vt mediocria, quæ turbâ va-  
lent, & multitudine, singulariter  
prolata minore negotio vel debilitet,  
vel eludat. Quid enim, vt hæc pro-  
bem, respondit ad authoritatem Cle-  
mentis Papæ? Paulum venisse dixit ad  
Occidentis terminos: Aduersarius  
per terminos Occidentis Romam  
vult intelligi, nos Hispaniam.  
Quis non videat quàm impropriè,  
quam absurdè Roma terminus dica-  
tur Occidentis, præsertim apud extol-  
lentem labores Pauli, à quo beatus  
ille Pontifex asserit mundum vniuer-

sum fuisse lumine fidei collustratum. Prout ex epistolâ ad Rom. cap. i. constat sane annunciari fidem Romanorum in vniuerso mundo, cuius pars non contemnenda Romanis, imò præcipua certè Gallia semper fuit, & tanquam via illorum publica ad Germanias, Britannias, aliasque regiones obeundas: ipsaque Vrbe Massiliam venientibus iter duorum triumue dierum esse solet.

## §. IV.

**P**ostea quid Iustino, quid Eusebio respondet? quod aliis. Satis fuit illi si diceret, in cassum allata fuisse à nobis illorum testimonia, quoniâ *Aut de Galliâ non loquuntur, (inquit) aut si Galliam quoque comprehendant, ad illa tempora spectant, quibus susceptam in Galliâ Christi fidem Seuerus non negat.* At hæc allucinatio non parua meritò videri potest, quâ repente Iustinum

164 *Ad Caput IX. Dissertationis,*  
Dissertator prophetam fecit, ne Sul-  
pitij authoritatem infringeret, si  
propheta non esset. Iustinus Anto-  
nini Pij tempore viuebat, sub an-  
num 140. qui de Religione Chri-  
stianâ per omnes nationes etiam  
barbaras peruehendâ, tamquam de  
re præteritâ Prophetarum more lo-  
quens vaticinatur. Et fieri potuit: sed  
quæ credendi necessitas, rogo? fuerit  
enim tum Photinus, & claruerit. Sa-  
nè cùm sic Iustinus loquitur, nec de  
vnius Lugduni Ecclesiâ, nec de vnâ  
Galliæ prouinciâ, sed de toto planè  
Orbe vult intelligi propagatam  
Christi Religionem, vt ex illius ver-  
bis mox allegandis manifestum est.  
Deinde ad Tertullianum accedit,  
quem alio loco Vindiciarum nostra-  
rum appellauimus, & ad Irenæum  
tandem, quos pro se interpretatur pe-  
rinde quasi de tempore, quo dictus



Photinus Lugdunensi Gallia allucebat, locuti sint. Quod quàm alienum sit à veritate, sequenti Epilogo vel ipse illorum textus aperiet. Atque ita finem imponit Dissertationi suæ posteaquam valere nos, ac tacere graviter iussit. Indulgebit tamen nonnihil, si placet, & ut paulum quidem prolixa, sed bona verba hoc postremo responsionis capite faciamus, per eum licebit.



*EPILOGVS RESPONSIONIS,*  
*vbi proponuntur singula obiectiones Dissertationis Aduersariae, ac dissoluntur,*  
*recapitulatis, quæ superius explicata sunt*  
*rationibus, & quibusdam etiam nouis al-*  
*latis.*

**P** R I M V M DISSERTATIONIS,  
 Caput obijcit nobis Seueri au-

L iij

166 *Ad Caput IX. Dissertationis,*  
thoritatē, qui trans Alpes Religionem  
Dei serò susceptam, & proinde mar-  
tyria primūm visa sub Aureliano An-  
tonini filio perfunctoriè dicit.

Cui opponitur primò Clemens  
multò antiquior, qui epistolâ ad Co-  
rinthios primâ Paulum ad Occiden-  
tis terminos penetrasse testatur. Et  
Epistolâ primâ ad Iacobum fratrem  
Domini, Missionem Doctorū in Gal-  
lias ipsas aperte docet, vt primâ res-  
pensione clarè ostendimus.

Opponitur 2. Iustinus Martyr sub  
annum 140. clarus, qui grauitè atque  
asseueranter in Dialogo cum Tri-  
phone Iudæo apud Ephesum agens  
sic loquitur. Ἀλλ' ἐστὶ τὰ ἔθνη, &c. quæ  
latinè reddo; *Sunt gentes quedam, vbi  
nondum vestri generis quisquam habita-  
uit. Atqui ne vnum quidem genus est mor-  
talium siue Barbarorum, siue Græcorum,  
sen etiam aliorum omnium, quocumque ap-*

*pellentur nomine, &c. inter quos per nomen crucifixi Iesu, supplicationes, & gratiarum actiones Patri, & fabricatori omnium non fiant.* Cuius authoris ratiocinatio reuera fortissimè concludit, primò, quòd asseuerantiùs dici non possit, per nationes omnes disseminatam esse fidem. Secundò, quòd aduersus Iudæum nihil colligeretur, si concessâ Iudæorû dilatazione per omnem propè Orbem, & affirmatâ maiore adhuc diffusionem Christianorum, excipienda tamen esset nobilissima Romanorum Provincia, qualem Galliam fuisse quis neget? Tertiò nititur maximè illa ratiocinatio diuinæ authoritati, apud Marcum quidem, qui cùm Euangelium Romæ scriberet, Galliam nobilissimam partem imperij sine dubio comprehendit his verbis,

168 *Ad Caput IX. Dissertationis,*  
*Prædicauerunt ubique, c. 16. Apud Pau-*  
*lum verò ad Rom. c. 10. Numquid*  
*non audierunt? Et quidem in omnem ter-*  
*ram exiuit sonus eorum: & in fines orbis*  
*terra verba eorum: quod est argumen-*  
*tum Iustini, vult enim à Iudæis nul-*  
*lam excusationem obtendi posse suæ*  
*infidelitati: qui verbum Dei audie-*  
*runt certè; cùm & ipsæ omnes natio-*  
*nes audierint: secundùm quem sen-*  
*sus S. Thomas in eundem locum ad*  
*Rom. ait, Nulla enim ratio esset aufe-*  
*rendi excusationem infidelibus per hoc*  
*quod in futurum erant audituri: per hoc*  
*tamen non habetur quòd ad singulos homi-*  
*nes fama prædicationis Apostolicæ perue-*  
*nerit, licet peruenerit ad omnes gentes.*  
*Et Chrysostomus, & Eusebius li. 2.*  
*Eccles. hist. cap. 3. & Theophylactus*  
*in eâdem sunt sententia. Quam-*  
*obrem definant tergiversari, qui ad-*

uerfantur, & clam effugere qui cum luce congregari non possunt.

Opponitur tertio Eusebius, qui lib. 3. demonstrationis Evangelicæ, cap. 5. testatur Apostolos ad Britannicas usque insulas Evangelij facem protulisse, ὡς τῷ ὁκεανὸν πρὸς ἑλθεῖν ἐπὶ ταῖς καλουμένας βρετανικαῖς νήσοις, &c. Theodoretus verò lib. 9. de Græcarum affectionum curatione, Piscatorem & Sutorem, Petrum & Paulum intelligens, expressè docet in Britanniam, omnesque populos Romano imperio subiectos Euangelium inuexisse. Vnde optimè fulcitur Anglorum traditio de Adventu Iosephi ab Arimathæâ, & aliorum Euāgelij Præconum primo sæculo. Quod etiam confirmat Freculphus, cū ait chron. tom. 2. lib. 2. cap. 4. *Hic (Philippus) Gallis prædicat Christum, barbarasque gentes, vicinasque tenebris, ex tumentis*

170 *Ad Cap. IX. Dissertationis,*  
*Oceano coniunctas ad scientiæ lucem, fi-*  
*dei que portum deducit. Quæ sunt verba*  
Isidori lib. de vita & morte sancto-  
rum, cap. 74. Vbi præter Galliam,  
vides Britanniam tumentis iunctam  
Oceano fide illustratam ab Aposto-  
lo. Et in Græcorum Menologio 15.  
die Martij, ponitur Aristobulus Epi-  
scopus Britanniarum frater beati Barna-  
bæ Apostoli qui Ecclesiâ institutâ,  
ibidem Martyrium fecit. Et in diplo-  
mate regis Henrici II. Glasconien-  
si Monasterio, mentio fit Ecclesiæ à  
discipulis Domini ædificatæ; quod  
ex privilegiis multorum retrò princi-  
pum confirmat, & continetur in hist.  
Eccles. Harpsfeldij sæculo 1. c. 2. Ita-  
que princeps historiæ Ecclesiasticæ  
Eusebius, traditio, authores Græci, &  
Latini Britanniam fuisse lumine fidei  
illustratam cum docent, quis non vi-  
deat, quàm meritò Galliam ab Apo-

stolis non esse omissam intelligimus?  
quàm immeritò Aduersarij, & sine  
autore negant?

Opponuntur quartò Hieronymus,  
Gregorius Magnus, Isidorus, Beda,  
Cyrillus Hierosolymitanus, Epipha-  
nius, Hippolitus, Athanasius, Chry-  
sostomus, Theodoretus, Sophronius,  
& alij magno numero; qui conceptis  
verbis Paulum Apostolum perrexif-  
se ad Hispaniam docuerunt: quâ sen-  
tentiâ confirmatur Martyrologio-  
rum, ac traditionis antiquissimæ au-  
thoritas de institutione Crescentis  
Viennæ, & Pauli Narbonæ ab ipso  
Apostolo, dum ad Hispanias profi-  
cisceretur per Galliam.

Opponitur quintò Trophimus  
primus Arelatensis Episcopus Pauli  
discipulus, vt expressè docent Marty-  
rologia, Romanum, Vsuardi, Ado-  
nis & Bedæ. Item Ado in Chronico,

172 *Ad Cap. IX. Dissertationis,*  
& in libello de festiuitatibus Aposto-  
lorum: & Zozimus Papa, vt supra  
fusè ostendimus.

Opponitur sextò Crescens primus  
Viennensis Episcopus, item Pauli di-  
scipulus, ex Martyrologiis concordi-  
bus Bedæ, Vsuardi, Adonis, & Ro-  
mano: ex multis Romanorum Ponti-  
ficum rescriptis, quæ Ioannes à Bosco  
publici iuris fecit: ex Eusebio & So-  
phronio, & ex Adonis Chronico,  
vt superiùs dictum est.

Item opponitur Zacharias secun-  
dus Viennensis Episcopus martyrio  
coronatus ad annum Christi 100. ex  
Martyrologiis Bedæ, Vsuardi, Ado-  
nis, & Romano, & ex Adone Vien-  
nensi in Chronico. Igitur visa mar-  
tyria sunt, anteaquàm Aduersarij ve-  
lint.

Item S. Martinus successor Zacha-  
riæ de quo Martyrologium Roma-



num 1. Iulij, *Viennæ S. Martini Epifcopi, Apoftolorum diſcipuli.*

Item S. Verus beati Martini ſucceſſor, quem Ado confeſſione fidei floruiſſe aſſerit, & qui Martyr occubuit, vt ex epistolâ Pij primi ad Iuſtum Veri ſucceſſorem probatur, apud Ioan- nem à Boſco. *Athalus* ( potuit is eſſe, qui poſteà nominatur inter Martyres Lugdunenſes, *epiſtolas Martyrum portans ad nos venit, gaudium nobis inefſabile faciens de triumpho eorum. Qui dixit nobis S. Verum Collegam noſtrum, victorem de mundi principe triumphaffe.* hæc Pius. Neque verò refert quòd in Martyrologio martyr minimè dicatur. cum nec negetur ibi, & aliundè probetur. Viuebat autem Pius ſub Antonino, qui perſecutionem quartam excitauit. Vide igitur in Galliis martyria ante perſecutionem quintam.

Opponitur septimò Paulus Apostoli Pauli discipulus, ex Martyrologiis Bedæ, Vsuardi, Adonis & Romano, tam communi, quàm Rosuueydiano; & ex libello Adonis de festiuitatibus Apostolorum, & Orderico Vitali, & alijs.

Opponitur octauò Lucæ prædicatio in Galliâ, ex Epiphanio, qui asseueranter id docet, hæresi 51. vbi cùm dixisset annunciatum ab ipso Lucâ Dei verbum in Galliâ & Italiâ, addidit, ἀρχὴ δὲ ἐν τῇ Γαλλίᾳ, hoc est, *Imprimis verò in Galliâ*. Actum Crescentem idem prædicandi munus obijisse in Galliâ disertè memorat.

Opponitur nonò Eutropius ex Gregorio Turonensi, & Martyrologijs Vsuardi, Bedæ, Adonis & Romano; in quibus à beato Clemente ordinatus Episcopus, & missus in Galliam, vbi martyr occubuit, vna-

nimi conſenſione dicitur. Ergo viſa martyria in Galliâ ante perſecutionem Marci Aurelij.

Opponitur decimò Vrfinus ex ipſomet Gregorio Turonenſi, qui lib. de gloriâ Confefſorum cap. 8. *Bituriga* ( inquit ) *Vrbs primùm à S. Viſino, qui à diſcipulis Apoſtolorum Epifcopus ordinatus, in Gallias deſtinatus eſt, verbum ſalutis accipit: Quod cum Martyrologio Bituricenſi, Breuiario, Miſſali & manuſcriptis antiquis concordat, ubi à S. Clemente miſſus expreſſè dicitur, & in Roberti Antiſſiodoreniſis Chronico, aliſque permul- tis pariter legitur.*

Opponitur vndecimò Clemens Metenſis à Petro miſſus, ex Paulo Diacono, & tabulis eius Eccleſiæ, quę catalogum Epifcoporum ſuorum quam integerrimū repræſentat, item ex Roberto Antiſſiodoreniſi

176 *Ad Caput IX. Dissertationis,*  
in Chronico, & aliis.

Opponitur duodecimò Carau-  
nus Carnotensis, de quo Martyrolo-  
gium Romanum, *Quinto Kalend. Iu-*  
*nij, Carnoti in Galliâ, S. Carauni Mar-*  
*tyris, qui sub Domitiano Imperatore, ca-*  
*pite amputato, Martyrium sumpsit* Mar-  
tyria igitur maturius visa, quàm Ad-  
uersariis placet.

Opponitur 13. Memmitus Episc.  
Catalaunensis, qui Petri discipulus  
dicitur in Martyrologio Romano,  
Rabani, & Notkeri, Augusti 5. & in  
Chronico Roberti Altissiodorensis.

Opponitur 14. Fronto Ep. Petra-  
goricensis, qui cum Georgio Presby-  
tero missus ab eodem B. Petro dici-  
tur in Martyrologio Romano &  
Adonis, 25. Octobris, & in dicti Ro-  
berti Chronico.

Opponitur 15. Eucharis Ep. Tre-  
uirensis, qui Petri quoque discipulus  
dicitur

dicitur in Martyrologio Romano 8. Decemb. Missus autem fuit cum Valerio & Materno ex supradicto Chronologo Altiss. & ex tabulis Ecclesiæ Treuirensis, quæ catalogum integerrimum Episcoporum suorum exhibent.

Opponuntur 16. Sabinianus & Potentianus etiam Petri discipuli & Martyres, ex Bedæ Martyrologio 31. Decemb. & Roberti Altissiodorensis Chronico. Non igitur tam serò martyria.

Opponuntur 17. Agoardus & Aglibertus ad vicum Christolium propè Parisios, cum maximâ populi multitudine Martyres sub Nerone ipso, vt referunt Acta illorum, & Roberti Chronicum, quo sustinentur ea quæ de Sauiniano & Potentiano probata sūt. Ergo Martyres primo illo sæculo.

Opponitur 18. Sixtus Episc. Rhemenfis Petri discipulus & Martyr sub

M.

Nerone, ex Martyrologio Romano  
 1. Septembris, ex Fulcone Archiepisc.  
 Rhemenſi apud Flodoardum in hi-  
 ſtoriâ Episcoporum Rhemenſium, ex  
 Chronico sæpe diſti Roberti & alijs.  
 Non igitur expectata quinta perfec-  
 ſio, vt Martyrum purpura Galliam  
 illuſtraret.

Opponitur 19. Iulianus Cœnoma-  
 nenſis Episcopus, qui ſimiliter Petri  
 diſcipulus dicitur in Martyrologio  
 Romano, 27. Ianuarij, & in Chro-  
 nico Roberti, & ex communi tradi-  
 tione, quam Lethaldus Monachus,  
 qui vitam eius conſcripſit primus im-  
 pugnavit, & Iulianum cum multis  
 alijs non à Petro, neque à Clemente,  
 ſed à Sixto miſſum eſſe docuit; eam-  
 que doctrinam communi traditioni  
 refragantem hac ratiocinatione con-  
 firmat, *Iulianus erat Dionyſij ſocius,*  
*Dionyſius verò ex Gregorio Turonenſi*

*sub Decio tantum Parisios legatus fuit;*  
tum sic instruit totam societatem bel-  
lus ille historicus, ut Photinum Lug-  
dunensem, & Cœnomanensem Iu-  
lianum cum alijs, quos Gregorius  
Turonensis adiungit Saturnino, an-  
numeret: Irenæo, Eusebio, vniuersa  
antiquitate refragantibus: an hoc re-  
futatu dignum? maneat igitur Mar-  
tyrologio Romano, Chronico Al-  
tiss. & veteri traditioni sua authori-  
tas, nisi Photinum aliquem secun-  
dum Lugdunensem somniare ad-  
uersarijs placet, ne Lethadi halluci-  
natio suum authorem risui exponat.

Opponitur 20. Taurinus Episc.  
Ebroicensis, quem ex Romano Mar-  
tyrologio 11. Augusti, Orderico Vi-  
tali & alijs, Clemens in Galliam cum  
B. Dionysio delegauit.

Opponitur 21. Nicasijs Episco-  
pus Rothomagensis qui ex Martyr

rologio Romano 11. Octobris sub Præfide Fescennino, sub quo & Dionysius cæsus est, vnâ cum Quirino & alijs ( & fortè Quirinus hic occasionem dedit errori , quo Nicasius & Dionysius, à quibusdam Quintini socij crediti sint) hunc autem Nicasium Ordericus Vitalis, & alij socium Dionysij faciunt post tabulas Rhotomagensis Ecclesiæ.

Opponitur 22. Ionas siue potiùs Ionius B. Dionysij socius, ex Martyrologio Romano 22. Sept. & ex Actis eius , vbi gladio cæsus sub Iuliano Præfecto apud pagum Castrensem, in Diœcesi Parisiensi, docetur.

Opponuntur 23. Nazarius & Cel-sus , qui sub Nerone Gallias lustrarunt, vnde canebat Ennodius de ipso Nazario ,

*Nerone felix principe*

*Diuersa perpeffus mala ,*



*Lustravit Orbem non gravi*

*Pauore cordis algidus.*

Hi autē, vt in actis illorū legitur, Treuirim euntes seuiēte Neronis persecutione, deiiciūtur in mare, vnde liberati diuinitus, post varias peregrinationes martyrio coronati sunt. Sæuijt igitur Neronis crudelitas etiam trās Alpes.

Opponuntur 24. earum Ecclesiarum tabulæ, quæ catalogum suorum Antistitum ab Apostolicis temporibus plenum atque integrum, repræsentant, vt sunt istæ, Viennensis in qua primus Trophimus à Petro missus 2. Zacharias: Deinde Martinus, Verus, Iustus, Dionysius seu Desiderius, Parocodus, Florentius, Lupicinus, Simplicidius, Paschasius, Nectarius 14. Nicetius, quem interfuisse Concilio Valentiniensi 375. Baronius notauit. Metensis, in quā 1. Clemens à Petro missus. Deinde Cœlestius,


M iij

Fœlix, Patiens, Victor, Victor secundus, Simeon, Sambatius, Ruffus, Adelphius, Froninus, Leguntius 13. Auctor, qui Concilio Agripinensi interfuit anno 346. Treuirensis, in quâ 1. Eucharis 2. Valerius, 3. Martenus Petri discipuli. Deinde Auspicius, Celsus, Felix, Mansuetus, Clemens, Moyſes, Martinus, Anastasius, Andræas, Rusticus, Auctor, Fabricius, Cassianus, Marcus, Auitus, Marcellus, Metropoliſus, Seuerianus, Florentius, Martinus, Maximinus, Valentius, Mauritius, 27. Agritius, siue Agripinus in Concilio 1. Arelatensi, anno 314. obiit 345 & successorem habuit S. Maximinum, qui circa annum 346. S. Athanasium perhumaniter excepit: & interfuit Concilio Agripinensi. Moguntinensis, in quâ 1. Crescons discipulus S. Pauli, Deinde Martinus, Crescentius, Cyria-

cus, Hilarius, Martinus secundus, Celsus, Lucius, Gothardus, Sophronius, Herigerus, Ruterus, Auitus, Ignatius, Dionysius, Rutbertus Adelardus, Lucius 19. Maximus in Synodo Agripinensi, anno 346. & obiit anno 375. Ita Carnotenses, Anicienses, Redonenses, Trecorenses, Bellouacenses, integrum exhibentes catalogum suorum Antistitum, antiquitatem suam firmissimâ traditione demonstrant.

Iam quis verbum quoddam Sulpitij, & elapsum potius ab dicente aliud, quàm cogitatè dictum, cum grauissimis illis autoritatibus, ac tam multis, iisque pro magnâ parte antiquioribus comparare, nisi ridendus planè audeat? quis, & maturam fidei auditionem, & Martyrum triumphos in Galliâ non facillimè, imò non necessariò fateatur? Nisi qui

perinsigniter quorumcumque iudicia virorum contemnat, sui vnus amans atq; obsequens; aut qui nunquam persuaderi decreuerit? Nam *persuaderi quid aliquis possit inuito?* inquit Pacianus epist. 1. ad Sympron.



## SECUNDVM DISSERTATIONIS CAPVT

**P**VGNAT autoritate Gregorij Turonensis lib 1. historiae Francorum cap. 30.

Refellimus autoritatem illam primò ostendendo vitiosam esse historiam, vnde ille sumpsit, Saturninum, Gatianum, Trophimum, Paulum, Dionysium, Strèmonium & Martialem sub Decio & Grato Consulibus missos fuisse in Galliam. Et certè si

vel in vno Episcopo veram non esse  
constat narrationem, nihil erit; cur  
in reliquis impetrare fidem mereatur,  
errore nimirum deprehenso non in  
aliquâ circûstantiâ, sed in ipsâ rei nar-  
ratæ substantiâ. Quid igitur, si penè  
in omnibus erronea sit? At verò eâ  
fide, ac certitudine testimoniorum,  
quâ maiorem in historiâ nemo obti-  
neat, ostendimus Paulum Narbôn-  
ensem creatum Episcopum ab Apo-  
stolis, Trophimum ab Apostolo  
Paulo, Martialem à Petro, contrâ  
quàm Gregorius dicat. Et sanè literæ  
Cypriani ad Stephanum Papam ita  
perspicuè manifestant antiquitatem  
Arelatensis Ecclesiæ, vt quamquàm  
illarum authoritas sit à nobis allata,  
ne attingere quidem eam sit ausus,  
qui nobis aduersatur. Hæc autem E-  
pistola vulgata etiam habetur in an-  
tiquissimo Codice manuscripto bi-

bliothecæ Corbeienſis. Ad hæc, de Saturnino aliud memorari. teſtatur ipſe Gregorius, miſſum videlicet ab Apoſtolorum diſcipulis. Et verò in antiquiſſimis actis Dionyſij eiſdem Corbeienſis Bibliothecæ confirmatur hæc veritas; ex quibus vniuerſis quid aliud elicitur, quàm teſtimoniũ præfatæ hiſtoriæ de quatuor Episcopis falſitatis conuictum, de reliquis tribus nihil certi continere; neque eſſe dignum, cui fides habeatur.

Refellimus ſecundò Gregorianam hiſtoriam Irenæi authoritate, qui mentionem facit Eccleſiarum in Celtis, Germaniâ & Hiſpaniâ inſtitutarum. Irenæus autem circa annum 186. Eccleſiam Lugdunenſem adminiſtrabat. Dicunt, vt effugiant Aduerſarij, Irenæum non alias laudaſſe Eccleſias, *quàm quas vel ipſe niſper, vel eius deceſſor Photinus Lug-*

*duni vicinisque in locis Seuerò teste, fundauerat.* Ita Dissertator. Vbinam verò testatur Seuerus Ecclesias à Photino, vel Irenæo vicinis Lugduno locis esse fundatas? eam rem sanè inauditam probare debuerat, & locum authoris si fieri potuisset, notare. At quod non est, sciri non potest. Seuerum legimus, & neque scriptum ab eo aliquid eiusmodi, neque aliud, vnde colligi posset, ne vestigio quidem deprehendimus. Loquebatur porrò Irenæus de traditionibus Ecclesiarum, prout ex toto contextu patet, non autem Lugdunensis vnus, sed plurium, inter Gallias, Germanias, & Hispanias continuò ab Apostolis, eorumque Discipulis, vt particulatim vidimus, erectarum. Sic enim scribit, lib. 1. cap. 2. *Ecclesia enim per vniuersum orbem vsque ad fines terre seminata, & ab Apostolis, & à discipulis eorum acce-*

pit eam fidem, quæ est in vnum Deum, patrem omnipotentem, qui fecit calum & terram, &c. Et seq. cap. Hanc prædicationem, cùm acceperit, & hanc fidem, quemadmodum prædiximus, Ecclesia, & quidem in vniuersum mundum disseminata, diligenter custodit, quasi vnam domum inhabitans, & similiter credit iis, videlicet quasi vnam animam habens, & vnum cor, & consonanter hæc prædicat, & docet, & tradit, quasi vnum possidens os. Nam & si in mundo loquelæ dissimiles sunt, sed tamen virtus traditionis vna & eadem est. Et neque hæc quæ in Germaniâ sunt fundatæ Ecclesiæ, aliter credunt, aut aliter tradunt: neque hæc quæ in Hiberis sunt, neque hæc quæ in Celtis, neque hæc quæ in Oriente; neque hæc quæ in Ægypto, neque hæc quæ in Libyâ, neq; hæc quæ in medio mundi sunt constitutæ: sed sicut sol creatura Dei in vniuerso mundo vnus & idem est, sic & lumen, & prædicatio veritatis,



*vbique lucet, & illuminat omnes homines, qui volunt ad cognitionem veritatis venire: hæc Irenæus. Vnde apparet & vetus Ecclesiarum traditio, & fidei per Germaniam, Hispaniam, Galliamque susceptio iam inde ab Apostolis.*

Atque hoc testimonium Irænei Tertullianus non parum fulsit, cùm circa 200. annum, 50. annis antea quàm venissent ij septem Episcopi; iuxta Gregorium, diuersas galliarum nationes Christianam religionem amplexas docet, lib. contra Iudæos cap. 7. *In quem alium vniuersæ gentes crediderunt (inquit intelligentissimus ille author) nisi in Christum, qui iam venit? Cui enim & aliæ gentes crediderunt, Parthi, Medi, Elamitæ, & qui inhabitant Mesopotamiam, Armeniam, Phrygiam Cappadociam, & incolentes Pontum & Asiam & Pamphiliam, immorantes Ægyptum, & regionem Aphrica, quæ est*

trans Cyrenem inhabitantes, Romani & incolæ, tunc & in Ierusalem Iudæi, & ceteræ gentes, ut iam Getulorum varietates & Maurorum multi fines, Hispaniarum omnes termini, & GALLIARVM DIVERSÆ NATIONES, & Britannorum inaccessa Romanis loca Christo vero subdita, (hic iterum notent Religionem non tantum prædicatam, verum etiam susceptam dici) & Sarmatarum, & Dacorum, & Germanorum & Scytharum, & abditarum multarum gentium, & provinciarum, & insularum multarum nobis ignotarum, & quæ enumerare non possumus? Hæc Tertullianus.

Quod si diuersæ nationes Galliarum fidem receperunt Pontifice Romano Christi Domini regnum procurante, quis adeo tardus, qui non statim Narbonem Martium, non Arclatem aliasque primarias Gallorum vrbes

cogitet, quibus pietas & fides Romana prospexerit? Maximè cùm eam curam Apostolorum, atque Apostolicorum virorum fuisse manifestum sit, ut ad principes vrbes, & capita nationum contenderent, trophæum Religionis nostræ tanquam summis arcibus victæ infidelitatis depacturi: prout ex Paulo Diacono in responsione ad cap. 1. probatum est. Et manifestè dictum legitur à Clemente, epist. 1 ad Iacobum fratrem Domini: *In illis Ciuitatibus, in quibus apud Ethnicos Archiflamines eorum, atque primi legis doctores erant, Episcoporum Primates poni, vel patriarchas ordinauit* (inquit) & paulò post prohibuisse Petrû dicit, ne Episcopi, in villis instituerentur, ne vilescerent. Vnde clarum est maiori quadam curâ principibus nationum vrbibus fuisse consultum. Denique absurdissimam videtur ne-

cessariò admittere amplectique opinionem qui dixerit, ad extrema Orbis Scythiam, Britanniam, Indiam delatum esse fidei lumen, & minimè ad portas Italiæ, ad alteram penè Italiam, ad clarissimas Galliarum vrbes.

Refellimus tertio tam Gregorij, quàm Sulpitij sententiam Orosij textu, non eo tantùm, quem i. cap. attulimus, Vbi persecutionem Neronianam fuisse per omnes Imperij Romani prouincias inflammata[m] expressè docet: sed aliis pluribus. Et quidem libro 7. vbi de templo Ierosolymitano loquitur, cap. 9. *Ecclesiâ Dei iam per totum Orbem vberrimè germinante, hoc (templum scilicet) tanquam effatum & vacuum, nullique vsui bono commodum, arbitrio Dei auferendum fuit.* Et cùm c. 10. de Domitiano agit imperii administrationem capiente: *Ad hoc paulatim (ait) per omnes scelerum gradus creuit,*

creuit, vt CONFIRMATISSIMAM  
 TOTO ORBE ECCLESIAM, da-  
 tis vbiq; crudeliſſimæ perſecutionis edictis,  
 conuellere auderet. Denique de quintâ  
 perſecutione ſicloquitur, cap. 15. Per-  
 ſecutiones Chriſt. anorum, quartâ poſt  
 Neronem vice, in Aſiâ & in Galliâ  
 graues, præcepto eius exiiterunt ( Marci  
 Aurelij nimirum ) multique Sanctorum  
 martyrio coronati ſunt. Hic itaque cum  
 Oroſius Galliam cum Aſiâ iungat,  
 & in Aſiâ ſingulæ perſecutiones de-  
 tonuerint, quid ſequitur euidentius,  
 quàm & in Galliâ eaſdem ſingulas  
 paribus flagraſſe incendiis?



### TERTIVM CAPVT

**O**bstreperit nobis traditione to-  
 tius Ecclesiæ Gallicanæ, quam

N

ex Martyrologijs probari contendit.  
Sed

Refutamus id primò negando vllam esse traditionem Galliæ de duobus Dionysijs: quam neque in aliquo Scriptore, neque in vllius Dionysij actis, aut vllis vllius Ecclesiæ tabulis, sed nec in Martyrologijs ostendere vnquam potuerūt Aduersarij. Quare aut inuisibilem aliquam Gallicanam Ecclesiam probent, vnde hæc nunquam visa, nunquam audita depro-mi fingunt argumenta, aut aliquid afferant quod videri possit, solidius, & ad fidem faciendam efficacius, quàm vana eiusmodi verba.

Refutamus secundò explicando commodissimè Martyrologia nonnulla, quæ bis de Dionysio Parisiensi, seu Atheniensi mentionem faciunt: & neque appositionem loci Athenarum, neque vocem Natalis, neque

aliâ vllam circumstantiam officere nobis, magnâ exemplorum copiâ luculentissimè comprobando.

Refutamus tertio ex antiquissimis Martyrologijs, siue publicatis, vt est Ephemeris Bedæ, vt Rabani, vt Romanum: siue ex plurimis antiquis manuscriptis, quorum textum attulimus, vbi vnus tantum Dionysij mentio repetitur. Quod Vsuardus ipse aduertens, cum omnes Dionysios aliôsque sanctos appositione locorum, in quibus mortem oppetiuerê, distinxisset, Dionysium Arcopagitam nullâ loci mentione factâ signauit, ne illum à Parisiensi distinguere voluisse videretur, vt fusè ostendimus.

Refutamus quarto ex iisdem Bedæ, Rabani & Romano, multisque manuscriptis Martyrologijs, item ex ijs, quibus vtitur Ecclesia Antissiodoren-


sis, & pariter Ambianensis, & S. Ioannis Ambianensis Monasterium, & Ecclesia Augustodunensis ipso vno Aduersariorum referēte, vbi expressē à Clemente missus Dionysius dicitur.

Refutamus quintò ex alijs, nēpe Notkeri, Adonis, Rosuueydi, & ipsius Bedæ Martyrologiis, vbi docetur passum esse sub Adriano Dionysium; ex quo necessarium sit inferri, cum, non Athenis fidei certamen consummasse, vbi tum Quadratus tertius, siue quartus Athenarum Episcopus præsidebat.

Refutamus sextò manifestissimā authoritate Episcoporum Gallix, qui ante Hilduinum scribentes discretè docuerunt, traditione antiquissimā retineri, demandatum fuisse Dionysium à Pontifice Clemente in Galliam. Nam ad quos pertinere potuit cognitio traditionum Ecclesiæ Gal-



licanæ, nisi ad Episcopos Galliæ? heretici, & priuati reclamant hîc toto capite, clamorem audire Gallia poterit, non dedoceri.



## QVARTVM CAPVT

**N**Ouam Hilduini & Sectatorum eius, opinionem explodit, Quod, vt facile faciat, auctoritatem eius inter fabularum narratores indignè abiicit.

Respondemus 1. postulari falsitatis & imposturæ Hilduinum, & ab accusatore ipso damnari; tametsi nulla possit eius falsitas, fraus nulla, aut deprehendi, aut probari. Ita de Hincmaro, de Anastasio, de Paschasio, de Aneâ, viris, quicquid Aduersarij iudicent, clarissimis, non ex æquitate

iudicatum esse relinquitur.

Respondetur 2. cùm Hilduini & Sectatorum eius, exploditur opinio, explodi pariter Ecclesiæ Romanæ opinionem, manifestissimè, vt ostendimus, pro Hilduino stantem, quàm verò id modestum sit, alij arbitrentur.


Respondemus 3. si noua fuit opinio Hilduini, tum explodendam fuisse, cùm erat noua: nunc autem cùm inueterauit octo sæculorum diuturnitate, absurdè & perperam nouitatis inuri notâ.

Respondemus 4. scripsisse Hilduinũ quæ sequuntur, ad Ludouicũ Imperatorem. *Quam epistolam* (scilicet Aristarchi qui, vt prædictum fuit, profectum Romam Dionysium, subrogato Episcopo Athenarum Ecclesiæ narrabat) *vestræ dominationi dirigimus; & quisque studiosus apud nos*

*præualet inuenire, &c.* Hæc autem scribi ad Imperatorem & Pium & eruditum minimè potuerunt, nisi pius esse defuerit; imò nisi cœperit videri & esse omnium hominum leuissimus; & reuerà profanus, qui de excudendâ imposturâ & fabulâ cum Hilduino conspirauerit, conspirasse quippe necesse est, si nihil tale Hilduinus exhibuit, quale ipse memorat & scribit ad se dissimulantem. In quarum plusquam leuitatum suspicionem nondum, opinor, venit neque impostorum veniet apud amicos æquitatis & modestiæ vir tantus, ac tam clarus piusque Imperator.

Respondemus s. scripisse Methodium ante Hilduinum, ut probauimus, Sincellum, Metaphrastem eodem sæculo, & eandem de Dionysio veritatem testatos esse, ex traditione & monumentis veterum: non

igitur ex Hilduino. Sed nec in multis consentiunt (licet in præcipuis, nulla sit eorum discrepantia) quod signum est, ne scripta quidem legisse Hilduini, aut alia certè vidisse, quæ sequerentur antiquiora. Denique & docti fuerunt, & Sancti, Doctorum, Sanctorumque post Ecclesiam iudicio.



## QVINTVM CAPVT

**L** Abefactare nititur assertionem nostram, ex eo quod Dionysius non sit in eorum catalogo apud Socratem, qui sedem mutauerunt.


Reponimus primò, integrum & accuratum non fuisse catalogum, vt ex benè multis, qui translati ab vnâ sede in aliam, nec à Socrate sunt recensiti, fecimus exploratum.

Reponimus 2. ex eodem Socrate, pro indifferenti quondam fuisse, An-

tistitem de vnâ sede in aliam transire,  
quoties expedire videbatur.

Reponimus 3. ex autoritate Euse-  
bij, moris fuisse virorum Apostolico-  
rum, qualis erat Dionysius, longè pe-  
regrinari, & subinde mutare sedes,  
quo verbi diuini fructus vberior in  
vniuersam Ecclesiam redundaret.

Reponimus 4. Dionysium propriè  
sedem non mutauisse, sed primam re-  
liquisse more Apostolico, quod ex  
Actis illius, & Martyrologijs certò  
constare ostendimus: Vnde mirum  
videri non debeat, si non est reposi-  
tus in eorum numero, qui de suâ sede  
in aliam commigrarint.



## SEXTVM CAPVT

**P**ersuadere quoad potest, con-  
tendit etiam Romæ distinctos

olim fuisse Dionysios, ex eo quòd Parisiensem summus Pontifex Arcopagitam non appellarit,

Sed primò dicimus id argumenti quod est de nomine, & merè negatiuum, esse iuxtà vanissimum, Dionysius suo semper nomine vocatus est; neque alià nuncupatione vnquam opus fuit.

Deinde rationem dedimus, cur Atheniensis Episcopus appellaretur, nempe quoniam ab Apostolo Paulo Episcopus Atheniensis creatus esset; & Athenis diutiùs, quàm Parisijs sedisset; & opera sua ipse Græcus Atticâ linguâ condidisset, Quod exemplo vel ab Dissertatore allato, Gregorij Naziázeni probauimus, & Vsuardi textu, in quo neque Arcopagita neque Athenarum Antistes appellatur. Postea verò aliunde Pontifices Romani manifestissimè sunt à nostris


partibus, vt ex Martyrologijs probatur, & officijs diuinis à se propositis Ecclesiæ vniuersæ, vsuque receptis antiquissimo.

Denique cur Ecclesia vniuersa iam olim de Dionysio Parisiensi Officium celebrari voluit, non autem de Gatiano, de Austremonio, de Photino, & alijs? an propter Parisiorum urbem principem? At neque Parisij tunc erant eius amplitudinis & dignitatis: & Lugdunum, Vienna, Martius Narbo, multæque aliæ vrbes Lutetiam anteibant: & nihil ad Germanos, Hispanos, Britannos ipsa Lutetia pertinet. An propter vtilitatem prædicationis? at Photinus, Irenæus, Marcialis Euangelii præcones, & nobiliores & vtiliores credi possunt, si Dionysius Parisiorum tantum Apostolus est. Sanè nihil superest, nisi Romanam Ecclesiam noluisse præ-

termittere hunc tantum Magni Apostoli discipulum, cui proinde assignauit idem Officium, quod Tito & Timotheo Episc. & Martyribus. Neque verò miram illam argutiam moramur Aduersariorum, qui Litaniarum multarum ordinem nobis opponunt, in quo Dionysius post Laurentium scriptus, inuocatur. Non enim fuit eorum qui Litanias composuerunt adeò accurata diligentia, ut ad Chronologicam rationem omnes Sanctos exactè reponerent. Probari vis, tu qui ad Litanias tam multas, ac non sine tædio recitandas præis? Nunquid Laurentium ipsum Leuitam Fabiano Papæ & martyri præmissum legis? Tamen Fabianus in persecutione Decij, Laurentius verò postea in persecutione Valleriani & Gallieni passus est. Nunquid Martinus Episc. anteit Nicolaum Episc. in iisdem lita-



niis? Tamen antiquiorem Nicolaum minimè ignoras. Aut igitur mitte hoc tuum argumentum è litaniis, aut noster ex iisdem responde, si potes.



## SEPTIMUM CAPVT

**A**Bsurdis se dictis implicare, qui Dionysium Parisiensem cum Atheniensi confundunt, probare nititur ab ipsius ætate Dionysij, peregrinatione, appellatione, missione à Clemente, & Synaxario Græcorum.


Ostendimus primò, nullam ex illius ætate aut peregrinatione absurditatem conijci: quod non paucorum exemplis statuimus.

Ostendimus 2. nihil aduersus sententiam nostram nomina emoliri.

Ostendimus 3. potuisse mitti à

Clemente, & sub Domitiano nihilominus victorem coronari; quamquam sub extremum Traiani tempus aut primū Adriani, cæsum probamus.

Ostendimus 4. vel Synaxarium Græcorum eam continere absurditatem, vt nullâ ratione debeat admitti: vel si castigetur ex Menologio, tum fauere totum sententiæ nostræ, aduersæ refragari.



## OCTAVVM CAPVT

**D**ionysium sub Domitiano cæsum dicit ex multorum auctorum sententiâ.

Instamus contrâ primò, ex vetustis Martyrologijs Bedæ, Notkeri, Adonis & Rosuueydi.

Instamus 2. ex ipso Dionysio cui

diuinissima scripta, & mille testibus; atque authoritatibus grauiora sanè, abiudicanda essent, & pro falsis & mendacibus habenda (quod soli propemodùm hæretici oppidò volunt) nisi eminentissimus hic Doctor Ioannem Apostolum ab exilio reuersum affatus est; non rediit autem Ioannes, nisi sublato è viuis Domitiano. Hoc tandem caput, etsi pro Dissertante fortiter concluderet, esse tamen noster Dionysius Arcopagita nullo argumento desineret.



NONVM, QVOD  
POSTREMVM CAPVT

**P**Artim cum nominibus luctatur, & sudat in vmbriis, ne Dionysius videlicet Gallorum dicatur

Apostolus, ne legatione functus per-  
honorificâ. Deinde Sulpitio iterum  
allegato, eludit, quâ potest, omnem  
authoritatem, quam illi opponimus.

Sed primò, titulum Apostoli asse-  
rimus nostro Dionysio, & ratione &  
authoritate.

Tum demum aut nihil, aut absur-  
dè responsum esse authoribus à nobis  
appellatis, manifestissimè ostēdimus.  
Quod & liquidius apparet ex initio  
istius Epilogi, cui finem impono, ver-  
bis Augustini ad Pascendum, sed  
sensu etiam meo.

*Da veniam, si quid liberiùs dixi, non  
ad contumeliam tuam, sed ad defensionem  
(veritatis) præsumpsit enim de gravitate  
& prudentiâ tuâ; quia potes considerare;  
quantam mihi respondendi necessitatem  
imposueris: aut si hoc non rectè feci, &  
huic da veniam.*

FINIS.





